

LUKA

Kalε Wĩ a Nde Ayekĩ Luka Tselε Ke a

^I Ɔnokɔẽ Tiofilo, bati pii boa mbodi ayekĩ baapuli, betselε letsa nye letsa a kĩ leya ne boe kame a biyi.

^{II} Betselε letsa a kĩ bibi boe a, ndε ayekĩ binu bitomena bikĩ bemó foletsa kĩĩ bame kito anε kayokayi a, ade bide letsā ne foe akū a.

^{III} Foesū, Ɔnokɔẽ Tiofilo, ne ayekĩ yĩ moawe a ntsā foletsa kĩĩ flee kame kito kayokayi a sū ni, nkona kĩ fonene kĩ matselε foletsa a pεpεpε mma nɔ.

^{IV} Nkena fukĩ ayekĩ aanyi ɔnokɔali kalε a ne foletsa a kĩ betsa nɔ a flee kame.

Bekpa Kanyi Ne Yohanes Mui Ɔwolane Kama Akū.

^V Ne lokɔ a kĩ Herodes kanya legā ne Yudea tite akū a, Yudafɔ ɔsofo odi na kĩ bave Zakaria. Eto ɔsofo katsu a kĩ bave Abiya a kame. Ɔtsɔ dī nye Elizabet kĩ ye malo eto ɔsofo Aaron kasinu a kame.

^{VI} Ɔtsɔ mo ɔnyɔ kĩĩ dzi nkpā wĩ ne Baguma anε, ade bekadi ye tebla mo nhihie akū pεpεpε a.

^{VII} Bati kĩĩ táma obi odima kitonekĩ Elizabet nya oduko, ade bati nviā a lemε de a.

^{VIII} Luwi a Zakaria kakena ye tosofo adzuma ne Yudafɔ afolie kabɔakɔ, kitonekĩ be katsu a akū fuke.

IX Ne be basofo adzuma kakena onukpẽ a, biwole ade foyake ne Zakaria akũ, kĩ enaate onyo mo olẽ ekpa Baguma ne ye afolibõ atenyẽ a akũ. Foesũ ewo enaa Yudafo afolie kabõakõ a.

X Loko a kĩ ekate onyo a, bati nkae a ko ne kanya bekabõa mpaẽ.

XI Boe Olate ode foto onyane odi nye ye akũ etsa ye ne onyo katekõ a somõna semake.

XII Kĩ Zakaria mó ye a, ebõa obili ade libe wo ye paa a.

XIII Lemẽ Baguma ode foto onyane a bi ye kĩ, “Zakaria, tavila! Baguma nu nõ mpaebõ, nõ otsõ Elizabet aama obinyole ekpa nõ. Aate ye dĩ kĩ Yohanes.

XIV Kawõle aade nõ paa, ade ayea kawõle aade bati pii lemẽ nte bema ye a.

XV Yaanya oti kpale ne Baguma ane. Ketáne kĩ yamõa waĩ ñye bave mo osĩ. Ade kito ye kama kame ni, Hũhũ Kpalewa aate ye kame.

XVI Ade ye aanya oti kĩ yaamunikimõ Israelfõ bati pii eyamena ne be Olate Baguma a sekẽ a.

XVII Yaanya boe Olate kaya a lotõ ena hũhũ mo kõbẽ nde ayekĩ Baguma Onukpẽ Onyene Eliya na a. Yaalõla babi mo balega kayite. Yaadani bikĩ bideĩ ato osĩ bena adzuni nde bikĩ bakena tuwĩ. Fukĩ aafõ boe Olate bati lena ne kukũmanẽ kame bekpa ye.”

XVIII Ade Zakaria via ode foto onyane a kĩ, “Nde maakena ñnyi kĩ fukĩ aaya ne foe kame? Kitonekĩ nde, ade yĩ otsõ lemẽ de a.”

XIX Baguma foto onyane a kpa mbuaye kĩ, “Yĩ nye Gabriel kĩ madza ne Baguma ane. Ade ye lido yĩ kĩ ñyaabi nõ olẽdo wĩ kĩ a.

XX Leme otáte yĩ olèdo odo, kĩ yaaya ne foe kame ne loko a kĩ Baguma hihie eyi a. Ne foesũ aato lumumu, oláapuli òlè kòdzela kènaawo luwi a kĩ foletsa a kĩ nle ìyi kī a aaya ne foe kame.”

XXI Ne loko a kame a, bati a kĩ bena ne kanya bekadzole Zakaria kèna saa, ade bekabu lolo kame ne letsa a sũ kĩ ebuna owi beblebee ne afolie kabòakõ a.

XXII Kĩ Zakaria ne eya a, etábuki epuli ele kòdzela mo be. Foesũ bemó biyi osũ kĩ emò kanyekatsa kadi ne afolie kabòakõ a. Kĩ eto lumumu sũ ni awe ekòa ekakena nsentseleni katsa be.

XXIII Kĩ Zakaria yua ye adzuma ne Yudafò afolie kabòakõ a, edzakũ enaa oto.

XXIV Ke liti a, Elizabet yatsãmo koma ade etábuki ene kanya a. Ekola ye akũ tideto elo flee.

XXV Adeke Elizabet le kĩ, “Finyaakĩ ni, Baguma bumò yĩ ade enye yĩ konyoã ne bati ane a.”

Bele Yesu Kama Biyi.

XXVI Ne tideto evũ liti a, Baguma do ye ode foto onyane Gabriel enaa Galilea omato odi kĩ bave Nazaret kame.

XXVII Ode foto onyane kī kòa olèdo ema oyitsõ kĩ bitinya bekpa onyole kĩ bave Yosef, kĩ enye Legã Dawid kasinu a kame obi. Oyitsõ a dī nye Maria.

XXVIII Ode foto onyane a ya ne Maria sekẽ ade ebi ye kī, “Oyitsõ, mawõna no ne lukudo kame! No oti kī bemó konya, boe Olate tomò no!”

XXIX Ode foto onyane olèdo a fõ Maria kèna basaa, ade evia ye akũ kī, “Litsa kawõna ne awĩ a?”

XXX Ade ode foto onyane a bi ye kī, “Maria, tavila. Baguma mó nɔ kɔnya.

XXXI Aatsāmo kɔma ɔma obinyole, lokɔa aate ye dī kī Yesu.

XXXII Yaate dī paa kī bati aave ye kī Baguma Ne Ode Flee Obi. Boe ɔlate aadzina ye legā nde ɔwanyɔ Dawid aye.

XXXIII Ade yaanya legā ne Jakob babi mo bawa akū daa a. Ye legākanyakō a leláawūna dadaada.”

XXXIV Awā naa Maria bi Baguma ode foto onyane a kī, “Nde fukī aapuli fɔya ne foe kame ne loko kī inyina onyole a?”

XXXV Ade ke ode foto onyane a bi ye kī, “Hūhū Kpalɛwa ayako ne nɔ akū ade Baguma kɔbē aate nɔ kame a. Foesū obi kpalɛwa a kī aama a ni, baave ye kī Baguma Obinyole.

XXXVI Mawe kī kai nɔ akū oti kī bave Elizabet. Bati ale kī eláama, lɛme finyaakī etsēmɔ kɔma. Edeī ne odeto ovūde kame, tito kī ede posoposo malo.

XXXVII Kitonekī letsama leláa kī Baguma leláapuli ekɛna.”

XXXVIII Ade Maria bi ye kī, “Dā, boe ɔlate ɔsumune mane. Fɔya ne foe kame fokpa yī nde ayekī ɔle a.” Ade ode foto onyane a dzakū efɔne ye a.

Maria Nasela Elizabet.

XXXIX-XL Ne fuwi a na kame a, Maria mane akū, ewe sɔwa enaa Zakaria awā ne Yudea ɔmato odi kī edeī ne toto kame, ade enawōna Elizabet a.

XXI Kĩ Elizabet nu Maria kawõna a, ye obi ne seme kame a kuna akũ, ade Hũhũ Kpalewa a te Elizabet kame a.

XXII Ade awã na eboa fowola kõba ele kĩ, “Bihila nõ ne batsole flee kame, ade bihila nõ seme kame obi a leme a!

XXIII Yĩ nye owei kĩ boe ɔlate oma ya kĩ yayaawõna yĩ?

XXIV Loko a kĩ nsila nnu nõ kawõna pe, obi ne yĩ seme kame a kuna akũ mo kawole.

XXV Bihila nõ paa kitonekĩ ɔte odo kĩ Baguma oledo a kĩ ele ne nõ akũ a aaya ne foe kame.”

Maria Sã Kamu Ɔno.

XXVI Awã naa Maria le kĩ,
“Yĩ ɔwole amu Baguma.

XXVII Ade kawole ade yĩ hũhũ a, ne Baguma yĩ ɔtene a sũ,

XXVIII kitonekĩ ete ane ne,
yĩ ye ɔsumune kĩ enyé letsama akũ.

Kito finyaa kanaa ni, babi mo bawa flee aave yĩ
oti kĩ bihila ye,

XXIX kitonekĩ Baguma Otumifo kena fotsa
kpale ekpa yĩ.

Ye dĩ akũ kpale.

L Ye konyakamo waa,
kekpa babi mo bawa kĩ bavila ye a.

LI Ekena fotsa kpale,
ade eyale bati a kĩ bedela be akũ ne ode mo
be kakona flee a.

LII Edzela fogã kĩ fudeĩ kobẽ ne be fogãkpo akũ,
ade edela bikĩ bedola be akũ a ne ode a.

LIII Ekpa bikĩ kole ako be a fotsa wĩ pii,

ade efõ bikĩ bideĩ akũ a dzakũ mo awe pupulidza a.

LIV-LV Ete ane ne letsa a
kĩ ele eyi ekpa boe bawanyo a akũ,
ade eyaabumo ye osumune Israel a.

Ete ane, emo Abraham konya,
mo ye babi mo bawa kito finyaa flee kanaa!"

LVI Maria dzi ne Elizabet sekẽ nde tideto elale fomo emuniki enaa oto.

Bema Yohanes Mui Dwolane a.

LVII Kĩ Elizabet aama a, ema obinyole.

LVIII Ye akũ bati mo banune flee nu ayekĩ Baguma kena seme kale ekpa ye, foesũ be flee bemó kawole paa mo ye.

LIX Kĩ akokoa a te fuwi elẽ a, ye akũ bati ya kĩ batsua ye lekpati, ade bewe kĩ bakoa ye olega dĩ Zakaria bite ye a.

LX Lemẽ oma tátuno mo be, ade ebi be kĩ, "Ye dĩ aanya Yohanes."

LXI Ade awã mo bibi ye kĩ, "Odima táto no kola kame kĩ yanya dĩ a na."

LXII Ne foesũ bekoa awe bekena nsentseleni bivia olega kĩ etsa dĩ a kĩ ewe kĩ yate obi.

LXIII Awã naa Zakaria via sileti ade etsele ete kĩ, "Ye dĩ nye Yohanes." Fokena be a flee saa.

LXIV Deedimopape Zakaria buki edo kodzela kale awe ade emu Baguma a.

LXV Libe wo ye banune a flee ade foletsã kĩ gba ne temato a kĩ tideĩ ne Yudea toto kame a flee a.

LXVI Foletsã kĩ kpa bati a kĩ binu foe a loló kame kabu, ade bivia be akũ kĩ, "Litsa odu obisẽ kĩ aadani ekena?" Bivia foe kitonekĩ fowaa yedede kĩ Baguma kobẽ tomo ye.

Zakaria Le Baguma Foletsa Eyi.

LXVII Hūhū Kpalēwa tē obisē a ɔlēga Zakaria kame ade ēle Baguma foletsa eyi kī,

LXVIII “Mifō bumu boe ɔlate, Israel Baguma, kitonekī eyabumɔ ye kade bati, ade enye be ne tokpa kame a.

LXIX Ekpa boe ɔtene kī edeĩ kobē, oti kī enye ye osumune Legā Dawid kasinu a kame obi.

LXX Ne ayekī ēle eyi ane kɔkɔe etsāmena ye onukpē banyene kpalewa a akū,

LXXI kī yaanye boe etomena bikī bapi boe osumbo mɔ boe bakesīne flee awe kame.

LXXII Ele kī yaamɔ boe bawanyɔ kɔnya, ade ete ane ne ye nhihie kpalewa a kī ekena eyi a akū a.

LXXIII-LXXIV Yaakena ne fubo a kī elo ekpa boe ɔwanyɔ Abraham, kī yaanye boe etomena boe bakesīne awe kame a akū, ayekī bóapuli busum Baguma ne katavila kame,

LXXV boe akū lekpale, budzi kadzi wī ne ye ane, ne boe nkpā fuwi flee kame.

LXXVI Nɔ, yī obi, bati aave nɔ Baguma Ne Ode Flee Onukpē ɔnyene.

Ade nɔ aanya boe ɔlate lotɔ lokɔa ɔlɔla osi ɔkpa ye kaya a.

LXXVII Aabi ye bati kī baana kate ne be titikpa kakɔakate kame.

LXXVIII Boe Baguma deĩ seme kale mɔ ɔwɔle bɔee, foesū yaafō kate ɔhaĩ a lide ekpa boe.

LXXIX Yaafõ ohaĩ kĩĩ lɛyaako nɛ bati a kĩ bideĩ nɛ
 otũ kame,
 mo bikĩ bideĩ nɛ wuda kuyo kame a akũ,
 lɔkɔa ɛkpã boe ɛtsãmena lukudo osi akũ.”

LXXX Obisẽ a bo anɛ nɛ sukɛna mo hũhũ kame.
 Edzi nɛ kɔsa kame, kenawo luwi a kĩ enye ye akũ
 ɛtsa Israel kanade a.

II

Yesu Kama.

I Nɛ lɔkɔ a na kame a, Legãnokõẽ Kaisare
 Augusto si mbla kĩ bekã, betsele bati flee a kĩ
 bideĩ nɛ Roma legãkanyakõ tite akũ a buĩ.

II Nɛ bati buĩ katsɛle katɔnyade kĩĩ kame a,
 abãã ɔnokõẽ kĩ bave Kirenio lenya Siria tite akũ.

III Nɛ mbla a sũ odi nye odi naa ye ɔto kĩ
 yanaatsɛle dĩ.

IV Ade ke Yosef to Nazaret ɔmato nɛ Galilea
 ɛnaa Betlehem ɔmato nɛ Yudea tite akũ, awã kĩ
 bema Legã Dawid lɛmɛ a. Yosef naa awã kitonekĩ
 ɛnya Legã Dawid kasinu a kame obi.

V Bemɔ Maria kĩ bitinya bekpa ye a kĩ ɛtsẽmo
 kɔma lɛmɛ a lenaa kĩ banaatsɛle buĩ.

VI Kĩ bɛna nɛ Betlehem a, lɔkɔ wo ɔto kĩ Maria
 ama.

VII ɛma ye obinyole ɔtonyade, ade esuli obi a
 edo nɛ fumakũ kame, ɛkɔa ɛwɔla nɛ letsa a kĩ
 de kame bayae anya a kame, kitonekĩ betána
 kawakõ kadima nɛ banɔvõẽ kasekõ a.

*Ode Fɔto Banyane Yabi Baveli Bakpãne Fɔletsã
 Wĩ.*

VIII Baveli bakpãne badi na nɛ tite a kako kadi
 lenye a flee bekadã be bayae akũ.

IX Deedimɔape ode foto ɔnyane odi ne eta ne be kayite ade Baguma kukũkpale ko ne be akũ a. Ne foesũ bivila paa,

X lɛmɛ ode foto ɔnyane a bi be kī, “Mitavila! Mma mi fɔletsɔ wĩ kī fɔayamena kawɔle mɔ lukudɔ pii fɔkpa bati flee.

XI Ne nviã luwi kī akũ, bɛma ɔtɛnɛ kī enye boe ɔlate Kristo bɛkpa mi ne Legã Dawid ɔmato a kame.

XII Letsa a kī mĩakɔa mimó miyi ɔsũ nye kī mĩamɔ waawa a kī busuli ye bido ne fumakũ kame ewaa ne bayae kanyakõ.”

XIII Deedimɔape ode foto banyane kɔdza baũ kudi to ode kɔka kɔyabumɔ ɔtonyade a, ade be a flee bɛkamu Baguma mɔ kawɔle kī,

XIV “Obu mɔ kamu kekpa Baguma ne ode flefle, lɔkɔa lukudɔ litomɛna katinya kame bati flee a kī Baguma awe a!”

XV Kī ode foto banyane a dzakũ ne be sɛkẽ bɛdani bɛnaa ode a, baveli bakpãne a bi be akũ kī, “Mifõ bɔnaa Betlehem bɔnaadã letsa a kī leya a kī boe ɔlate bi boe a.”

XVI Ade bɛwe sɔwa bɛnaa bɛnamɔ Maria, Yosef mɔ waawa a kī ewaa ne bayae kanyakõ a.

XVII Kī bɛmó ye a, bɛle fɔletsɔ a flee kī Baguma ode foto ɔnyane a bi be ne obisẽ a akũ.

XVIII Bati flee a kī binu baveli bakpãne fɔletsɔ a kɛna saa.

XIX Lɛmɛ Maria pi fɔletsɔ kī flee edo ne lɔlɔ kame, ɛkakɔna foe akũ dzununuunu.

XX Baveli bakpãne a muniki bɛnaa mɔ Baguma kamu ne fɔletsɔ flee a kī binu, bɛmó lɛmɛ a akũ,

kitonekĩ foe flee fɔya pɛpɛɛɛ ndɛ ayekĩ ode foto onyane a bi be a.

Bite Waawa a Di.

XXI Ne luwi lelẽde akũ kĩ batsua obisẽ a lekpati a, bite ye dĩ kĩ Yesu nde ayekĩ ode foto onyane a le eyi fomɔ beyatsãmo ye koma a.

Bekɔa Yesu Benamena Yudafɔ Afɔlie Kabɔakɔ.

XXII Lokɔ wo ɔto kĩ Yosef mo Maria bekena akũ kakpale yedede amanie nde ayekĩ Mose mbla tsa a. Foesũ bekɔa waawa a benamena Yerusalem kĩ banaakɔa ye bido ne boe ɔlate awe,

XXIII nde ayekĩ betsele bido ne boe ɔlate mbla ovoli a kame kĩ, “Obinyole ɔtonyade odi nye odi ni kene kĩ benye ye biyi bekpa boe ɔlate.”

XXIV Ade benaa benakena afɔlibɔ fɔtsa a ne boe ɔlate mbla a onukpẽ kĩ bekɔa mblɔduma nviã ãye fɔblɔblɔm nviã bebɔa afɔlie bekpa ye.

XXV Ne lokɔ a na kame a, onyole odi kĩ bave Simeon dzi ne Yerusalem. Enye oti wĩ kĩ yavila Baguma ade edzi ekadã osi kakpa Israel kate a. Hũhũ Kpalewa deĩ ne ye kame,

XXVI ade enye etsa ye lemɛ kĩ eláaku kenaawo lokɔ a kĩ emɔ boe ɔlate, Kristo a kĩ bele biyi a.

XXVII Ade ke Hũhũ a kpã Simeon enamena Yudafɔ Afɔlie Kɔla kame a. Kĩ bamane a kɔa waawa Yesu a beyamena kĩ bayaakena amanie ne mbla a onukpẽ a,

XXVIII Simeon te waawa a ele ne awe, ade enye Baguma kɔle kĩ,

XXIX “Boe ɔlate, finyaa, okena ne no kale onukpẽ akũ,

aapuli onye yĩ, no osumune, osi nnaa ne lukudo kame.

XXX Yĩ mɔawe banebi mó ɔtene a,

XXXI kĩ ɔkoa oma bati flee a.

XXXII Enye ɔhaĩ a kĩ yaanye no fowetsa etsa bikĩ benyé Yudafo,

ade yaanya obu fotsa ekpa no bati Israelfo a.”

XXXIII Fɔlets a kĩ Simeon le ne obisẽ a akũ kena Yosef mɔ Maria saa.

XXXIV Simeon hila be ade ebi Maria kĩ, “Baguma nye obisẽ kĩ kĩ fotsã ye akũ Israelfo pii bena kate ïye kawo. Yaanya nsentseleni kĩ eto Baguma sekẽ ade bati pii aayidza bɛdza ne ye akũ a.

XXXV Ade yaanye bati kakona a kĩ bekɔa bekɔla a kanya a. Fotsẽ fukĩ akũ sũ ni, aate kalɔe nde ayekĩ lepame atsɔe no du.”

XXXVI-XXXVII Otsolenɔkɔẽ odi kĩ enya Baguma onukpẽ onyene na ne awã, enye okunawa kĩ bave Hana. ɔlega nye Fanuel kĩ eto Aser kasinu kame. Futeli evũkɔno pe edzi konyo fomo onyo ku, ade finyaakĩ e te futeli aduewɔtsi-ena. Yudafo afolie kabɔakɔ a ekana loko nye loko, ekasum Baguma lenye mɔ suwa, ade ekasui onukpẽ, kabɔa mpae lemɛ a.

XXXVIII Ne loko a na kame pɛpɛpɛ ye malo eyawo awã ade enye Baguma kolɛ, ɛle fɔlets ne obisẽ a akũ ekpa bati flee a kĩ bidzi badã Baguma anɛ kĩ yaanye Yerusalem a.

Bimuniki Bɛnaa Nazaret.

XXXIX Kĩ Yosef mɔ Maria yua be amanie kakena nde ayekĩ boe ɔlate mbla tsa a, bimuniki bɛnaa be ɔto Nazaret ne Galilea tite akũ.

XL Obisě a bo anε, εna akũ ɔsĩ, ade enyi kadi paa a. Baguma nhila lemε tomɔ ye.

Yesu Naa Yudafɔ Asoli Kɔla Kame.

XLI Kateli nye kateli, Yesu bamanε kanaa Yerusalem kanaanya luwi kĩ bave Wuda Katě Luwi.

XLII Kĩ Yesu te futeli ewua-nviã a, bibuki benaa luwi a kanyakɔ nde ayekĩ bekakena kɔkɔε a.

XLIII Kĩ luwi a kanya wũna a, bimuniki banaa ɔto, lemε Yesu kɔ kaho ne liti ne Yerusalem ne ye bamanε katanyi kame.

XLIV Bibu kĩ εna ne bati kame, foesũ betsã luwi mɔa flee fomɔ bido ye kawε awe ne ye akũ bati mɔ bakɔba kame.

XLV Kĩ betámɔ ye sũ ni, bimuniki benaa Yerusalem benε betsě bawe ye.

XLVI Ne luwi lelade a benamɔ ye ne Yudafɔ Asoli Kɔla kame a kĩ ye mɔ Yudafɔ mbla batsanε badi bidzi, ekatse be foletsa a kĩ bekale, ade ekavia be foletsa ne foe akũ a.

XLVII Be flee a kĩ binu ye foletsa kame kakpale a, kena saa ne kadi kanyi baũ odu a kĩ ekɔa ekpa mbuaye a.

XLVIII Kĩ ye bamanε mɔ ye a, akũ yela be, ade ɔma via ye kĩ, “Obi, litsa sũ ɔkena boe fukĩ odu? Bɔmɔ aga flee bɔkɔa kɔneyɔɔle botsã bowε nɔ.”

XLIX Ade Yesu kpa mbuaye kĩ, “Nde sũ mitsã miwe yĩ? Minyĩna kĩ yĩ ɔlega awa kene kĩ nna mbɔεε?”

^L Lemε betánu letsa a kĩ de ebi be a kayɔ.

LI Yesu tomɔ be bedzakũ benaa Nazaret, ade edola ye akũ ekpa be a. ɔma kɔa foletsa kĩ flee edo ne ɔwɔle kame dzununuunu.

LII Ade Yesu bo anε ne sukεna mō kadikanyi kame, ade Baguma mō bati flee mō kawole ne ye akū a.

III

Yohanes Mui Ɔwolanε a De Letsā Ne Kals Wī a Akū.

I Ne Legānokoē Kaisare Tiberio legākanya kateli kawualode kame a, Pontio Pilato nya abāā onokoē ne Yudea tite akū. Ne loko a na kame a, Herodes lenya Galilea tite akū, ade owaē Filipino nyá Iturea mō Trakoniti tite akū a. Lisania nya Abilene tite akū.

II Hana mō Kayafa leme nya Yudafō basofonokoē flefle a. Ade loko a na kame leme mō Baguma ɔledo ya ekpa Yohanes kī enye Zakaria obi a kī ena ne kosa kame a.

III Foesū Yohanes tsā emini ne Yordan ɔwo abuī mō ye fuyite a ekade letsā kī, “Midani mi tɔwole kame loko a mite mui kawola amanie ayekī Baguma aakoa mi tokpa ete mi.”

IV Ade aye betsεle ne Baguma Onukpē Ɔnyenε Yesaya ovoli a kame kī, “Oti odi tsē yaboa fɔwola ne kosa kame kale kī, ‘Milola osi mikpa boe Ɔlate kaya.

Mikena osi kpī miyi ye.

V Miyula foko a kī fopele pele fuwo a, ade mibubuli toto mō kotobii a flee fotε a. Miyo tisi balibaliwa a,

ade mitεεεε foko a kī fude fute a.

VI Katinya kame bati flee aamo Ɔtone a kī Baguma do a! ”

VII Bati kodabu kodabu pii ya ne Yohanes sekē kī ekεna be mui kawola amanie, ade ebi be kī,

“Mi bati kī mila nde bɔe kpa! Owei lekpa mi kɔde kī míapuli milo ne sɔto kavele a kī Baguma aayamena a kame?”

VIII Minye mitsa ne mi fɔtsakelawa kame bemɔ kī midani tɔwɔle kame. Ade mitakale kī minye Abraham babi mɔ bawa sū ni, Baguma leláavele mi sɔto. Kitonekī mabi mi kī Baguma aapuli ekɔa boe kīi ekena babi mɔ bawa ekpa Abraham.

IX Bike kasɔã kɔkɔe ne futse tɔbɔle akū kī baatsua. Kutse nye kutse kī kɔáwū babi wī ni, baakpeli koe beta bido ne fi luwotu kame.”

X Awã naa bati a via Yohanes kī, “Foesū litsa kene kī bɔkena?”

XI Ade ke ekpa be mbuaye kī, “Nɔ a kī odeĩ tetadie tiwo te nviã ni, kɔa amɔa kakpa odi kī elá adima. Ade ke nɔ a kī odeĩ funitsã ni sē foe mɔ bikī bidzi kɔle a.”

XII Tɔgɔle batene badi malo ya kī ewɔla be mui, ade bivia ye kī, “Fɔtsa Ɔtsane, litsa kene kī bɔkena?”

XIII Yohanes bi be kī, “Mitatɛ ɔgɔle fɔba fukī abãã tsua eyi kī mite a.”

XIV Sodzafɔ badi leme yavia ye kī, “Boe malo litsa kene kī bɔkena?”

Yohanes bi be kī “Mitakɔa kɔbɛ mite sika ne bati awe, ade mitatsua odima onukpɛ ne letsa a kī minyina kī etákɛna a akū. Mifɔ mi kɔtokase kuwo mi anɛ.”

XV Ayekī bati anɛ teĩ ne boe Ɔtene a kaya mɔatse akū sū ni, bekakɔna kī ɔsa Yohanes nye oti a kī badzɔle a.

XVI Foesū Yohanes bi be kī, “Yī kɔ nkɔa mui mawɔla mi mui, leme oti odi kī ebɛ yī aya ne liti.

Ntáfeta kǐ manye ye mpabua ne ye aboa malo. Oti kǐ aakoa Hũhũ Kpalewa mo fi ewola mi mui.

XVII Enne ye kovele kǐ yaakoa ewe enye ye babi wĩ a lokoa efila be eko ne oli kame. Leme yaapila afafa a ne fi kǐ folá kadi a kame!”

XVIII Ade Yohanes tsã kode tisi futefute pii akũ ede letsã ne Kale Wĩ a akũ kǐ bati bedani be kadzi kame a.

XIX Yohanes kã abãã onokoẽ Herodes ane, kitonekĩ ete owaẽ otsõ kǐ bave Herodia ekoã, ade Herodes kena fotsa kpa bebã pii leme a.

XX Ade ebuki ekena tokpa kǐ tebẽ kola kǐ epi Yohanes edo ne abãã kola kame a.

Yohanes Wola Yesu Mui.

XXI Kǐ Yohanes wola bati a flee mui eyua a, ewola Yesu leme mui. Ade loko a kǐ Yesu kaboa mpae a, odetó kame binya,

XXII ade Hũhũ Kpalewa ka nde mbloduma aye eyadzi ne ye akũ a. Awã naa odo odi to ode ele kǐ, “No nye yĩ obi kǐ maátuno kale. Kawole ade yĩ ne no akũ.”

Yesu Bawanyo Kasinu a Kame Bati.

XXIII Yesu te nde futeli taale fomõ eyi ye kanade adzuma kayo. Bati kona kǐ olega nye Yosef.

Kǐ ye olega nye Eli,

XXIV Eli olega nye Mata.

Mata olega nye Levi, Levi olega nye Melki.

Melki olega nye Yanai, Yanai olega nye Yosef.

XXV Yosef olega nye Matatia, Matatia olega nye Amos.

Amos olega nye Nahum, Nahum olega nye Esli.

Esli olega nye Nagae,

XXVI Nagae olega nye Mahat.

Mahat ɔlega nye Matatia, Matatia ɔlega nye Semei.

Semei ɔlega nye Yosek, Yosek ɔlega nye Yuda.

XXVII Yuda ɔlega nye Yohanan, Yohanan ɔlega nye Resa.

Resa ɔlega nye Zerubabel, Zerubabel ɔlega nye Sealtiel.

Sealtiel ɔlega nye Neri,

XXVIII Neri ɔlega nye Melki.

Melki ɔlega nye Adi, Adi ɔlega nye Kosam.

Kosam ɔlega nye Elmadam, Elmadam ɔlega nye Er.

XXIX Er ɔlega nye Yosua, Yosua ɔlega nye Eliezer.

Eliezer ɔlega nye Yorim, Yorim ɔlega nye Matat.

Matat ɔlega nye Levi,

XXX Levi ɔlega nye Simeon.

Simeon ɔlega nye Yuda, Yuda ɔlega nye Yosef.

Yosef ɔlega nye Yonam, Yonam ɔlega nye Eliakim.

XXXI Eliakim ɔlega nye Melea, Melea ɔlega nye Mena.

Mena ɔlega nye Matata, Matata ɔlega nye Natan.

Natan ɔlega nye Dawid,

XXXII Dawid ɔlega nye Isai.

Isai ɔlega nye Obed, Obed ɔlega nye Boaz.

Boaz ɔlega nye Salmon, Salmon ɔlega nye Nahason.

XXXIII Nahason ɔlega nye Aminadab, Aminadab ɔlega nye Admin.

Admin ɔlega nye Arni, Arni ɔlega nye Ezron.

Ezron ɔlega nye Perez, Perez ɔlega nye Yuda.

XXXIV Yuda ɔlega nye Yakob, Yakob ɔlega nye Isak.

Isak ɔlega nye Abraham, Abraham ɔlega nye Tara.

Tara ɔlega nye Nahor,

XXXV Nahor ɔlega nye Seruk.

Seruk ɔlega nye Regu, Regu ɔlega nye Pelek.

Pelek ɔlega nye Eber, Eber ɔlega nye Sala.

XXXVI Sala ɔlega nye Kainan, Kainan ɔlega nye Arfaksad.

Arfaksad ɔlega nye Sem, Sem ɔlega nye Noa.

Noa ɔlega nye Lamek,

XXXVII Lamek ɔlega nye Metusala.

Metusala ɔlega nye Henok, Henok ɔlega nye Yared.

Yared ɔlega nye Mahaleel, Mahaleel ɔlega nye Kainan.

XXXVIII Kainan ɔlega nye Enok, Enok ɔlega nye Set. Set ɔlega nye Adam, ade Adam ɔlega nye Baguma a.

IV

Abonsam Só Yesu Edã.

^I Hũhũ Kpalɛwa a te Yesu kame flee ade edzakũ ne Yordan ɔwo a abui a. Hũhũ a kpã ye enamena kɔsa kame, awã kĩ bati lelãa.

^{II} Ade awã mo Abonsam so ye edã fuwi tena flee a. Ne fuwi a na kame flee a, Yesu tánya letsama foesũ kole kako ye mo ɔsĩ mo ɔsĩ.

^{III} Ade ke Abonsam bi ye kĩ, “Nte Baguma obi ane ni, kekɔ bi de kĩ ledani lekɛna abodoo.”

^{IV} Leme Yesu bi ye kĩ, “Oowo! Katsɛ Kpalɛwa a le kĩ nné funitsã odi sũ oti adzi nkpã.”

^V Ke liti a, Abonsam kpã ye enamena kako kadi ne ode, ade ne sinɛpo moa kabɔa kame ni, enye katinya kame mo ke fɔgãtsa a flee etsa Yesu.

^{VI} Ebi Yesu kĩ, “Maakɔa katinya kame kobẽ kĩ mo ke kobẽ mo anunyam flee nkpã no, kitonekĩ

bekoa foe flee bido ne yĩ awe, ade ke maapuli nkoa foe nte owula a kĩ mawe a.

VII Foesũ fotsa kĩ flee aanya nɔ fude nte okena akũ okpa yĩ.”

VIII Yesu bi ye kĩ, “Katsɛle Kpalɛwa a le kĩ, ‘Nɔ ɔlate Baguma odi kene kĩ akena nɔ akũ okpa lokɔa osum ye leme.’ ”

IX Ke liti a, Abonsam kpã Yesu enamena Yerusalem ne Yudafɔ Asoli Kɔla a ode flee, ade ebi ye kĩ, “Nte Baguma obi ane ni, kekɔ vɛnya kaka kanaadza ne tite.

X Kitonekĩ Katsɛle Kpalɛwa a le kĩ, ‘Baguma aakpa ye ode foto banyane ɔledo ne nɔ akũ,

XI kĩ baakae nɔ ne be awe kame, ayekĩ nɔ abɔa lelãasãmo de.’ ”

XII Yesu kpa mbuaye kĩ, “Katsɛle Kpalɛwa a leme le kĩ, ‘Tasɔ boe ɔlate nɔ Baguma a ɔdã.’ ”

XIII Kĩ Abonsam yua Yesu kasokadã ne osi nye osi akũ a, efone ye awe edzakũ tɔ kɛnaawo loko bebã kĩ yaana osi.

Yesu Yi Ye Adzuma Kayɔ Ne Galilea Tite Akũ.

XIV Hũhũ Kpalɛwa a te Yesu kame ade emuniki enaa Galilea tite akũ a. Ye dĩ gba ne kame kame ne awã flee.

XV Etsa fotsa ne Yudafɔ fotsenakɔ a, ade odi nye odi mu ye fotsa katsa a.

Bisĩ Yesu Ne Nazaret.

XVI Ke liti a, Yesu naa Nazaret awã kĩ bedola ye a. Ne Kawɛya Luwi akũ a, enaa Yudafɔ katsenakɔ nde ayekĩ yawe kakɛna a. Eyidza edza kĩ yakã Katsɛle Kpalɛwa a kame foletsa,

XVII ade bekɔa Baguma Onukpɛ ɔnyene Yesaya ovoli a bekpa ye a. Ebinya ovoli a ne awã kĩ betsele kĩ,

XVIII “Boe ɔlate Hũhũ a te yĩ kame flee,
kitonekĩ epau yĩ,
kĩ nle Kale Wĩ a ntsa ahiãfo.

Ade edo yĩ kĩ nde letsã kĩ bikĩ bideĩ ne awɔba kame
aana be akũ akũ kadzi,
kĩ banekune aamɔ fokɔ,
bikĩ bideĩ ne ɔhau mɔ lubo kamɔ kame a, aana kaweya.

XIX Ade nkpa kanyi kĩ lokɔ a kĩ Baguma aamɔ ye bati kɔnya a wo ɔto.”

XX Yesu sua ovoli a emunikimɔ ye ekpa fɔtsa akũ ɔdãmenane a, ade ekena akũ edzi a. Bati a flee ke ane ne ye akũ, bekadã ye kenanaana.

XXI Ade ebi be kĩ, “Katsеле Kpalɛwa fɔletsã a kĩ minu kĩ nkã kĩ a, ya ne foe kame nviã kĩ ne mi mɔawe ane kame.”

XXII Bati a flee kĩ bena ne awã a mu ye paa mɔ ye kodzela kale, ade ye kɔnyakamɔ fɔletsã a kena be saa lemɛ a. Ade bivia be akũ kĩ, “Mbɔɛɛ nné Yosef obi a ne awĩ a?”

XXIII Ade Yesu bi be kĩ, “Nti ãnyina kĩ míabɔa yĩ legbã kĩ kĩ, ‘ɔwane tsa nɔ akũ,’ ade míabi yĩ lemɛ kĩ, ‘Fɔtsã a kĩ bunu kĩ ɔkena ne Kapernaum a ni, kena foe odu ne nɔ mɔawe ɔmato lemɛ.’ ”

XXIV Yesu buki ele kĩ, “Lemɛ mabi mi kĩ Baguma onukpɛ ɔnyene odima látɛ dĩ wĩ ne ye mɔawe ɔmato.

XXV Fɔnye ɔnokɔali kĩ bakunawa pii na ne Israel tite akũ ne lokɔ a kĩ Eliya dzi nkpã a, kĩ

oni fõ kako futeli elale mo seke, ade kole mo osi mo osi ya ne tite a na akũ a.

XXVI Leme Baguma tádo Eliya ne Israelfo bakanawa a kame odima sekẽ. Mbom okunawa odi kĩ ena ne Zarepta omato kĩ edei ne Sidon tite akũ a sekẽ edo ye.

XXVII Bati pii leme kaso foso ngbã ne Israel, ne Baguma Onukpẽ Onyene Elisa loko, leme betátsa be kame odima, keba Naeman kĩ eto Siria tite akũ.”

XXVIII Kĩ bati a kĩ bena ne katsenakõ a nu fukĩ a bena kalokpa paa.

XXIX Ade ke beta biyidza bipi Yesu bevele, bidu ye benemena ne omato a kame a. Bekpã ye benamena oto a kĩ ye akũ bitsua omato a kalete ne kako pelepere a, mo kakona kĩ badu ye enaato ne kayo,

XXX leme Yesu tsã bati a kayite edzakũ.

Yesu Blomena Hũhũ Kpa Ne Odi Kame.

XXXI Ke liti a, Yesu dzakũ enaa Kapernaum omato kame ne Galilea tite akũ, ade ekatsa bati fotsa ne Kaweya Fuwi akũ a.

XXXII Ye fotsa katsa kena bati a saa, kitonekĩ kobẽ na ne ye kodzela kale kame.

XXXIII Luwi a, odi kĩ hũhũ kpa na ne ye kame na ne Yudafo katsenakõ a, ade eboa fowola kooba ele kĩ,

XXXIV “Ao! Yesu Nazaretni, litsa akamo boe? Oya kĩ ayaawola boe mboee? Ìnyina owula a kĩ ye ane. Nõ nye Baguma Oti Kpalewa Kĩ Bido a!”

XXXV Awã naa, Yesu do hũhũ a onukpẽ kĩ, “Tse kodzela kanẽ ne oti a kame!” Hũhũ a boe oti a

emuni ne tite ne bati a ane kame na, ene ne ye kame, ade letsama takena ye a.

XXXVI Fotsa a kena bati a flee wawā ade bivia be akū kī, “Litsa folets a odu ne awī a? Oti kī deī otumī mō kobē yawūni ne hūhū kpa akū ade batse a.”

XXXVII Yesu akū folets a kī gba ne kayite a na flee.

Yesu Tsa Bati Pii.

XXXVIII Yesu to Yudafō katsenakō a enaa Simon awā. Loko a na Simon nyina waa yaso atilili mō osī, foesū bekpa Yesu kanyi kī eyaadā ye.

XXXIX Ade ke Yesu nadza ne ye mpa owē, ewūni ne foso a akū, ade fone ne ye kame eyidza moatse ekena fodetsa ekpa be a.

XL Kī fokō ka a, bati kpā be bakoba a kī baso foso kumekume a bema Yesu. Ete awe ne be kame odi nye odi akū etsa be flee.

XLI Hūhū kpa né ne bati pii kame mō fowola kaboa kī, “Nō nye Baguma obi a!” Lemε Yesu boa hūhū kpa a onukpē ade etakpa be osi kī bele kodzela kitonekī binyina kī ye nye Kristo a.

Yesu Tsa Fotsa Ne Yudafō Fotsenakō.

XLII Odenyinawi a, Yesu dzakū ne omato a kame enaa kako dīi kadi, ade bati a do ye kawε awe a. Kī bemó ye a bike ye aduli kī etadzakū ne be sekē.

XLIII Lemε ebi be kī, “Kene kī nnaale Kale Wī a ne Baguma legākanyakō akū a ne temato bebā lemε kame, kitonekī ade foe Baguma do yī kī iyaakena a.”

XLIV Foēsū ekale Baguma kale a ne Yudafō fotsenakō a ne tite a na akū flee.

V

Yesu Vɛ Ye Fɔtsa Bakɔlɛnɛ Batonyade a.

^I Luwi a, kɪ Yesu dza nɛ Genezaret ɔwɔ lutubu baũ a abuĩ a, bati kapili kɪ bafuã ye bitse Baguma fɔlɛtsa a.

^{II} Yesu mɔ tɔkɔlɔ nviã nɛ lutubu a abuĩ ade kɔfɔabi banyɛnɛ a nɛ belamena be tɛsau kavɔlɛ a.

^{III} Yesu wo nɛ ɔkɔlɔ a kɪ ɛnya Simon ode a kame ebi ye kɪ edu ɔkɔlɔ a ɛnamena mui anɛ sukuloo. Ɛkena akũ edzi nɛ ye kame ɛtsa bati a fɔtsa.

^{IV} Kɪ Yesu tsa fɔtsa eyua a, ebi Simon kɪ, “Ta ɔkɔlɔ a kanamena awã kɪ kidzũ, lɔkɔa mimɔ nɔ babumenanɛ mita mi tɛsau minye kɔfɔabi.”

^V Ade Simon kpa mbuaye kɪ, “Ɔnɔkɔɛ, bɔkena adzuma mɔ ɔsɪ mɔ ɔsɪ kadzɔ lenye flee lemɛ bɔtána letsama. Lemɛ nte ɔlɛ lomɔ ni maafɔ bɔta tɛsau a.”

^{VI} Kɪ beta tɛsau a benye kɔfɔabi beblebee kɪ fɔfɔ be tɛsau a do kakpeli awe.

^{VII} Foesũ bebɔa awe beve be bakɔba nɛ ɔkɔlɔ ɔyade a kame kɪ beyaabumɔ be. Beya beyanye kɔfɔabi biyula tɔkɔlɔ nviã a tiyi limii kɪ tido kayela awe.

^{VIII} Kɪ Simon Petro mɔ letsa a kɪ leya a, eke aduli nɛ Yesu anɛ kame ebi ye kɪ, “Boe Ɔlate, nɛ liti nɛ yɪ ɔwɛ, kitonekɪ tɔkpa ɔkenanɛ manɛ.”

^{IX} Simon mɔ ye bade a kɛna saa nɛ kɔfɔabi beblebee a kɪ benye a sũ.

^X Ade ayea fɔkena ye adzuma bakɔba Yakobo mɔ Yohanes kɪ benye Zebedeo babi a lemɛ wãwã a.

Ade Yesu bi Simon kɪ, “Tavila. Kito finyaakɪ kanaa ni, bati aakanye.”

XI Ke liti a, beta be tɔkolo benadzela ne ɔwo abuĩ, befɔne letsa nye letsa awe biyi ade bitomo Yesu ne liti a.

Yesu Tsa Ɖkɔatani Odi.

XII Lɔko lidi, Yesu na ne ɔmato odi kame awã kĩ onyole odi kĩ ekaso fɔso ngbã na. Kĩ onyole kĩĩ mɔ Yesu a, enato ne ye abɔa kame eke ye aduli kĩ, “Boe Ɖlate, nte fɔnye no kawe ni, aapuli ɔfɔ fɔso kĩĩ lewo ne yĩ akũ.”

XIII Yesu yo awe eta ye ade ebi ye kĩ, “Mawe lomɔ. No akũ ekpale.” Deedimɔape fɔso a wo ne ye akũ.

XIV Ade Yesu si ye mbla ele kĩ, “Tabi odima kadima mbom naa tĩĩ kanaakɔa no akũ katsa ɔsofo, kafɔ esela no akũ edã, lokɔa edi adansie ekpa odi nye odi kĩ nuwĩnuwĩ fɔso a wo ne no akũ. Kpa afolibɔ fɔtsa a kĩ Mose mbla tsa a lemɛ.”

XV Lemɛ Yesu akũ foletsa gba fɔnaa mo lugo, ade bati pii kaya kĩ bayaatse ye fɔtsa katsa, bena fɔso katsa lemɛ a.

XVI Lemɛ fɔko fudi Yesu adzakũ kanaa kako kĩ kekena dĩĩ kanaabɔa mpaɛ.

Yesu Tsa Onyole Odi Kĩ Eveliveli.

XVII Luwi a, kĩ Yesu katsa fɔtsa a, Farisifo mo Yudafɔ mbla batsane a kĩ bito temato kumekume ne Galilea mo Yudea tite akũ, mo Yerusalem na ne awã. Baguma kobẽ a na ne Yesu kame kĩ ekɔa etsa fɔso.

XVIII Ade bati badi lo oti odi kĩ eveliveli ne ɔkena akũ beyamena a. Bɛbɔa mbodi bewɛ osi kĩ batsã biwo ne kola a kame bekɔa oti a biyi ne Yesu ane kame.

XIX Leme ne bati lidede sũ ni, betána osi biwomɔ ye. Foesũ bebɔe oti a bide ne letsã. Ade bitinya fɔkpã benye ɔke bekamena ɔsɔne a mɔ ye ɔkena biyi ne Yesu mɔ bati a flee ane kame a.

XX Kĩ Yesu mɔ be katekado a, ebi onyole a kĩ, “Nwaẽ, bekɔa nɔ titikpa bite nɔ!”

XXI Ade Farisifo mɔ mbla batsane a do akũ kavia awe kĩ, “Owei nye oti kũ kĩ yale fubusuotsa ne Baguma akũ? Baguma odi keĩ aapuli ekɔa titikpa ete!”

XXII Yesu nyi be kakɔna, foesũ evia be kĩ, “Nde sũ miakɔna fɔtsa kĩĩ bame odu?”

XXIII Fɔɔdabe kale deĩ ɔsĩ fɔbẽ, ‘Bekɔa nɔ titikpa bite nɔ’ mbɔee kĩ, ‘Yidza kadza, katsã?’

XXIV Leme kĩ míamɔ miyi ɔsũ kĩ yĩ a kĩ ñnye Otidziwa Obi a ndeĩ kɔbẽ kĩ makɔa bati titikpa kate ne katinya kĩĩ kame sũ ni, midã o-o!” Kĩ eɛ fukĩ eyua a, edani ebi oti a kĩ eveliveli a kĩ, “Mabi nɔ kĩ yidza kabɔe nɔ ɔkena kanaa kɔla!”

XXV Letaletã onyole kĩĩ ta eyidza ne bati a flee ane kame, ebɔe ye ɔkena a kĩ ye akũ ewa a, enaa kɔla mɔ Baguma kamu.

XXVI Fukĩĩ kena bati a flee wãwã. Akũ nyene be flee, ade bimu Baguma, bekalɛ kĩ, “Litsã awãwã fɔtsa bɔmó nviã kĩĩ a!”

Yesu Vɛ Levi.

XXVII Ke liti a, kĩ Yesu ane ne toto a kame a, emó ɔgɔle ɔtene odi kĩ bave Levi edzi ne ye adzumamu. Yesu bi ye kĩ, “Tomɔ yĩ.”

XXVIII Levi yidza efɔne letsã nye letsã eyi ade etomɔ ye a.

XXIX Owi tábuna mɔ Levi te opunu kpale ekpa Yesu ne ye tɔtɔ kame. Tɔgɔle batene pii mɔ bati bebã leme na ne awã.

XXX Farisifo mɔ be bakɔba Yudafɔ mbla bat-sane a badi kena hũhũhũhũ bivia Yesu fɔtsa bakɔlene a kɪ, “Nde sũ mianya kamɔa mɔ tɔgɔle batene mɔ tɔkpa bakenane?”

XXXI Ade ke Yesu kpa be mbuaye kɪ, “Basone lisĩ bekpa tutsonu ɔkenane, nné bikĩ bideĩ akũ ɔsĩ.

XXXII Ntáya kɪ mayaave bati kɪ bidzi kpĩ, mbom ãya kɪ tɔkpa bakenane bedani be towɔle kame.”

Yesu Le Kale Ne Baguma Osi Vɔẽ Mɔ Ɔkɔe Akũ.

XXXIII Bati badi bi Yesu kɪ, “Yohanes fɔtsa bakɔlene a awe onukpẽ kasui mɔatse mɔatse kabɔa mpae ade ayea Farisifo bade a leme akena a. Nde sũ nɔ fɔtsa bakɔlene anya, kamɔa?”

XXXIV Ade Yesu kpa mbuaye kɪ, “Miakɔna kɪ bati a kɪ beve ne obolitsɔ kapikɔ a adzi kɔle ne lokɔ a kɪ obolitsɔ ɔnyɔ a deĩ ne be sekẽ? Oowo! Fɔlá lomɔ!

XXXV Leme luwi aaya kɪ baakpã obolitsɔ ɔnyɔ a ne be sekẽ. Ne lokɔ a na kame ni, baasui onukpẽ.”

XXXVI Yesu buki ebɔa be legbã kɪ, “Odima lãbẽ lima vɔẽ kakɔa katalɔ lima kɔe ɔke. Nte ekena foe lomɔ ni, yaabẽ lima vɔẽ a, leme lovɔẽ mɔ lokɔe a lelãaketimɔ akũ.

XXXVII Ade ayea baáko waĩ vɔẽ ne ɔyae ovoli kuvũ kɔe kame a, kitonekɪ waĩ vɔẽ a aafɔ kuvũ a lebẽ lokɔa waĩ a leme aawula.

XXXVIII Ne foesũ kene kɪ biko waĩ vɔẽ ne ɔyae ovoli kuvũ vɔẽ kame.

XXXIX Finyaa, nte odi moa waĩ koe ni, eláawe kĩ yamoa bavõẽ. Letsa a kĩ yaale nye kĩ, ‘Waĩ koe a nene ebẽ.’ ”

VI

Yesu Mo Farisifo Vele Foletsa Ne Kaweya Luwi a Akũ.

I Ne Kaweya Luwi moa lidi akũ ni, Yesu mo ye fotsa bakolene tsã fugbano koba kudi kayite batẽ. Ye fotsa bakolene a ve fudi betsẽ foe bekaba.

II Ade ke Farisifo a badi via be kĩ, “Nde sũ miakena letsa a kĩ boe mbla tákpa osi kĩ bekena ne Kaweya Luwi akũ?”

III Yesu kpa mbuaye kĩ, “Mitákã ne Katsеле Kpalewa a kame, mimó letsa a kĩ Legã Dawid kena ne loko a kĩ kole kako bemo ye bade a?”

IV Legã Dawid nawo ne Baguma kola kame ebõe abodoo a kĩ bekõa bebõa afolie bekpa Baguma a enya, ade ekõa adi ekpa ye bakoba a leme benya a. Fõnye boe mbla kĩ odima lelá osi kĩ yanya foe, mboente basõfo odi keĩ.”

V Yesu wũna kĩ, “Otidziwa Obi a nye Kaweya Luwi a Olate.”

Yesu Tsa Onyole Odi Kĩ Ye Kõkpo Ku.

VI Ne Kaweya Luwi bebã akũ ni, Yesu naa Yudafõ katsenakõ a enaatsa fotsa. Onyole odi kĩ ye kõkpo ku na ne awã.

VII Yudafõ mbla batsane mo Farisifo badi kawee osi a kĩ ye akũ baatsã bewe foletsa bite ne Yesu akũ. Foesũ biko ane bedã flee nte yaatsa fõso ne Kaweya Luwi akũ.

VIII Leme Yesu nyi be kakona ade ebi onyole a kī, “Yidza kayaadza ne bati ane kame ne awī.” Onyole a ne eyadza ne awā.

IX Ade Yesu bi be kī, “Mavia mi ntse ni, litsa boe mbla kpa osi kī bekena ne Kaweya Luwi akū? Fone ne kī bekena tuwī ne Kaweya Luwi akū, mboee kī bekena tokpa? Fonye luwi kī de akū bete oti nkpā, mboee kī befone ye awe eku?”

X Yesu dā be flee etēmena ade ebi onyole a kī, “Yo awe.” Eyo awe ade ye awe a le pēpēpē a.

XI Yudafo mo mbla batsane a na kalokpa mo osi mo osi ade bekapi adzuni ne letsa a kī baakena ye akū a.

Yesu Nye Fotō Banyane Ewua-nviā.

XII Luwi a Yesu de enaa oto akū kī yanaaboa mpaε, ade εboa mpaε lenye flee ekpa Baguma a.

XIII Kī kade nyina a, εve ye fotō bakolene a flee ekpota ade enye be kame bati ewua-nviā εve be kī fotō banyane a.

XIV Ade be nye Simon kī ete dī kī Petro mo owaε Andrea, Yakobo mo Yohanes, Filipo mo Bartolomeo.

XV Babebā nye Mateo mo Toma, Yakobo kī enye Alfeo obi mo Simon a kī epili ye kade lolō.

XVI Be nkaε nye Yuda kī enye Yakobo obi mo Yuda Iskariot kī ye leyatsa Yesu liti osi.

Yesu Tsa Fotō Etsa Bati Leme.

XVII Kī Yesu mo ye fotō banyane a ka bito oto akū a, beyadza ne kako teewa kī ye fotō bakolene pii mo bati kodabu baū kudi na. Bati pii to Yudea tite akū, Yerusalem omatō mo tematō a kī tewaa ne Tiro mo Sidon mpo abuī a kame beya.

XVIII Beya kī bayaatse Yesu fotsa katsa bena foso aholo aholo katsa. Bikī hūhū kpa kaha be a lemε ya ade etsa be a.

XIX Bati a flee kaboa mbodi kī bata Yesu kitonekī kobē kudi kanε kato ye kamε katsa be flee.

Bati Badi Aamɔ Kawɔle Ade Badi Lemε Aamɔ Lubo a.

XX Yesu dzela anε edā ye fotsa bakolene a ade ebi be kī,

“Baguma aahila mi a kī minyε ahiāfo a,
kitonekī mi kade nyε Baguma legākanyakō
a

XXI Baguma aahila mi a kī kole ako mi finyaakī
a,

kitonekī míawī!
Baguma aahila mi a kī miabe finyaa a,
kitonekī miaya kamεmε kō!

XXII Baguma aahila mi nte bati akesī mi,
bisī mi, bavūna mi,
īye bale kī minyε bati kpa ne Otidziwa Obi a
sū!

XXIII “Mimɔ kawɔle, nte fɔya lomɔ a, mito,
mimɔ kawɔle kitonekī mideī kotokase kpale ne
ode. Mite anε lemε kī ade fukī odu be bawanyo
kena Baguma onukpē banyene kɔε a.

XXIV Lemε bobɔε makpa mi a kī mideī akū a,
kitonekī mimó mi kawɔle kɔkɔε ne awī!

XXV Bobɔε makpa mi a kī miwī finyaakī a,
kitonekī kole aako mi!

Bobɔε makpa mi a kī miamεmε finyaakī a,
kitonekī míawo oblo, mibe.

XXVI Bobɔε makpa mi nte bati flee aboa mi buī
wī,

kitonekĩ ade aye be bawanyo mu fovã onukpẽ banyene a.

Miwe Mi Bakesĩne Kale.

XXVII “Leme mabi mi a kĩ miatse yĩ kale a kĩ miwe mi bakesĩne kale, mikena tuwĩ mikpa be.

XXVIII Mikpa bikĩ badumu mi a nhila. Miboa mpae mikpa bikĩ bakena mi tenya a.

XXIX Nte odi bale no awe ne oloto moa ni, fõ ebale no ne oyade a leme. Nte odi te no atadie wulaa ni koa no atadie anyanglede a leme kakpa ye.

XXX Odi nye odi kĩ yaawã no fotsa ni, kpa ye, ade nte odi boe no litsedi ni, tabuki ole kĩ ate foe.

XXXI Letsa a kĩ miawe kĩ bati bebã bekena bekpa mi ni, mikena foe lomõ mikpa be.

XXXII “Nte miawe bati a kĩ bawe mi kale odi ni, nde sũ kene kĩ bihila mi? Tokpa bakenane malo awe bikĩ bawe be kale a.

XXXIII Ade nte bati a kĩ bakena mi seme kale odi mo miakena seme kale kakpa a ni, nde sũ kene kĩ bihila mi? Tokpa bakenane malo akena lomõ.

XXXIV Ade nte bikĩ baapuli bise mi kotõ odi mo miakpa teve ni, nde sũ kene kĩ bihila mi? Tokpa bakenane malo akpa be akũ teve, ne ayekĩ baase foe flee bekpa be sũ!

XXXV Oowo! Miwe mi bakesĩne kale mikena be tuwĩ. Mikpa be teve leme mitate ane kĩ baase bekpa mi. Nte mikena foe lomõ ni, míana kotokase kpale lokoa míanya Baguma Kpale Ne Ode a babi. Kitonekĩ Baguma deĩ seme kale ekpa bikĩ baáyi bati aye mo bati kpa malo.

XXXVI Mimo bati konya nde ayekĩ Baguma amo konya.

Yesu Tsa Fɔtsa Ne Bati Bebã Kadzɛmena Akũ.

XXXVII “Mitadzɛmɔ bati bebã ayekĩ Baguma lɛmɛ lɛláadzɛmɔ mi. Mitakɔ bati bebã kɔtɔ lɔkɔa Baguma lɛmɛ lɛláakɔ mi kɔtɔ. Mikɔa bati tɔkpa mite be, lɔkɔa Baguma lɛmɛ aakɔa ete mi.

XXXVIII Mikpa bati fɔtsa lɔkɔa Baguma lɛmɛ aakpa mi. Nuwĩnuwĩ Baguma aakɔna, edo ɛmenana fuyi tɔɔnɔnɔɔnɔ fuwula ne ye sɛmɛ kale onukpɛ. Fɔtsa kakɔna odu a kĩ mikɔa mikɔna mikpa bati bebã a, ade foe odu Baguma lɛmɛ aakɔa ɛkɔna ɛkpa mi a.”

XXXIX Ade Yesu bɔa be lɛgbã kĩ, “Ɔnekunɛ lɛláapuli ɛkpã ɔkɔba ɔnekunɛ. Nte ɛkɛna foe ni be nviã a flee baato lɛkɛ.

XL Fɔtsa ɔkɔlɛnɛ lɛbɛ ye fɔtsa ɔtsanɛ, lɛmɛ nte ɛkɔlɛ fɔtsa eyua ni, yaana ndɛ ye fɔtsa ɔtsanɛ aye.

XLI “Nde sũ adã sukuluku kĩ sideĩ ne awaɛ linebi kamɛ lɛmɛ ɔtsɛla luvokũ a kĩ lideĩ ne nɔ mɔawɛ linebi kamɛ a?”

XLII Nde aapuli obi awaɛ kĩ, ‘Make nɔ aduli, fɔ ñnye sukuluku ne nɔ linebi kamɛ’ ne lɔkɔ a kĩ luvokũ deĩ ne nɔ mɔawɛ linebi kamɛ a? Anɛ kamɛ kɛkɛ fɔtsa ɔkɛnanɛ anɛ! Nya lɔtɔ kanye luvokũ a ne nɔ linebi kamɛ lɔkɔa aapuli ɔmɔ yededeede ɔnye sukuluku ne awaɛ linebi kamɛ.

Kutse Kudi Nye Kudi Mɔ Koe Libi Kĩ Kɔawũ.

XLIII “Kutse wĩ lɔwũ babi kpa, ade kutse kĩ kɔnɛnɛ lɛmɛ lɔwũ babi wĩ a.

XLIV Babi a kĩ kutse nye kutse awũ a bakɔa kamɔ koe kayi ɔsũ. Baána figi babi ne fu kutse kamɛ ade baána akutu ne ɔgɔabi akũ a.

XLV Oti wĩ anye fotsa wĩ a kĩ fudeĩ ne ye ɔwɔle kame a kanya, ade aye oti kpa lɛmɛ anye fotsa kpa a kĩ fudeĩ ne ye ɔwɔle kame a kanya a. Kitonekĩ letsa a kĩ lideĩ ne oti ɔwɔle kame a, ade de ane ne ye onukpɛ a.

Fɔla Kake Ne Litekũ Leyɔde Mɔ Ɔsĩ Akũ.

XLVI “Nde sũ miave yĩ kĩ, ‘Boe Ɔlate, boe Ɔlate’ lɛmɛ miákɛna ne fotsa a kĩ matsa mi a akũ?”

XLVII Odi nye odi kĩ yaya ne yĩ sekẽ katse yĩ fɔletsa, kakɛna ne foe akũ ni, maatsa mi oti a odu kĩ yanɛ.

XLVIII Ela ndɛ oti kĩ nte eyi kɔla kake kayɔ etu ɔkã dzununuunu eke litekũ leyɔde ne boe akũ. Nte ɔwɔ yili mɔ mui yalɔmɔ kɔla a ni, letsama lelákɛna kɔla a, kitonekĩ bike koe kake wĩ.

XLIX Lɛmɛ odi nye odi kĩ yaátse yĩ fɔletsa, ade yaákɛna ne foe akũ lɛmɛ ni, ela ndɛ oti kĩ eke kɔla kĩ koe kayɔ litekũ a lɛla ɔsĩ. Nte ɔwɔ yili eyalɔmɔ kɔla a na ni, kóaveli kɔtɔ gbloo!”

VII

Yesu Tsa Romafɔ Sodzafɔ Ɔnɔkɔɛ Odi Ɔsumunɛ.

I Kĩ Yesu bi bati fɔletsa kĩĩ flee eyua a, edzakũ enaa Kapernaum.

II Awã naa, Romafɔ sodzafɔ ɔnɔkɔɛ odi ne awã na ɔsumunɛ kĩ yaátunɔ kalɛ. Ɔsumunɛ kĩĩ kaso mɔ ɔsĩ mɔ ɔsĩ kĩ ewo wuda onukpɛ.

III Kĩ ɔnɔkɔɛ kĩĩ nu Yesu nkã a, edo Yudafɔ banɔkɔɛ badi kĩ bɛnaabi ye eyaatsa ye ɔsumunɛ a.

IV Beya ne Yesu sekẽ ade bike ye aduli mɔ ɔsĩ mɔ ɔsĩ kĩ, “Oti kĩĩ feta ekpa nɔ kabumɛna paa,

^V kitonekĩ yawe boe kade bati kale, ade ye like boe katsenakõ a ekpa boe a.”

^{VI} Ne foe sũ Yesu tomõ be enaa.

Ki kite sukuloo kĩ Yesu awo ne ɔnokõẽ a tɔtɔ kame a, ɔnokõẽ a do ye bakõba kĩ bibi Yesu kĩ, “Boe ɔlate, tabuki oha no akũ. Ntákpola nkpa kĩ awo ne yĩ tɔtɔ kame,

^{VII} ade ke ntákpola leme kĩ maya ne no sekẽ a. Foesũ le kale mɔape lokõa yĩ ɔsumune a aasaɛ.

^{VIII} Yĩ malo ñnye oti kĩ ndeĩ ne banokõẽ kĩ bebẽ yĩ lonokõẽ kayɔ, ade ndeĩ sodzafɔ ne yĩ kayɔ a. Nte mbi odi kĩ, ‘Naa ni’ yanaa, nte mbi ɔbebã kĩ, ‘Ya ni’ yaya, ade nte mbi yĩ ɔsate leme kĩ ‘Kena fukĩ ni’ yakena foe.”

^{IX} Kĩ Yesu nu fukĩ a fokena ye saa. Edani ebi bati kodabu a kĩ bitomõ ye a kĩ, “Mabi mi kĩ ntámõ tõ katekado kĩ odu ne Israelfɔ malo kame da!”

^X Bato a kĩ ɔnokõẽ a do a muniki benaa tɔtɔ a kame, ade benamõ kĩ ɔsumune a saɛ a.

Yesu Nyina Okunawa Odi Obinyole.

^{XI} Ke liti a, Yesu mɔ ye fɔtsa bakolene a mɔ bati pii naa Nain ɔmatõ kameɛ.

^{XII} Kĩ ewo ne ɔmatõ a koletia a, etselamõ bati kodza kĩ benone ɔnokpa banaabila. ɔnokpa a nye otsole odi kĩ enye okunawa obinyole mɔape, ade ke ɔmatõ a kame bati pii leme tomõ okunawa a.

^{XIII} Kĩ boe ɔlate mó otsole a, ye foletsa ko ye kɔnya ade ke ebi ye kĩ, “Fõ kabe.”

^{XIV} Awã naa Yesu fuã enata ɔnokpa apaka a ade bikĩ benone ye a fõ bedza a. Ade Yesu le kĩ, “Opopo! Mabi no kĩ yidza!”

XV Ɖnɔkpa a yidza edzi edo kɔdzela kale awe, ade Yesu kɔa ye edo ne ɔma awe a.

XVI Libe wo bati a flee ade bimu Baguma bele kī, “Baguma Onukpě Ɖnyene kpale odi né eta ne boe kame! Baguma ka eya kī yayaanye ye bati!”

XVII Yesu akū fɔletsɔ kī gba ne Yudea tite mɔ fɔkɔ a kī fufuã a flee kame.

Yohanes Mui Ɖwolane Do Bato Ne Yesu Sekě.

XVIII Kī Yohanes fɔtsa bakolene a bi ye fɔtsa kī Yesu lamena kakena flee a, eve be kame bati nviã,

XIX ade edo be ne boe Ɖlate sekě kī benaavia ye kī, “Nɔ nye oti a kī bele kī yaaya a, mbɔee kī bɔdã oti bebã ane?”

XX Kī biwo Yesu sekě a bibi ye kī, “Yohanes Mui Ɖwolane a do boe kī bɔyaavia nɔ kī, ‘Nɔ nye oti a kī bele kī yaaya mbɔee kī bɔdã oti bebã ane?’”

XXI Ne lɔkɔ a na kame peperepe a, Yesu tsa bati beblebee fɔsɔ, eblɔmena hūhū kpa etomena bati kame ade efɔ banekune pii lemɛ mɔ fɔkɔ a.

XXII Ade ekpa Yohanes bato a mbuaye kī, “Mimuniki minaabi Yohanes letsɔ a kī mimó mɔ letsɔ a kī minu a, banekune mɔ fɔkɔ, bikī biveliveli yidza betse, bikī basɔ fɔsɔ ngbã akū kpale, batosine anu fɔkɔ, bedzela banɔkpa bidzi nkpã, ade belamena ahiãfɔ Kale Wī a kabi a.

XXIII Baguma hila oti a kī etamó nfumususu adima ne yī akū.”

XXIV Kī Yohanes bato a dzakū a, Yesu yi kayɔ mɔ kɔdzela kale ne Yohanes akū kabi bati kɔdabu a kī, “Kī minaa Yohanes sekě ne kɔsa kame a, litsa

mikona kī míamo? Mímó ye nde kókae soota kī
 ɔwe aboa katomena katēmena?

XXV Litsa koū mine minaadā? Oti kī ekeele ye
 akū mɔ fɔtsa mɔ kale yane? Bikī bekeele be akū
 mɔ fɔtsa mɔkale bidzi ne ɔmene kame ni, fɔgā
 toto kame bamɔ be.

XXVI Mibi yī letsa a koū sū miti mina a? Kī
 míamo Baguma onukpē ɔnyene mbɔee? Mifō
 nti mbi mi kī mímó oti kī ebē Baguma onukpē
 ɔnyene kolaa.

XXVII Ade Yohanes akū Katsеле Kpalewa a le kī,
 ‘Maado yī fɔto ɔnyane enya nɔ loto,
 eyaalola osi eyi ekpa nɔ.’ ”

XXVIII Yesu buki ebi be kī, “Yohanes bē odi nye odi
 kī edzi tō ne katinya kīi kame. Leme odi kī enye
 obisē kolaa ne Baguma legākanyakō a kame bē
 Yohanes.”

XXIX Fɔmɔ fukī aayane a, bati a flee nu Yohanes
 fɔlets a, bemo tɔgɔle batene a titiliwu nye bikī
 bekena ne Baguma kawē akū, ade befō Yohanes
 kēna be mui kawɔla amanie a.

XXX Leme Farisifo mɔ Yudafo mbla batsane a
 sī Baguma nhilie a kī ekēna eyi ekpa be a, ade
 betátunɔ kī Yohanes ewola be mui a.

XXXI Yesu le enamena loto kī, “Finyaakī litsa
 maakɔa nviā babi nkona mɔ?

XXXII Bela nde babisē kī bikoni ne kɔya bagulo.
 Baboa fɔwɔla kabi bakoba kī,

‘Bosā obolitsō kapi tɔnɔ bɔkpa mi,
 leme mitáto!

Bosā tukutɔnɔ bɔkpa mi,
 leme mitábe.’

XXXIII Yohanes Mui Ɔwɔlanɛ a ya, ɛkasui onukpɛ, ɛtámɔa waĩ, lɛmɛ milɛ kĩ, ‘Hũhũ kpa deĩ nɛ ye kamɛ!’

XXXIV Otidziwa Obi a lɛmɛ ya, ɛnya, ɛmɔa lɛmɛ, ade mialɛ kĩ, ‘Midã ɔnyakpanɛ mɔ bave ɔmɔanɛ kĩĩ! Ɛnye tɔgɔlɛ batɛnɛ mɔ tɔkpa bakenanɛ ɔkɔba!’

XXXV Lɛmɛ bati flee a kĩ betɛ Baguma kadikanyi ni, be fɔkɛlatsa atsa kĩ fɔnye ɔnɔkɔali fɔletsɛ.”

Yesu Naa Simon Farisini a Awã.

XXXVI Farisini odi vɛ Yesu kĩ ɛyaanya nɛ ye awã. Yesu tunɔ enaa ɛnadzi bekanya.

XXXVII Otsole odi kĩ ɛtábɔa ɔbla wĩ na nɛ ɔmatɔ a kamɛ. Kĩ enu kĩ Yesu na nɛ Farisini a toto kamɛ ɛkanya a, ɛbɔɛ tumpã mɔkale mɔ kugua mɔ ɔlɛ mɔlɛ ɛyamɛna nɛ awã.

XXXVIII Ɛdza nɛ Yesu liti nɛ ye abɔa ɔwɛ ade ɛkabe kako nɛ ye fɔnɛta akũ a. Otsole kĩĩ kɔa ye lolɔ tolɔ ɛyɔ babe a nɛ Yesu fɔnɛta, ade efifi foe akũ, ɛkɔa kugua a lɛmɛ eko nɛ foe akũ a.

XXXIX Kĩ Farisini a mɔ fukĩĩ a, ɛlɛ nɛ ye lolɔ kamɛ kĩ, “Ntɛ obi kĩĩ mɔ nuwĩ Baguma onukpɛ ɔnyɛnɛ yanɛ ni, kufɛ yaanyi kĩ otsole a odu kĩ ɛlamɛna ye katalɛ a nyɛ titikpa ɔkɛnanɛ!”

XL Ade Yesu bi Farisini a kĩ, “Simon, ndeĩ kale kĩ mabi nɔ.”

Simon kpa mbuayɛ kĩ, “Fɔtsa Ɔtsanɛ, bi yĩ letsɛ a.”

XLI Ade Yesu bi ye kĩ, “Banyole nviã badi dzimɔ sika ɔvɛ ɔkpanɛ odi kɔtɔ. Ɔmɔa dzimɔ ye sika kĩ siwo tidetɔ ewua kɔtɔkase, ade ɔyade a lɛmɛ dzimɔ ye odetɔ mɔa kɔtɔkase a.

XLII Bati kīi tápuli bise ye fɔtɔ kīi, foesũ ekɔa ete be. Bati nviã kīi kame ɔwɔdabe aawe sika ɔve ɔkpane a kale eba?"

XLIII Ade Simon kpa mbuaye kī, "Mate kado kī oti a kī bekɔa kɔtɔ kpale bite ye a."

Yesu bi ye kī, "Ɔle ɔnɔkɔali."

XLIV Ade Yesu dani edã otsole a ebi Simon kī, "Amɔ otsole kīi? Kī nwo ne nɔ tɔtɔ kame a, ɔtákpá yī mui kī nvɔle fɔneta, leme otsole kīi kɔa ye babe evɔle yī fɔneta, ekɔa ye tɔlɔ leme eyɔ be.

XLV Ɔtákena yī atuu, leme kito lɔkɔ a kī ŷya ne awī a, otsole kīi táfɔ yī fɔneta kafifi.

XLVI Ɔtákpá yī kugua ntsela ne lolɔ kame, leme ekɔa kugua mɔ olẽ mɔ olẽ etsela yī fɔneta.

XLVII Foesũ mabi nɔ kī ne ɔdɔ a kī enye etsa kīi a sũ ni, bekɔa ye titikpa beblebee a bite ye. Leme oti kī bekɔa fɔtsa kabii bite ni, ɔdɔ kabii yanye katsa."

XLVIII Yesu bi otsole a kī, "Bekɔa nɔ titikpa bite nɔ."

XLIX Bati a kī bɛna ne kanyakɔ a kavia be akũ kī, "Owei ne awī a kī yakɔa bati tɔkpa malo kate?"

^L Ade Yesu bi otsole a kī, "Nɔ katɛkado tɛ nɔ. Naa ne lukudɔ kame."

VIII

Batsole Badi Kī Bitomɔ Yesu.

^I Ne fukīi liti a, Yesu tsã emini ne temato mɔ tukula a kī tifuã a kame ekale Kale Wī a ne Baguma legākanyakɔ a akũ. Ye fɔtsa bakɔlene ewua-nviã a leme tomɔ ye.

^{II} Batsole badi kī Yesu blɔmena hũhũ kpa ne be kame, mɔ bikī etsa be fɔsɔ leme tomɔ ye.

Be kame ɔmɔa nye Maria Magdalani kī ye kame eblomena hūhū kpa evūkɔnɔ etomena a.

III Otsole a odi leme nye Yohana, kī bave ɔnyɔ kī Kusa kī enya ɔnɔkɔẽ ne Legã Herodes foletsã kadzekõ, Susana mɔ batsole bebã pii kī bekɔa be mɔawe akū fɔtsa bekadãmena Yesu mɔ ye fɔtsa bakɔlene akū a.

Legbã Ne Okuani Odi Akū.

IV Bati kato temato pii kame kaya ne Yesu sekẽ, ade kī bati beblebee yakpɔta a, eɔa be legbã kī kī,

V “Luwi a okuani odi naasã funitsã babi. Kī ekasã be a badi wula ne osi ɔɔwẽ ade ke bati sumini be, kɔvɔlabi leme tsuli be a.

VI Badi wula ne apibɔ akū, ade kī beme a beve biku, kitonekī apibɔ a kame lela mui.

VII Badi wula ne tuwĩ mɔ fu kame. Tuwĩ mɔ fu a me tipi be.

VIII Badi leme wula ne tite wĩ akū, beme bibo ane, kutse nye kutse wū babi kpasaa.”

Ade Yesu wūna kī, “Oti kī edeĩ ato ni, etse katse wĩ!”

Letsa Sũ a Kī Yesu Bɔa Fɔgbã.

IX Yesu fɔtsa bakɔlene a via ye legbã a kayɔ.

X Ade ebi be kī, “Benye Baguma legãkanyakõ fɔtsa kɔlawa a betsa mi, leme bati bebã a kõ ni, fɔgbã kame fɔaya kakpa be ayekĩ,

‘Baadã leme beláamɔ biyi ɔsũ,
baanu leme beláa nu foe kayɔ.’

Yesu Nye Legbã Ne Okuani Akū a Kayɔ.

XI “Legbã a kayɔ nye fukĩ. Funitsã babi a nye Baguma kale a.

XII Babi a kī biwula ne osi ɔwẽ nye bati a kī binu kale a, leme Abonsam yanye kale a ne be towole kame, ayekī beláate bido bena kate

XIII Bikī biwula ne apibo akū a nye bati a kī binu kale a, bete ke mo kawole, leme ketáwo ne be kame dzununuunu. Bete bido ne loko lukū odi kame, ade nte sohúie adi ya ni, bamuniki liti.

XIV Babi a kī biwula ne tuwī mo fu kame a nye bati a kī binu kale a bete ke leme katinya kame ohau, akū fotsa kawe mo katinya kame kawolekamó anya be akū, kafõ baábo ane kawū babi kayóle.

XV Leme babi a kī biwula ne tite wī akū a nye bati a kī binu kale a, bete ke ne towole wī mo obu kame ade bipini ke mo ɔsī mo ɔsī kenawo kī biwū babi a.

Fõ Ɔsedza Ekpale Foko Ekpa Bati.

XVI “Odima látena ɔsedza kakoa looda kasua ye, iye kakoa ye kado ne mpa kayo. Mbom yadela ye kate ne ɔsedza otse akū ayekī bati aamo foko nte bawo ne toto kame.

XVII “Letsa nye letsa kī bekoa bekola ni, baanye de kanya. Ade letsa nye letsa kī bisua de ni, baamo de benye beyamena ne ohaĩ kame.

XVIII Mitse letsa a kī mianu a katse wī, kitonékī okī edeĩ foletsa kayokanu ni, baakpa ye kayokanu bibu, leme okī ela kayokanu kadima ni, baate sukuloo a kī ekona kī edeĩ a malo ne ye awe.”

Bawei Koũ Nye Yesu Oma Mo Bawaẽ?

XIX Luwi a, Yesu oma mo bawaẽ ya ne ye sekẽ leme betápuli bifuã ye ne bati lidede sũ.

XX Ade ke odi bi Yesu kī, “Ama mo awaē ame dzē ne kanya kī bawe bemó no.”

XXI Yesu kpa mbuaye kī, “Mma mo nwaē ame nye bikī batse Baguma kale, bakena ne ke akū.”

Yesu Dina Ōwe Onukpē.

XXII Luwi a Yesu mo ye fotsa bakolene a wo ne okolo kame ade ebi be kī, “Mifō bunyina owo lutubu baū a bonaa abuī atide a.” Ade biyi owo a kanyina kayo a.

XXIII Kī biteī ne mui ane banaa a, Yesu wa tida. Deedimōape owe mo osī odi vū ne lutubu baū a akū, ade ekaboa mui kako ne okolo a kame, fofō bena ne wuda mo nkpā kayite a.

XXIV Ye fotsa bakolene a nadzela Yesu bibi ye kī, “Boe Ōlate! Boe Ōlate! Buku buyua!”

Awā naa Yesu yidza edza ewūni ne owe mo mui a akū. Ōwe mo mui a onukpē do, ade awā flee kena dī a.

XXV Ade evia ye fotsa bakolene a kī, “Nde mi katekado?”

Bekena saa, libe wo be leme, ade bivia be akū kī, “Owei nye oti kīi? Yado owe mo mui onukpē ade batse ye a!”

Yesu Blomena Hūhū Kpa Ne Onyole Odi Kame.

XXVI Yesu mo ye fotsa bakolene a nyina owo lutubu baū a bito Galilea tite akū beyawo Gadara ne tite a seke sitide a.

XXVII Kī Yesu né ne okolo a kame a, onyole odi kī hūhū kpa na ne ye kame ne eto omato a kame eyatselamo ye. Owi buna kī onyole kīi tsā odzo, ade yaádi ne toto kame, mbom asie mo funike kame yadzi.

XXVIII Kĩ ɛmɔ Yesu a, ɛboɔ fɔwɔla kɔɔba ade ɛboɛ ye akũ emuni nɛ Yesu abɔɔa kame mo fɔwɔla kĩ, “Yesu Baguma Kpale Nɛ Ode Obi! Litsa akamɔ yĩ? Make nɔ aduli, takena yĩ awɔda!”

XXIX Onyole a lɛ fukĩ kitonɛkĩ Yesu wũni nɛ hũhũ kpa a akũ kĩ ɛnɛ nɛ oti a kame. Lɔkɔ pii hũhũ kpa a adzi nɛ ye akũ ade ntɛ bido ye nkɔsɔnkɔsɔ nɛ akpɔ mo abɔɔa malo a, yaveliveli ye lɔkɔa hũhũ kpa a akpã ye kanamena kɔsa kame.

XXX Yesu via ye kĩ, “Nde bave nɔ?”

Ade ɛkpa mbuayɛ kĩ, “Bave yĩ Lidede,” kitonɛkĩ hũhũ kpa beblebee wo nɛ ye kame.

XXXI Hũhũ kpa a ke Yesu aduli kĩ ɛtablɔmena be benaawo nɛ lɛkɛ dzunununu a kĩ lɛlá kakpu-lakɔ a kame.

XXXII Baplakuo beblebee na nɛ ɔtɔ odi akũ bɛkadɛ. Foesũ hũhũ kpa a ke Yesu aduli kĩ ɛfɔ bɛnɛ bɛnawo nɛ be kame, ade Yesu lɛmɛ kpa osi a.

XXXIII Ade bɛnɛ nɛ onyole a kame bɛnawo nɛ baplakuo a kame a. Be kɔdabu a flee wula atɛ bɛka ɔtɔ sɛkɛ geĩ a biwo nɛ mui kame, bɛmɔa mui biku.

XXXIV Kĩ bikĩ badãmena baplakuo akũ a mɔ letsa kĩ lɛya a, bilo bɛnaa ɔmatɔ mo tukula kame bɛkabi bati letsa kĩ lɛya a.

XXXV Bati nɛ bɛyaadã letsa kĩ lɛya. Ade kĩ biwo Yesu sɛkɛ a bɛmɔ onyole a kĩ ye kame hũhũ kpa a nɛ a kĩ edzi nɛ ye abɔɔa kayɔ. Edo atadiɛ ade ye anɛ kame lɛmɛ kpalɛ. Libe wo bati a flee.

XXXVI Bikĩ bɛmɔ letsa a kĩ lɛya a bi bati ayekĩ beblɔmena hũhũ kpa nɛ oti a kame.

XXXVII Nε fukĩ sũ bati a flee nε Gadara kayite a na ke Yesu aduli kĩ εdzakũ nε be tite akũ, kitonekĩ libe wo be paa. Nε foesũ ewo nε okolo a kame εdzakũ.

XXXVIII Onyole a kĩ ye kame hũhũ kpa a nε a ke Yesu aduli kĩ, “Fõ ntomɔ nɔ bɔnaa.” Lemε Yesu nyε ye osi, ebi ye kĩ,

XXXIX “Muniki kanaa ɔto kanaale letsa a kĩ Baguma kena ekpa nɔ a.”

Onyole a tsã nε omato a kame ekale letsa a kĩ Yesu kena ekpa ye a.

Yesu Tsa Yairo Obitsole Mɔ Otsole Odi.

XL Kĩ Yesu muniki enaa ɔwo lutubu baũ sεke sitide a, bati a tε ye mɔ kawole kitonekĩ be flee bidzi bekadzole ye.

XLI Ade ke onyole odi kĩ bave Yairo kĩ enye ɔnokɔẽ ɔmɔa nε Yudafo katsenakɔ ya nε awã a. Eyake aduli nε Yesu abɔa kame ewã ye kĩ εfõ benaa ye toto kame,

XLII kitonekĩ ye obitsole mɔape kĩ εte futeli ewua-nviã waa nε wuda mɔ nkpã kayite.

Kĩ Yesu kanaa a, bati pii yi ye akũ.

XLIII Otsole odi kĩ akũ awula ye futeli ewua-nviã flee lemε na nε bati a kame. Otsole kĩ bula ye sika flee kade nε fɔso batsane sεkẽ lemε odima tãpuli etsa ye.

XLIV Ekena bɔεε etsã bati a kame nε Yesu liti εta ye atadiε soto. Deedimɔape babɔane a fõ kawula.

XLV Ade ke Yesu via kĩ, “Owei leta yĩ?”

Lemε odima tãkpeti. Foesũ Petro bi ye kĩ, “Boe ɔlate, dã ayekĩ bati beblebee yi nɔ akũ!”

XLVI Lemε Yesu le kĩ, “Mmó nε yĩ kame kĩ odi ta yĩ ni, kitonekĩ kɔbẽ kudi nε kuto yĩ kame.”

XLVII Kĩ otsole a mɔ eyi ɔsũ kĩ bɛmó ye sũ ni, ɛna nɛ kukũtila kame ɛnɛ ɛyake aduli nɛ Yesu abɔa kame. Nɛ bati a flee anɛ kame na, ebi ye letsa nyɛ letsa. Ebi ye letsa a kĩ de sũ ɛta ye, mɔ ayekĩ ɛsae letaleta a.

XLVIII Yesu bi ye kĩ, “Yĩ obitsole, nɔ katekado kpa nɔ akũ ɔsĩ. Naa nɛ lukudo kame.”

XLIX Lokɔ a kĩ Yesu kale fukĩ a, ɔto to Yudafɔ katsenakɔ ɔnɔkɔɛ a awã ɛyabi Yairo kĩ, “Nɔ obitsole a ku, fotábuki fusĩ kĩ aha fɔtsa ɔtsanɛ a.”

L Lemɛ kĩ Yesu nu foletsa a ebi Yairo kĩ, “Tavila. Nɔ kɔ tɛ kado, obisɛ a aasae.”

LI Kĩ Yesu wo Yairo toto kame a, ɛtákpá odima osi ewo nɛ kola a kame, mbɔɛntɛ Petro mɔ Yohanes mɔ Yakobo mɔ obisɛ a ɔlɛga mɔ ɔma odi.

LII Bati pii dza nɛ awã bekabe mɔ kɔnya nɛ obisɛ a wuda sũ. Ade Yesu bi be kĩ, “Mifɔ kabe. Obisɛ a táku. Tida kɛkɛ ewaa.”

LIII Lemɛ bati a flee memɛ ye kitonekĩ binyina kĩ obisɛ a ku.

LIV Ade Yesu pi obisɛ a nɛ kɔkpɔ ɛvɛ ye kɔɔba kĩ, “Yĩ obi, yidza kadza!”

LV Ade ke katsolebi a nyinya kiyidza kɛdza deedimɔapɛ a. Yesu bi be kĩ bekpa ke funitsã kenya.

LVI Foletsá kĩ nyɛnɛ bamanɛ a akũ, lemɛ Yesu si be mbla kĩ betabi odima letsá a kĩ lɛya a.

IX

Yesu Do Ye Fɔtsa Bakɔlɛnɛ Ewua-nviã a Fɔto.

^I Luwi a, Yesu ve ye fotsa bakolene ewua-nviã a ekpota, ade ekpa be kobẽ mo otumi kã beblomena hũhũ kpa flee, betsa foso kumekume leme.

^{II} Edo be kã benaale kale ne Baguma legãkanyakõ a akũ, lokoa betsa basone.

^{III} Fomõ baanaa ni, Yesu bi be kã, “Mitaboe letsama nde otse kã bake katsã, fotsa bawãne kuvũ, funitsã iye sika mile. Mitaboe atadie ayade malo mibu.

^{IV} Kako nye kako kã mise ni, mina ne toto a kame kenaawo loko a kã miadzakũ ne omato a kame.

^V Awã kã bati tãte mi ni, mine ne omato a kame lokoa mikpa mi aboa kudu miko ne be akũ, fonya nsentseleni fokpa be kã Baguma aavele be soto.”

^{VI} Ade fotsa bakolene a namini ne tukula a flee kame bekale Kale Wĩ a, bekatsa basone a ne kako nye kako a.

Legã Herodes Kena Basaa.

^{VII} Kã Legã Herodes, Galilea tite akũ onyane a nu fotsa kã folamena kaya a, ekena basaa, kitonekã bati badi kale kã Yohanes Mui Owolane a libuki eyidza edzi nkpã.

^{VIII} Bati bebã leme le kã Eliya libuki eya, ade babebã leme le kã Baguma onukpẽ banyene koe a kame odi liyidza edzi nkpã.

^{IX} Legã Herodes le kã, “Nfõ bitsua Yohanes lolõ, mo owei nye oti a kã ye akũ foletsa manu a?” Foesũ Legã Herodes kaboa mbodi kã yamõ Yesu.

Yesu Kpa Bati Mpim Elo Funitsã Benya.

^X Kã fotsa bakolene a muniki beya a, bibi Yesu letsa nye letsa a kã bekena. Ade ekpã be odi bene boe benaa Betsaida omato a kame a.

XI LEME kī bati kɔdabu a nu foe a, bitomo ye benaa awã. Yesu te be ade ebi be foletsã ne Baguma legãkanyakõ akũ, etsa bikĩ bisĩ fɔso katsa leme a.

XII Kĩ suwa anaa katomukõ a, Yesu fɔtsã bakolene ewua-nviã yabi ye kĩ, “Fõ bati a bedzakũ benaa tukula mo fɔpe a kĩ fufuã a kame benaawe funitsã mo fɔwakõ kitonekĩ awĩ lenyé bati kadzikõ.”

XIII LEME Yesu bi be kĩ, “Mi moawe a miwe litsedi mikpa be benya.”

Ade bekpa mbuaye kĩ, “Funitsã flee kĩ bonene nye abodoo elo mo kɔfɔabi tolewa nviã. Awe kĩ bonaaya funitsã boma bati beblebee kĩ?”

XIV Banyole nde be mpim elo na ne awã.

Ade Yesu bi ye fɔtsã bakolene a kĩ, “Mifõ bati a bidzi ne kutsukutsu kame. Katsu nye katsu kiwo nde bati aduenum.”

XV Kĩ fɔtsã bakolene a kena foe lomo biyua a,

XVI Yesu boe abodoo elo mo kɔfɔabi nviã a, edela ane edã odetó kame, enye Baguma kole, ade ebulibuli ye ekɔa ekpa ye fɔtsã bakolene a kĩ besẽ bekpa bati a.

XVII Bati a flee nya biwĩ, ade ye fɔtsã bakolene a fila fukĩ fute a biyula tetsetse ewua-nviã a.

Petro Nye Etsa Kĩ Yesu Nye Kristo a.

XVIII Luwi a, kĩ Yesu odi na ekabɔa mpae a, ye fɔtsã bakolene a ya ne ye sekẽ ade evia be kĩ, “Owei bati ale kĩ ye mane?”

XIX Bele kĩ, “Badi ale kĩ no nye Yohanes Mui Ōwolane a. Badi ale kĩ no nye Baguma Onukpẽ Ōnyene Eliya, ade babebã leme ale kĩ Baguma

onukpě banyene koe a kame odi liyidza edzi nkpã.”

XX Ade evia be kī, “Nde nye mi leme? Owei miale kī ye mane?”

Awã naa, Petro kpa mbuaye kī, “Nɔ nye Baguma Kristo a.”

XXI Ade Yesu si be mbla mo osi mo osi kī betabi odima foletsã kī.

Yesu Le Kale Ne Ye Lubokamo Mo Wuda Akū.

XXII Yesu buki ebi be kī, “Kene kī Otidziwa Obi a emo lubo paa ne omai banokoẽ, Yudafo basofonokoẽ mo Yudafo mbla batsane a awe. Baasi ye lokoa beko ye, leme ne luwi lelalede akū ni, Baguma aadzela ye etomena banokpa kame edzi nkpã.”

XXIII Ade ebi bati a flee kī, “Nte odi awe kī yatomo yi ni, kene kī yafone ye apedie awe, ebɔe ye lubo kamɔ folotsã luwi nye luwi lokoa etomo yi ne liti.

XXIV Kitonekī odi nye odi kī yawe kī yapili ye nkpã ni, yaayela ye, leme odi nye odi kī efone ye nkpã awe ekpa ne yi katomena sū ni, yaana nkpã wī a kī elá kawūna a.

XXV Litsã nfaso oti aana nte ena katinya kame fotsã flee leme eyela ye moawe nkpã?

XXVI Nte yi mo yi fotsã a kī matsa a nye fonyoatsã fokpa odi ni, ye malo yaanya fonyoatsã ekpa Yi Otidziwa Obi a, nte iya ne yi kukūkpale mo Nda mo ode foto banyane kpalewa kukūkpale a kame.

XXVII Mabi mi pipipi kī badi deĩ ne mi kame ne awi kī beláaku kenaawo kī Baguma anye ye legākanya a etsa be.”

Yesu Vemena Ye Akū Ne Oto Akū.

XXVIII Nde ekwansieda moa liti kī Yesu le foletsa kī a, ekpā Petro, Yohanes mo Yakobo bide benaa oto odi akū kī banaaboa mpae.

XXIX Kī ekaboa mpae a ye ane kame dani, ade ye tetadie kena fita fita, tekata muamua a.

XXX Ade banyole nviā kī benye Mose mo Eliya ne bedza bemō Yesu bekale kodzela a.

XXXI Bena ne ode kukūkpale kame ade bekalomena mo Yesu ne osi a kī ye akū yaatsā ekena ne Baguma nhihie a kī ekena eyi kī yaaku ne Yerusalem akū a.

XXXII Tito kī Petro mo ye bade a wa tida kolaa malo ni, binyinya bemō Yesu kukūkpale mo bati nviā a kī bedza ne ye owē a.

XXXIII Kī bati a adzakū a, Petro bi Yesu kī, “Boe Olate, fonene paa kī boya ne awī. Bóaboa fope elale, no lide lomoa, Mose lide lomoa, Eliya leme lide lomoa.” Leme etáti enyi letsa a kī de ekale a malo.

XXXIV Kī ekale kodzela a, luflututu ka ade de kuyo ko ne be akū a. Fotsa bakolene a vila ne loko a kī luflututu a ka lisua be akū a.

XXXV Ade odo odi ne eto luflututu a kame ele kī, “Ade yī obi a kī mpau a. Mitse ye kale.”

XXXVI Kī odo a tsua a, Yesu odi lite ne awā. Fotsa bakolene a sua onukpē ne fukī flee akū ade betábi odima kadima ne letsa a kī bemō a akū ne loko a na kame a.

Yesu Tsa Kanyolebi Kī Hūhū Kpa Deī Ne Ke Kame.

XXXVII Kī kade nyina a, Yesu mo ye fotsa bakolene elale a ka oto a, ade bati kodabu baū kudi yatselamo ye a.

XXXVIII Onyole odi ne bati a kame boa fowola ele ki, "Fotsa Otsane! Make no aduli da yi obi kakpa yi, yi obi mape!"

XXXIX Huhuh kpa adi adzi ne ye akuh loka yaboa fowola. Odeto foso ade kadzi ne ye akuh, kaboe ye kamuni, loka kuvu ane ne ye onukpe. Fofoo yapila ade huhuh a lava ye awe kafone leme a.

XL Nke no fotsa bakolene a aduli ki beblomena huhuh kpa a, leme betapuli."

XLI Ade Yesu bi be ki, "O nvia babi mo ato osi ki mila katekado! Loko lowodabe maana ne mi seke, nna owole boee leme nkpa mi?" Ade ebi onyole a ki, "Kpa no obi a kayamena ne awi."

XLII Ki kanyolebi a yele kaya a, huhuh kpa a boe ye emuni ne tite ade ke odeto foso de fudzi ne ke akuh a. Awaa naa Yesu do huhuh kpa a onukpe, ade etsa kanyolebi a ekoa ke ekpa olega a.

XLIII Baguma kobe ba lekenana ki kena bati a flee saa.

Yesu Buki Ele Kale Ne Ye Wuda Akuh.

Ki bati a kakona lolo kame ne awawaa fotsa a ki Yesu kena akuh a, ebi ye fotsa bakolene a ki,

XLIV "Mitalela letsa a ki maabi mi a! Baakoa Otidziwa Obi a bido ne bati awe."

XLV Leme fotsa bakolene a tanu foe kayo. Bekoa foe bekola be ki betanu foe kayo ade bivila ki bavia ye foe kayo a.

Yesu Tsa Oti a Odu Ki Ebe Flee a.

XLVI Foletsa kavele ya ne fotsa bakolene a kame ne owula a ki ye be flee ne be kame.

XLVII Ki Yesu nyi letsa ki bekakona a, eve obise odi eyadzela ne ye owe.

XLVIII Ade ebi be kī, “Odi nye odi kī ete obisē kīi ne yī dī akū ni, ade yī ete a, ade odi nye odi kī ete yī ni, ete owula a kī edo yī foto a. Kitonekī owula kī enye obisē kolaa ne mi kame a, ade ye letε koya ebē a.”

Oti Kī Edzé Ne Mi Akū Nī, Etomō Mi.

XLIX Yohanes bi Yesu kī, “Boe ɔlate, bomó onyole odi kī ekablomena hūhū kpa ne nɔ dī akū, lemε busua ye osi, kitonekī eláa boe kame.”

L Yesu bi ye mɔ fɔtsa bakolene bebā a kī, “Mitasua ye osi, kitonekī odi nye odi kī edzé ne mi akū ni, mi etomena.”

Samariafo Badi Sī Yesu.

LI Kī lɔkɔ kawo ɔto kī Baguma aabɔe Yesu enamena ode a, esipi kī yanaa Yerusalem.

LII Edo foto banyane badi benya ye loto benaa Samaria akula adi kame kī benaamane letsa nye letsa bekpa ye kaya.

LIII Lemε akula a kame bati sī kī baáte Yesu, kitonekī binyina kī etē yanaa Yerusalem.

LIV Kī Yohanes mɔ Yakobo nu folets a, bivia Yesu kī, “Boe ɔlate, awe kī bɔve fi butomena ode fɔyaawola be?”

LV Lemε Yesu dani ekā be anε ele kī, “Minyina Hūhū a kī ye bade miane! Yī Otidziwa Obi a ntáya kī mayaawola bati, mbom iya kī maate be nkpā.”

LVI Foesū Yesu mɔ ye fɔtsa bakolene a tē benaa akula bebā kame.

Bati Badi Wε Kī Batomō Yesu.

LVII Kī betsé banaa a, onyole odi bi Yesu kī, “Maatomɔ nɔ nnaa kako nye kako kī aanaa.”

LVIII Ade Yesu bi ye kī, “Kulikii deī fudzikō, kɔvɔlabi lɛmɛ deī fɔtsɔɛ, lɛmɛ Otidziwa Obi a lɛlá awā kī yate lolɔ malo.”

LIX Ebi oti bebā kī, “Tomɔ yī.”

Lɛmɛ oti a lɛ kī, “Boe ɔlate, maatomɔ nɔ, lɛmɛ fō nnaabila nda tō.”

LX Ade Yesu bi ye kī, “Fɔnɛ bikī belá Baguma nkpā mɔawɛ a bibila be banɔkpa. Nɔ kō naa kanaade letsā nɛ Baguma legākanyakō a akū.”

LXI Oti bebā kō lɛ kī, “Boe ɔlate, maatomɔ nɔ, lɛmɛ fō nnaakla yī kɔla bati tō.”

LXII Ade ke Yesu bi ye kī, “Oti kī ɛdzɛ yapupu, mɔ yadani kadā liti ni, ɛtáfeta ɛkpa Baguma legākanyakō adzuma a.”

X

Yesu Do Fɔtsa Bakɔlɛnɛ Adueson-nviā Fɔtɔ.

I Fukī liti a, boe ɔlate pau bati aduesɔũ-nviā bebā, ade edo be nviā nviā kī benya lotɔ benaa temato mɔ tukula a kī ye mɔawɛ yaatsā te kame a kame.

II Ade ebi be kī, “Fudutsa a kī míave a pɔnɛ lɛmɛ adzuma bakenanɛ a lɛpónɛ. Mibɔa mpɛ mikpa kɔba ɔlate a kī edo adzuma bakenanɛ pii beyaave fudutsa a.

III Minaa! Mado mi fɔtɔ ndɛ bavelibi nɛ kulikii kame.

IV Mitabɔɛ sika kuvū, ñye osi katsā fuvū, ñye mpabua mile, ade mitafō midza nɛ osi kī miawōna odima a.

V “Nte miwo toto tidi kame ni, minya lotɔ mile kī, ‘Lukudo lɛya nɛ toto kī kame.’

^{VI} Nte oti kī yawe lukudo deñ ne awã ni, mifõ mi lukudo a litomõ ye. Leme nte odima lelãa ni, mi nhila a aamuniki eya ne mi sekẽ.

^{VII} Mina ne toto moape a kame, minya mimõa letsa nye letsa a kī bekpa mi. Kitonekī adzuma okenane odi nye odi sī kotokase. Mitatu ne toto moa kame minaa toto bebã kame.

^{VIII} “Nte miwo omato odi kame mo bete mi ni, minya letsa nye letsa a kī bekpa mi.

^{IX} Mitsa basone ne omato a kame lokoa mibi bati a kī, ‘Baguma legākanya loko a fuã mi.’

^X Leme nte miwo omato odi kame mo betate mi ni, midzakū minaa ye toblonu akū lokoa mile kī,

^{XI} ‘Bokpa mi omato kudu a ne boe aboa buko ne mi akū. Leme mite ane kī Baguma legākanya loko a fuã mi!’

^{XII} Ade mabi mi pipiipi kī ne bati kadzemena luwi a akū ni, Baguma aamo Sodom omato a konya eba omato a na!

Temato Tidi Kī Tisĩ Kale a.

^{XIII} “Bõbõe makpa no Korasin omato, bõbõe makpa no Betsaida omato a leme! Nte Tiro mo Sidon temato a kame nkena awãwã fotsa ni, kufe bidzi ne tite, bisua fumakū akū, betsela bato kõkõe, bekõa betsa kī bedani towõle kame.

^{XIV} Baguma aamo Tiro mo Sidon konya ne kadzemena luwi a akū eba mi.

^{XV} Ade no Kapernaum omato! Kawe õwe kī adela no akū ne ode? Baakena no ne kayõ onaa kanõkpade!”

^{XVI} Yesu bi ye fotsa bakõlene a kī, “Odi nye odi kī yatse mi kale ni, ade yĩ yatse a. Odi nye odi kī

esĩ mi ni, ade yĩ esĩ a. Ade ke odi nye odi kĩ esĩ yĩ ni, esĩ Baguma a kĩ edo yĩ foto a leme.”

Bati Adueson-nviã a Muniki Beya Ne Yesu Sekẽ.

^{XVII} Bati adueson-nviã a muniki beya mo kawole beyale kĩ, “Boe Olate, hũhũ kpa malo tse boe nte buwũni ne be akũ ne no dĩ akũ.”

^{XVIII} Yesu bi be kĩ, “Mmó Abonsam nde odetó kame kamõane aye kĩ eto ode eyato.

^{XIX} Mitse! Nkpa mi kobẽ ayekĩ miapuli misuma boe mo kokpõna, ade miãnya Okesĩne a kobẽ akũ kĩ letsama lelãakena mi a.

^{XX} Leme kawole ketade mi kĩ hũhũ kpa tse mi kale, mbom mimo kawole kĩ betsele mi buĩ biyi ne ode.”

Yesu Mu Baguma.

^{XXI} Ne loko a na kame a, Hũhũ Kpalawa a kawole wo ne Yesu kame ade ele kĩ, “Yĩ Olega, tite mo ode Olate, manye no kole kitonekĩ fotsa a kĩ bekõa bekõla kadi banyine mo tuvoli banyine a, onye foe otsa bikĩ binyina tuvoli nde babisẽ aye. Oo, Nda, ade aye koũ õwe kĩ fõna a.”

^{XXII} Yesu buki ele kĩ, “Nda koa letsa nye letsa edo ne yĩ awe. Odima linyina oti a kĩ Baguma Obi a ane mbõente Olega a odi keĩ. Ade aye odima leme linyina oti a kĩ Olega a ane, mbõente Obi odi mo bikĩ Obi aawe kĩ yanye Olega etsa a.”

^{XXIII} Ade Yesu dani ebi ye fotsa bakõlene a odi boee kĩ, “Leme mi kõ Baguma hila mi! Mi ane amo ade mi ato leme anu foko a.

^{XXIV} Mabi mi kĩ Baguma onukpẽ banyene pii mo fogã we kĩ bamo letsa a kĩ mimó finyaa, leme

betápuli bemó, ade bewε kī banu letsa a kī mianu a, lemε betánu foe.”

*Yesu Bi Be Kale Ne Samariani Seme Kale
Ɔkenane Odi Akū.*

^{XXV} Luwi a, Yudani mbla ɔtsane a odi ya kī yaso Yesu edã. Evia ye kī, “Fɔtsa Ɔtsane, litsa kene kī nkena nna nkpã a kī elá kawūna a?”

^{XXVI} Yesu kpa mbuaye kī, “Litsa Katsɛle Kpalɛwa a lɛ? Nde onu foe kayɔ?”

^{XXVII} Onyole a kpa mbuaye kī, “Wε nɔ Ɔlate, nɔ Baguma kale mɔ nɔ ɔwɔle flee, nɔ ɔkla flee nɔ kɔbɛ flee mɔ nɔ kakɔna flee, kawε nɔ ɔkɔba kale nde ayekī awε nɔ mɔawε akū a.”

^{XXVIII} Yesu bi ye kī, “Ɔlɛ ɔnɔkɔali. Kena fukīl lokɔa aana nkpã.”

^{XXIX} Lemε mbla ɔtsane kīl wε kī yakpa ye akū ɔtɔbɛ, foesū evia Yesu kī, “Owei nye yī ɔkɔba?”

^{XXX} Yesu kpa mbuaye kī, “Luwi a, onyole odi to Yerusalem yanaa Yeriko ɔmato kame, ade bayekpane napi ye ne osi a. Bibo ye beyɛle ye akū tetadie, ade befone ye awε biyi ne wuda mɔ nkpã kayite a. ^{XXXI} Fɔyaya kī ɔsofo odi yatsã ne osi a na akū yatɛ, lemε kī emɔ oti kīl a etsã ɔwɛ etɛ.

^{XXXII} Ade ayea Levini lemε yatɛ a. Efuã enadã onyole a, ade ye malo etsã ɔwɛ etɛ a.

^{XXXIII} Lemε Samariani odi kī etsɛ osi a akū yamɔ oti a. Kī emɔ oti a, ye akū kɔ ye kɔnya.

^{XXXIV} Efuã ye ade ekɔa kugua mɔ bave eko ne ye fɔkpa kame esui foe a. Ade ebɔɛ onyole a ete ne ye mɔawε ɔyae akū, ekɔa ye enamena banɔvɔɛ kasekɔ ade edã ye akū a. ^{XXXV} Kī kade nyina a, enye sika ekpa kasekɔ a akū ɔdãmenane

a ebi ye kī, ‘Dā ye akū. Nte mmuniki matē ni maase nɔ letsa nyɛ letsa a kī aabuki obula kade ne ye akū a kɔtɔ.’ ”

^{XXXVI} Ade Yesu wūna evia ye kī, “Ne nɔ kakɔna onukpē ni, bati elale kīi kame a, ɔwɔdabe lenye ye tɔkoba kakena etsa oti a kī ewo ne bayekpane awe kame a?”

^{XXXVII} Ade mbla ɔtsane a kpa mbuaye kī, “Oti a kī emɔ ye kɔnya a.” Yesu bi ye kī, “Kekɔ nɔ malo naa kanaakena foe lomɔ.”

Yesu Nasɛla Marta Mɔ Maria.

^{XXXVIII} Luwi a, Yesu mɔ ye fɔtsa bakɔlene a tsē ne osi ade benawo akula adi kame a. Osole odi kī bave Marta te ye ne ye toto kame.

^{XXXIX} Marta deī ɔwaētsole kī bave Maria. Edzi ne boe ɔlate ɔwē ekatse ye fɔtsa katsa.

^{XL} Fɔha Marta kī toto kame adzuma ko ne ye odi akū, foesū enabi Yesu kī, “Boe ɔlate, fɔtsɛla nɔ akū kī nwaē kɔa toto kame tudzuma a flee eko ne yī odi akū? Bi ye ɛyaabumena yī!”

^{XLI} Ade boe ɔlate kpa mbuaye kī, “O Marta! Dā, aha nɔ akū ne fɔtsa pii akū,

^{XLII} lemɛ letsa mɔape lisī. Maria nyɛ letsa wī a kī beláate ne ye awe.”

XI

Yesu Tsa Fɔtsa Ne Mpaɛ Kabɔa Akū.

^I Luwi a, Yesu kabɔa mpaɛ ne kako kadi. Kī eyua a, ye fɔtsa bakɔlene a kame ɔmɔa bi ye kī, “Boe ɔlate, tsa boe mpaɛ kabɔa ndɛ ayekī Yohanes tsa ye fɔtsa bakɔlene a.”

^{II} Yesu bi be kī, “Nte miabɔa mpaɛ ni, mile kī, ‘Boe ɔlega,

fɔ̃ bekpale no dī akū.

No legākanya a keya.

Bekena ne no kawε akū,
ne tite akū ndε ayekī bakena ne ode a.

III Kpa boe luwi nye luwi funitsā a kī fusī boe a

IV Kɔa boe tɔkpa kate boe
kitonekī boe malo bɔakɔa odi nye odi tɔkpa
kī ekena ne boe akū a kate.

Tafɔ̃ buwo ne sɔhuisse kame,
mbom nye boe katomena tɔkpa kame.’ ”

V Ade Yesu bi ye fɔtsa bakɔlene a kī, “Mibɔε foe
kī mi kame odi naa ɔkɔba sekē mɔ lenye kayite
enabi ye kī, ‘Ɔkɔba, ve abodoo fɔbɔ elale kakpa
yī,

VI kitonekī yī ɔkɔba odi to osi mɔ lugo akū
eyase yī finyaakī, ade nlá funitsā fudima kī
makpa ye a!’

VII “Bɔε foe kī no ɔkɔba a né ne kɔla kame ekpa
mbuaye kī, ‘Taha yī kɔlaa! Ndo kɔla safi ade
bɔmɔ yī babi bɔwa kɔkɔε. Nlápuli mbuki ñyidza
mbɔε letsama nkpa no finyaa.’

VIII Mabi mi kī nte ne be tɔkɔba kakena sū
ni, eláayidza. Lemε ne ayekī edzēmena opunu
kabɔa sū ni, yaayidza ekpa ye letsa nye letsa kī
lisī ye a.

IX “Foesū mabi mi kī mivia fɔtsa lɔkɔa baakpa
mi, miwe lɔkɔa míamɔ foe, mibɔa opunu lɔkɔa
baabinya bekpapa mi.

X Kitonekī odi nye odi kī ewā fɔtsa ni, yaana
foe. Odi nye odi kī ewε litsedi ni, yaamɔ de, ade
odi nye odi kī yabɔa opunu ni, baabinya bekpapa
ye.

XI “Mi kame ɔwɔdabe kī enye obilega, aakɔa kɔe ekpa obi nte evia ye kafɔabi?”

XII Īye ekɔa kakpɔna ekpa ye nte evia ye ɔkɔko lige?

XIII Tito kī minye tɔkpa bakenane malo ni, minyina ayekī miate mi babi fɔtsa wī. Nde fɔaya mɔ boe ɔlega ne ode leláakɔa ye Hūhū Kpalɛwa a ekpa bikī baavia ye a!”

Bati Badi Tɛ Atsindze Nɛ Yesu Kɔbɛ Akū.

XIV Luwi a, Yesu kablɔmena hūhū kpa kī yaále kɔdzɛla etomena odi kame. Kī hūhū kpa a ne a, oti a yi kɔdzɛla kalɛ kayɔ. Fukī kɛna bati a kī bedza ne awā a wāwā.

XV Lemɛ bati a badī lɛ kī, “Hūhū kpa legā a kī bave Beelzebul a lekpa ye kɔbɛ ekɔa eblɔmena hūhū kpa a.”

XVI Ade badi lemɛ wɛ kī basɔ Yesu bedā, foesū bibi ye kī ekɛna awāwā fɔtsa ekɔa etsa kī Baguma sekɛ eto.

XVII Lemɛ Yesu nyi letsa a kī bekakɔna a, foesū ebi be kī, “ɔmaĩ kī esɛ ne kutsu kutsu kame, mɔ lɛma né ne ye kame ni, ɔmaĩ a na aawɔ. Ade aye toto nye toto kī te kame bati sɛ be akū ni, tayalɛ.

XVIII Foesū nte Abonsam legākanyakɔ a sɛ ne kutsu kutsu kame mɔ banɔ akū lɛma ni, nde kanyakɔ a na aapuli kedza? Mialɛ kī mablɔmena hūhū kpa kitonekī Beelzebul lekpa yī kɔbɛ sū.

XIX Nte aye mablɔmena hūhū kpa a ni, nde bikī bitomɔ mi a ablɔmena hūhū kpa? Mi mɔawɛ bati a nye mi kayɔ betsa kī fɔvā miama.

XX Oowo! Mbom Baguma kɔbɛ akū fɔtsɛ mɔ mablɔmena hūhū kpa, foesū fukī atsa yedede kī Baguma legākanya a wo mi sekɛ kɔkɔɛ.

XXI “Nte odi kī edeĩ kóbě dzi akpadza, edzi yadzole ye toto ni, enyina kī ye akū fotsa waa pεpεεpε.

XXII Leme nte odi kī edeĩ kóbě ebě ye yano mo ye enya ye akū ni, yafila ye kawūkanɔ fotsa a kī ete ane ne foe akū a esě fotsa a kī ete a.

XXIII “Odi nye odi kī enyé yī ode ni, edzě ne yī akū paa, ade odi nye odi kī yaábumo yī bokpota ni, fotsa elamena kayale paa.”

Hūhū Kpa Kamuniki Kaya.

XXIV “Nte hūhū kpa né ne oti kame ni yanaatsā kamini ne foko wolewa kawε kasekō. Nte etána kasekō ni, yabi ye akū kī, ‘Maamuniki nnaa yī toto a kī te kame nné nto a kame.’

XXV Foesū yamuniki kanaamo kī beyo toto a kame bemanε letsa nye letsa pεpεεpε.

XXVI Lokoa yamuniki kanaawe hūhū kpa evūkono kī bideĩ ablo bebě ye kabumo ye akū bayaadzi ne awā. Nte foya lomɔ a, oti a kadzi kame abu kade kaba ayekī fona ne kayokayi a.”

Yesu Tsa Fotsa Ne Kawole Wī a Akū.

XXVII Kī Yesu kale foletsa kī a, otsole odi boa fowola ne bati kodabu a kame ele kī, “Baguma hila otsole a kī ema no, mo leme a kī de omeme a!”

XXVIII Leme Yesu kpa mbuaye kī, “Mbom bihila bikī batse Baguma kale, kī bakena ne ke akū leme a!”

Yesu Sī Kī Yaákεna Awāwā Fotsa Etsa.

XXIX Kī bati kodabu a boa opim ne Yesu akū a, ele enaa loto kī, “Nviā babi nye bati kpa paa! Bawe nsentseleni fotsa bemó leme beláamo

fudima keba Baguma Onukpẽ Jnyene Yona fude a.

^{XXX} Nde ayekĩ Yona nya nsentseleni ekpa Ninivefo a, ade aye Otidziwa Obi a leme aanya nsentseleni nkpa nviã babi a.

^{XXXI} Ne Kadze Luwi a akũ ni, Seba Legãtsole a aayidza edza ekõ nviã babi koto kitonekĩ eto ye tite akũ ne kakõ mo lugo enatse Legã Salomo kadikanyi fotsa katsa a, leme mabi mi kĩ odi kĩ ebẽ Salomo deĩ ne awĩ.

^{XXXII} Ninivefo leme aayidza beko mi koto ne Kadze Luwi a akũ, kitonekĩ bedani towole kame lokõ a kĩ Yona bi be Baguma kale a. Leme mabi mi kĩ odi kĩ ebẽ Yona deĩ ne mi kame ne awĩ.

Yesu Tsa Letsa a Kĩ Lakpale Oti Akũ.

^{XXXIII} “Odima látena osedza kakõla ye ãye kakõa looda kasua ye. Mbom bakõa ye kate ne osedza otse akũ ayekĩ nte bati awo ne toto kame ni, baamo fokõ yededeede.

^{XXXIV} Oti banebi kena nde osedza ekpa ye kutitse. Nte no ane amo kamo wĩ ni, no kutitse a flee deĩ ne ohaĩ kame. Leme nte no ane lenéne ni, no kutitse a flee aana ne otũ kame.

^{XXXV} Foesũ dã kadã wĩ lokõa ohaĩ a kĩ edeĩ ne no kame a etadani ekena otũ.

^{XXXVI} Nte no akũ flee kena haĩ mo no kakõma lelãa otũ kame ni, no akũ flee aakpale nde ayekĩ osedza ako ne fotsa akũ kakkpale foe a.”

Yesu Kã Farisifo Mo Mbla Batsane Ane.

^{XXXVII} Kĩ Yesu yua kodzela a, Farisini odi tselamo ye kĩ eyaanya ne ye sekẽ. Foesũ enaa awã ene edzi kĩ yanya.

XXXVIII Fòkena Farisini a wāwā kī emò kī Yesu távole awe nde ayekī mbla tsa a fomò eyi kanya kayo.

XXXIX Foesū boe ɔlate bi ye kī, “Finyaa ni, mi Farisifo miavole mi tokoo pu mɔ fɔdaɛ liti, lɛmɛ anɛngbā mɔ ablo yi mi kame tetɛtɛ.

XL Bakɔasia! Nnɛ Baguma a kī ekɛna fɔtsa fomɛde a lekɛna kanya fude a lɛmɛ mbɔɛɛ?

XLI Mikɔa fɔtsa a kī fudei nɛ tokoo pu mɔ fɔdaɛ kame a mikpa ahiāfo lokɔa mi letsa nye letsa akū aakpale nɛ Baguma anɛ.

XLII “Bɔbɔɛ makpa mi Farisifo! Miakɔa tenyɛ kumɛkumɛ kī tabɔa mɔ ɔlɛ mɔ ɔlɛ a te katsu kawuade kakpa Baguma, lɛmɛ misī ɔtɔbɛ kakpa bati ade miáwe Baguma kale lɛmɛ a. Ade fukīi bamɛ kɛnɛ kī miakɛna mibumɔ foe nkaɛ a.

XLIII “Bɔbɔɛ makpa mi Farisifo! Miawe banokɔɛ fudzikɔ nɛ mi katsɛnakɔ ade miawe kī bati bɛwɔna mi mɔ obu nɛ kɔya a.

XLIV “Bɔbɔɛ makpa mi! Mila nde funi kī betáyi foe ɔsū, kī bati tsɛ nɛ foe akū nɛ katanyi kame.”

XLV Nɛ awā naa Yudafo mbla batsanɛ a kamɛ ɔmɔa bi ye kī, “Fɔtsa ɔtsanɛ, nte ɔlɛ fukīi ni, ovūna boe malo.”

XLVI Yesu kpa mbuaye kī, “Bɔbɔɛ makpa mi mbla batsanɛ a lɛmɛ. Milóla bati fɔlɔtsa kī foe kalo deí ɔlomɛ, lɛmɛ mi mɔawe miáyo awe kī miábumɔ be fɔtsa a kalo.

XLVII “Bɔbɔɛ makpa mi paa kitonɛkī mike funi mɔkale mikpa Baguma onukpɛ banyɛnɛ a. Ade Baguma onukpɛ banyɛnɛ a kī mi bawanyɔ kɔ a.

XLVIII Mi mɔawe a mitunɔ kī letsa a kī mi bawanyɔ kɛna a nɛnɛ. Bekɔ Baguma onukpɛ banyɛnɛ a ade mi mike be funi a.

XLIX Ne fukĩ sũ Baguma ne ye kadikanyi kame le kĩ, 'Maado Yĩ onukpẽ banyene mo foto banyane ne be sekẽ. Baako badi, bitomo babebã leme liti.'

L Foesũ baavele nviã bati soto ne Baguma onukpẽ banyene flee a kĩ beko, kito ane katinya kayokayi a.

LI Kito Abel kako kenawo Zakaria kĩ beko ne afolibõ atenyene mo kako kpalewa kayite a. Nuwĩ paa kĩ, baavele nviã babi soto ne fukĩ flee sũ!

LII "Bõbõe makpa mi mbla batsane a. Kitonekĩ mikõla safi a kĩ sabinya kadikanyi kõla a. Mi moawe misĩ kĩ miáwo ne koe kame ade miasua bikĩ babõa mbõdi kĩ bawo a leme osi!"

LIII Kĩ Yesu dzakũ ne awã a, Farisifo mo Yudafõ mbla batsane yi fõletsã kavele kayõ mo Yesu mo osĩ mo osĩ, ade bekavia ye fõletsã ne fõtsã pii akũ,

LIV bekabõa mbõdi kanaĩ kĩ bapi ye ne ye kodzela kale kame a.

XII

Kõde Ne Ane Kame Keke Odi Fõkelatsã Akũ.

I Bati mpim mpim yakpõta limii kĩ bekasumini akũ malo. Yesu nya lotõ ebi ye fõtsã bakõlene a kĩ, "Midã kadã wĩ paa ne Farisifo oyila fõtsã a kĩ fõnye ane kame keke fõtsã katsã a akũ.

II Letsã nye letsã kĩ bisua bido ni, baanye de kanya, ade fõletsã kõlawa fudi nye fudi ni, bati aanu foe.

III Foesũ kale nye kale kĩ bele ne otũ kame ni, baanũ ke mo suwa ketee ade kale kĩ biwusa mido ne odi soto kame ni, baade letsã ne ke akũ.

Mivila Baguma, Nnẽ Otidziwa.

IV “Nwaẽ ame, mabi mi kĩ mitavila bikĩ baako sukena leme ke liti beláapuli bekena letsama foba foe.

V Maatsa mi oti a kĩ kene kĩ miavila. Mivila Baguma a kĩ nte ekó bati eyua edeĩ kobẽ kĩ yaata be edo ne fi kĩ foadĩ kame. Mite yĩ mido, ade ye nye oti kĩ kene kĩ miavila a.

VI Nné kaple nviã bano funitatae elo? Leme Baguma lálèla kamóape malo.

VII Mi loló toló malo bekã te flee, foesũ mitavila, kitonekĩ mite koya mibẽ funitatae beblebee.

Midza Ne Kristo Liti Pintii.

VIII “Mabi mi yededeede kĩ odi nye odi kĩ ele ne bati ane kĩ enye yĩ ode ni, Otidziwa Obi leme aakena lomó ekpa ye ne ode foto banyane a ane.

IX Leme odi nye odi kĩ esĩ yĩ ne bati ane ni, Otidziwa Obi leme aasĩ ye ne ode foto banyane a ane.

X Odi nye odi kĩ yaale kale kadi etia Otidziwa Obi ni, baakoa bite ye, leme odi nye odi kĩ yaale fubusuotsa ne Hũhũ Kpalawa akũ ni, beláakoa bite ye da.

XI “Foesũ nte bekpã mi banaadzemo mi ne Yudafó katsenakõ, ãye abãã banokõ ane ãye fogã ane ni, mitaha akũ ne ayekĩ miapili mi loló ãye letsa a kĩ míale a akũ.

XII Kitonekĩ Hũhũ Kpalawa aatsa mi letsa a kĩ míale ne loko a kame.”

Legbã Ne Osikani Okoasia Odi Akũ.

XIII Onyole odi ne bati kodabu a kame bi Yesu kĩ, “Fotsa Otsane, bi nwaẽnyole efõ bosẽ boe olega adzapadie a kĩ ekoa eyi boe a.”

XIV Ade ke Yesu kpa ye mbuaye kī, “Nwaē, owei lekpa yī osi kī ndze mi foletsā ñye nsē adzapadiē nkpa mi bati nviā kī?”

XV Ade ebi be flee kī, “Midā kadā wī, lokoa mipi mi akū ne anengbā akū, kitonekī oti nkpā lelāa akū fotsa kame.”

XVI Ade Yesu boā be legbā ele kī, “Luwi a, osikani odi kī edzi tō na tite kī yanye funitsā wī ne te kame.

XVII Ele ne ye kame kī, ‘Nlā awā kī mako yī funitsā kī flee. Litsa maapuli nkēna?’

XVIII “Ebi ye akū kī, ‘Ade fukī maakēna a. Maapansam yī tepata lokoa nke tebaūbaū awā kī maateē yī fugbanō mō yī fotsa bebā flee.

XIX Lokoa maabi yī okla kī, “Ōna lolō wī paa. Odeī fotsa wī kī flee kī fōakpā nō ne futeli pii kame. Dzi kaweya, kanya, kamoa, kamō kawole.” ’

XX “Leme Baguma bi ye kī, ‘Ōkoasia! Lenye mōape kī baate nō nkpā ne nō awe, lokoa owei aanya fotsa a kī omane oyi okpa nō akū a?’ ”

XXI Ade Yesu wūna ele kī, “Ade aye fōla fōkpa bikī a kī bemanē fotsa pii bekpa be akū leme betáte kōya ne Baguma ane a.”

Mite Anē Ne Baguma Akū.

XXII Ke liti a, Yesu bi ye fotsa bakolene a kī, “Foesū mabi mi kī mitaha akū ne letsā a kī mīanya midzi nkpā, ñye letsā a kī mīasua akū a akū.

XXIII Minyi kī nkpā te kōya eba funitsā, ade kutitse leme te kōya kōba tilima a.

XXIV Midā anande, yaádu funitsā ade yaákpota funitsā leme a. Elá oli ñye funitsā kakokō leme

Baguma adɔɔla ye. Mi kɔ̃ mite kɔya kolaa miba kɔvɔlabi.

XXV Mi kame owei aapuli ekɔa luwi moa ete ne ye nkpã fuwi akũ nte eti eha ye akũ bo aye malo?

XXVI Nte ɔláapuli ɔkena letsama ne fɔtsa kabii kĩ akũ ni, nde sũ aha nɔ akũ ne fɔtsa bebã akũ?

XXVII “Midã ayekĩ flawasi abo ane. Fɔákena adzuma ade fɔáno tilima kakpa foe akũ a. Leme mabi mi kĩ Legã Salomo mo ye akũ kana fɔtsa a flee malo táhehe fɔle kadã nde nhuile kĩ kame fomɔa.

XXVIII Baguma akεεle lupu kame tuwĩ. Tuwĩ adza nviã, kunya tiku, lokɔa bipila te. Nde sũ Baguma leláadã kĩ ekpa mi letsa a kĩ míasua akũ eba tuwĩ a? Mi katekado adã kabii koũ!

XXIX Foesũ mitakaha akũ kolaa, mitakabu lolɔ kame luwi daa ne letsa a kĩ míanya mo likĩ míamɔa akũ.

XXX Kitonekĩ bikĩ betáte Baguma bido a, ade be adzi kabu lolɔ kame ne fukĩ bame odu akũ a. Mi ɔlega nyina kĩ misĩ fɔtsa kĩ flee.

XXXI Mbom miwe Baguma legãkanyakɔ̃ a akũ osi lokɔa yaakpa mi fɔtsa kĩ flee leme.

Mite Anε Ne Ode Legãkanya Fɔtsa Akũ.

XXXII “Mi sukuloo a kĩ mitomo yĩ a, mitavila, kitonekĩ fɔnye Baguma kawε kĩ yaakpa mi fudzikɔ̃ ne ye legãkanyakɔ̃ a kame.

XXXIII Minɔ mi akũ kana fɔtsa mikɔa foe sika a mite ahiãfɔ. Minɔ sika fuvulumu a kĩ foláakpeli a mikpa mi akũ, lokɔa mikɔla mi akũ kana fɔtsa ne ode legãkanyakɔ̃ a. Awã naa, foe akũ leláatinya kitonekĩ oyekpane leláapuli eta foe ade lupuka lidima leme leláapuli libula foe kade a.

XXXIV Kitonekĩ awã kĩ nɔ akũ kana fɔtsa sīwa deĩ ni, ade awã nɔ ɔwɔle leme aana a.

Mina Ne Kukũmanε Kame.

XXXV “Mina ne kukũmanε kame mikpa letsa nye letsa kĩ laaya, mido tetadie mikpa adzuma kakena lɔkɔa mifɔ̃ mi tesedza tekaatẽ,

XXXVI nde basumunε kĩ bidzi badzɔle be ɔlate kamuniki kato obolitsɔ̃ kapikɔ̃ kaya. Nte eyabɔa opunu ni baabinya bekpa ye moatse.

XXXVII Kawɔle aade basumunε nte be ɔlate a yamɔ kĩ bemanε akũ bidzi badzɔle ye kaya. Mabi mi kĩ yaakɔa ye lima efili ne kate, efɔ̃ bidzi lɔkɔa esẽ funitsã ekpa be benya.

XXXVIII Kawɔle aade bikĩ baana ne kukũmanε kame titiliwu nte eya ne lenye kayite iye odeny-inawi.

XXXIX Ade minyina kĩ nte toto ɔlate a enyi lɔkɔ a kĩ oyekpanε aya ni, kufe eláakpa ye osi ebubuli ye kɔla ewo.

XL Ade ayea kene kĩ mi malo mina ne kukũmanε kame a, kitonekĩ Otidziwa Obi aaya ne lɔkɔ a kĩ miláate anε a kame.”

Osumunε Kĩ Yadi ɔnɔkɔali Mɔ Ekĩ Yaádi ɔnɔkɔali.

XLI Ade Petro via Yesu kĩ, “Boe ɔlate, boe odi ɔbɔa legbã kĩ ɔkpa mbɔεε kĩ latamɔ odi nye odi?”

XLII Yesu kpa mbuaye kĩ, “Owei nye osumunε ɔnɔkɔalini mɔ kadi onyine? Ade ye nye ekĩ ye ɔlate kɔa edzela kĩ ekaadã toto akũ, ekpa basumunε bebã a funitsã ne lɔkɔ wĩ akũ.

XLIII Kawɔle aade osumunε a kĩ ye ɔlate ayamɔ ye kĩ elamena fukĩ kakena!

XLIV Ɔnokɔali, mabi mi kī Ɔlate a aakɔa osumunɛ kīi edzela nɛ ye fɔtsa a kī edeī flee a onukpɛ.

XLV Lemɛ ntɛ osumunɛ a bi ye akū kī, ‘Yī ɔlate buna owi nɛ osi akū.’ mɔ eyi ye bakɔba basumunɛ batsole mɔ banyole kabo kayɔ, kanya pɔtɔɔ, kamɔa bave kawuga lemɛ ni,

XLVI ye ɔlate ayafuta ye luwi mɔa nɛ lɔkɔ a kī etáte anɛ iye eláanyi kamɛ. Ɔlate a aavele ye sɔtɔ mɔ ɔsī mɔ ɔsī ndɛ bikī bideī atɔ ɔsī aye.

XLVII “Osumunɛ a kī enyina ye adzuma kī ye ɔlate kpa ye lemɛ etámanɛ akū ekpa foe kakena ni, yaate sɔtɔ kavele mɔ ɔsī paa.

XLVIII Lemɛ osumunɛ kī enyína letsa kī ye ɔlate awe, lemɛ ekena letsa kī a lefeta sɔtɔ kavele ni, baavele ye sɔtɔ sukuloo. Oti kī bekɔa fɔtsa pii bido nɛ ye awe ni, baavia foe pii bitomena ye awe. Ade oti kī bekɔa fɔtsa pii kī fublusu bido nɛ ye awe ni, baavia foe pii kī fublusu bitomena ye awe.

Bati Aasɛ Be Akū Nɛ Yesu Sū.

XLIX “Nkɔa kadani vɔɛ kī fɔnyɛ fi iyaatena nɛ katinya kamɛ ade nwe kī kufe fi a fuyi katɛ kayɔ kɔkɔɛ a.

L Ndeī mui kawɔla lubo kamɔ adi kī maate ade ke fɔakaha yī ɔwɔle flee kɛnaawo luwi a kī lubo kamɔ a atɛ nɛ yī akū a.

LI Miakɔna kī lukudɔ nkɔa iyamɛna nɛ katinya kamɛ mbɔɛɛ? Oowo! Nnɛ lukudɔ mbom ɔdze mɔ kasɛ iyamɛna.

LII Kito finyaa kanaa a, totɔ kī bati elo deī nɛ te kamɛ ni, kasɛ aaya nɛ be kamɛ. Be elale ayidza

bedza ne be nviã akũ ade be nviã aayidza bedza ne be elale akũ a.

LIII Babilęga aayidza bedza ne be babinyole akũ, ade babinyole aayidza bedza ne be balęga akũ a. Babima aayidza bedza ne be babitsole akũ ade babitsole aayidza bedza ne be bama akũ a. Nyina ame aayidza bedza ne be babi batsõ akũ ade babi batsõ aayidza bedza ne be nyina ame akũ a.”

Miyi Łokɔ a Ɔsũ.

LIV Yesu buki ebi bati a kĩ, “Nte mimó kĩ oni dza ne suwa katomukõ ni miale kĩ oni aako, ade yako leme a.

LV Ade ke nte mimó kĩ ɔwe boã eto kayɔ semake ni, miale kĩ ovio ya, ade foaya lomɔ a.

LVI Mi ane kame keke fotsa bakenane, miapuli kadã tite mɔ odetó kame kamɔ kale letsa a kĩ laaya. Nde sũ miápuli minye nviã lokɔ kĩ kayɔ?

Kena Ɖmɔ Mɔ Nɔ Okesĩne.

LVII “Nde sũ miápuli mike otse mikpa mi akũ ne letsa wĩ a kĩ kene kĩ mikena akũ?

LVIII Nte odi boe kale ne nɔ akũ ni, tsã osi nye osi akũ mimɔ ye mile foe fomɔ yanaadza ne foletsa kadzekõ. Nte nné aye ni yaavele nɔ ema foletsa ɔdzenę ade ye malo yaakɔa nɔ ekpa polisifo benaado nɔ ne kola a.

LIX Mabi nɔ kĩ ade awã aana flee kenaawo lokɔ a kĩ ose kɔtɔ a flee oyua a.”

XIII

Nte Mitádani Tɔwɔle Kame Ni, Míaku.

^I 1 Loko a na kame a, bati badi yakpa Yesu kanyi ki Pilato ko Galileafɔ badi ne loko a ki bekaboa afolie ne Asoli Kola kame ne Yerusalem.

^{II} Yesu kpa mbuaye ki, “Mikona ki Galileafɔ a ki beko a tenɛ titikpa kakena kaba Galileafɔ bebã flee a sũ?”

^{III} Oowo, nné aye kolaa! Mabi mi ki nte mitádani towɔle kame ni, mi a flee miaku nde be aye.

^{IV} Nde nye bati ewua-alẽ a ki Siloam kola gɛlɛɛɛ veli koko be a? Mikona ki be nye titikpa bakenane beba bikĩ ne Yerusalem flee a?

^V Oowo! Nné aye folaa kolaa! Mabi mi ki nte mitádani towɔle kame ni, miaku nde be aye.”

Legbã Ne Atɔ Kutse Kĩ Kɔ́awũ Akũ.

^{VI} Ade Yesu boa be legbã ɛɛ ki, “Loko lidi onyole odi du atɔ kutse ne ye koba kame. Ekasela kadã nte yaana atɔ babi ne koe akũ lɛmɛ etána badima.

^{VII} Ade ke ebi ekĩ yadãmena koba akũ ki, ‘Dã! Ade futeli ɛlale moa flee ki maya ne awĩ kayaawe kutse kĩĩ babi lɛmɛ maámɔ badima. Tsua koe kamuni. Nde sũ kɔadza kɔkabula tite a kade?’

^{VIII} “Lɛmɛ koba akũ ɔdãmenane a kpa mbuaye ki, ‘Ɔnɔkɔẽ, fĩ kɔdza, kpa yĩ kateli moa kabu. Maatu nsinya koe lokɔa nko fɔtsa a ki fɔakpa koe tite kanɔ.

^{IX} Nte kuwũ atɔ babi kateliva ni, kekɔ fɔnɛnɛ. Lɛmɛ nte kɔtawũ babi ni, aapuli ɔfɔ bitsua koe bimuni.’ ”

Yesu Tsa Otsole Odi Kĩ Eveliveli Ne Kaweya Luwi Akũ.

X Ne Kaweya Luwi lidi akū ni, Yesu katsa fōtsa ne Yudafō katsenakō kadi.

XI Otsole odi kī hūhū kpa do ye fōso mō akū futeli ewua-alē flee na ne awā. Fōso a fō ekūūkū ebuki yaápuli eyo akū kpī.

XII Kī Yesu mō ye a ενε ye ebi ye kī, “Boe oma, benye nō ne fōso kame!”

XIII Yesu kōa awe ete ne ye akū. Letaleta otsole a puli eyo akū kpī ade ke emu Baguma a.

XIV Orokōē a kī yadāmena Yudafō katsenakō a na kalokpa paa kī Yesu tsa osonε ne Kaweya Luwi akū, foesū ebi bati a kī, “Fuwi evū deī kī foe kame kenε kī bokena adzuma. Foesū miya ne fuwi kī kame betsa mi fōso, lemε nné ne Kaweya Luwi a akū!”

XV Boe Olate kpa ye mbuaye kī, “Mi anε kame keke fōtsa bakenanε, mianye mi bayae tōwē banaamōa mui ne Kaweya Luwi akū.

XVI Finyaakī amō Abraham kasinu kame obi kī Abonsam do ye fōso mō akū futeli ewua-alē flee. Fonéne kī banye ye ne tōwē kame ne Kaweya Luwi a akū?”

XVII Mbuaye a kī Yesu kpa a fō konyōā wo ye bakesīne a, lemε kawole de bati a ne awāwā fōtsa flee a kī ekena a sū.

Yesu Kōa Ode Legākanyakō a Ekōnamō Kutse Libi Kabii Lidi.

XVIII Ade Yesu via kī, “Nde Baguma legākanyakō a la? Litsa maakōa nkōnamō de?”

XIX Fōla nde fudutsa libi kabii ki onyole odi bōε enadu ne ye kōba. Libi a mε libo anε lekēna

kutse, ade kɔvɔlabi yakena fɔtsɔɛ nɛ koe tenane kame a.”

Yesu Kɔa Ode Legãkanyakõ a Ekɔnamɔ Oyila Fɔtsa.

XX Yesu buki evia kī, “Litsa maakɔa Baguma legãkanyakõ a nkɔnamɔ?

XXI Fɔla ndɛ ayekī otsole kɔa oyila fɔtsa etseka nɛ bodobodo onuvoe baũ kame, fɔna flee kenawo kī evuya puu.”

Onyukpẽ Kī Etása.

XXII Lɔkɔ a kī Yesu anaa Yerusalem a, enatsã tematɔ mɔ tukula kame ekatsa bati fɔtsa.

XXIII Ade odi via ye kī, “Boe ɔlate, mbɔɛɛ bati sukuloo aana kate?”

Yesu kpa ye mbuaye kī,

XXIV “Bɔa mbɔdi katsã onyukpẽ a kī etása a kame kawo, kitonekī bati pii abɔa mbɔdi kī bawo leme beláapuli.

XXV Kɔla ɔlate a aayidza eyaabale kola a, ade nte midza nɛ kanya mikabɔa opunu kale kī, ‘Boe ɔlate, binya kakpa boe ni.’

“ɔlate a aakpa mbuaye kī, ‘Ínyína mi mɔ awã kī mito!’

XXVI “Ade ke míale kī, ‘Bɔmɔ nɔ lenya bɔmɔa ade ɔtsa fɔtsa nɛ boe ɔmatɔ kame leme a!’

XXVII “Leme yaakpa mbuaye kī, ‘Ínyína awã kī mito! Midzakũ nɛ yĩ ɔwẽ, mi tɔkpa bakenane.’

XXVIII “Awã naa, kabe kadi kī míabe, miba adõ nte mimó Abraham, Isak mɔ Yakob mɔ Baguma onyukpẽ banyene a flee nɛ ode legãkanyakõ a kame, leme mi kã beblɔmena mi kī mitawo.

XXIX Bati aato suwa kadekõ mɔ suwa kato-mukõ, kayɔ mɔ nyangɛ beyaanya bɛmɔa nɛ ode lɛgākanyakõ a.

XXX Ade bati a kī bekpa liti finyaa a, badi aadani batɔnyade, ade bikī benyaa lotɔ finyaa a, badi aadani liti bakpanɛ.”

Yesu Deĩ Ɔɔɔ Ekpa Yerusalem.

XXXI Nɛ lokɔ a na kame a, Farisifo badi yabi Yesu kī, “Wɛ sɔwa kadzakū nɛ awī kī kanaanako bebā, kitonekī lɛgā Herodes wɛ kī yaako nɔ.”

XXXII Ade ke Yesu bi be kī, “Minaabi kalikii a kī, ‘Nviā mɔ kunya flee maakablɔmena hūhū kpa, maatsa fɔsɔ lɛmɛ, ade nɛ luwi lɛlalɛde a akū ni, maayua yī adzuma.’

XXXIII Lɛmɛ kenɛ kī mpi osi, nviā, kunya mɔ kukunya, kitonekī fɔtáfeta kī bako Baguma onukpɛ ɔnyɛnɛ nɛ kakɔma keba Yerusalem.

XXXIV “Yerusalem, Yerusalem! Nɔ bati kɔ Baguma onukpɛ banyɛnɛ a ade betalɛ bikī Baguma do nɛ nɔ sekɛ a boe beko be a. Titi eni ntáwɛ kī makpɔta nɔ babi ndɛ ayekī ɔkɔkɔbima api ye babi kado nɛ ye fupoki kayɔ, lɛmɛ ɔtákpá yī osi.

XXXV Nɛ foesū finyaa nɔ Asɔli Kɔla aawaa luto. Ade mabi mi kī miláabuki mimó yī kenaawo lokɔ a kī míalɛ kī, ‘Baguma hila ekī yaya nɛ boe Ɔlate dī akū a!’ ”

XIV

Yesu Tsa Ɔsɔnɛ Odi Nɛ Nɛ Kawɛya Luwi Akū.

I Ne Kaweya Luwi lidi akū ni, kī Yesu naanya ne Farisifo onokoẽ odi awã a, bati a ko ane bekadã ye.

II Onyole odi kī ye akpo mo aboa wumi dzi ne ye ane kame.

III Ade ke Yesu via Farisifo mo mbla batsane a kī, “Boe mbla kpa osi kī betsa oti ne Kaweya Luwi akū mboee kī etákpa osi?”

IV Leme bisĩ betákpa ye mbuaye. Ade Yesu ta oti a etsa ye, enye ye osi edzakū a.

V Ade edani ebi be kī, “Nte mi kame odi obi iye onantsue to mui leke ne Kaweya Luwi akū ni, miáwe sowa kanaanye ye ne leke a kame?”

VI Leme betápuli bekpa ye foe mbuaye.

Yesu Fɔtsa Katsa Ne Akū Kadɔla Mo Seme Kale Kakena Akū.

VII Kī Yesu mó ayekī bati a kī beve ne kanyakõ kawãne banokoẽ fudzikõ a, eboa be legbã kī kī,

VIII “Nte odi ve no ne obolitsõ kapikõ ni, tanaadzi ne banokoẽ kadzikõ, kitonekĩ fɔapuli fɔya kī eve odi kī edeĩ obu ebẽ no,

IX lokoa oti a kī eve mi bati nviã ayabi no kī, ‘Koa no lukpo kakpa oti kī’ ade ke aakoa konyoã oyidza onaadzi ne kako nkae a.

X Mbom nte beve no ne kako kadi ni, naadzi ne kako a kī ketáte koya, ayekĩ nte ekĩ eve no a yamo no ni, yaabi no kī, ‘Okoba, yidza kanaadzi ne awã kī kete koya a.’ Awã naa bati bebã flee a kī beve a aakoa obu bekpa no,

XI kitonekĩ odi nye odi kī edela ye akū ne ode ni, baakena ye ne kayo, ade odi nye odi kī edola ye akū ni, baadela ye ne ode!”

XII Ade Yesu bi oti a kī etselamɔ ye ne kanyakō a kī, “Nte ote opunu ɔkpa bati ni, tave nɔ bakɔba, awaē ame, nɔ kɔla babi ĩye nɔ badzi kɔba a kī bideĩ akū a, ayekī baave nɔ malo ɔnaanya ne be sekē bise kɔtɔ.

XIII Mbom nte ate opunu ni, ve ahiãfɔ, bikī bene lekpe, bikī biveliveli mɔ banekune.

XIV Fukĩ aafō Baguma lihila nɔ kusekuse, kitionekī beláapuli bise nɔ foe kɔtɔ. Leme Baguma aase nɔ kɔtɔ ne luwi a kī bati wĩ aayidza bito kanɔkpa a.”

Legbã Ne Ode Opunu Kpale Kate Akū.

XV Kī bati a kī bidzi ne opunu akū bekanya kame ɔmɔa nu fɔletsa a kī Yesu le a, ebi ye kī, “Kawɔle aade bati a kī baadzi ne opunu akū ne ode legākanyakō a.”

XVI Yesu bi ye kī, “Luwi a onyole odi te opunu eve bati beblebee.

XVII Kī kanya loko wo ɔtɔ a edo ye osumune kī enaave bikī etselamena a kī, ‘Miya. Buyua Letsa nye letsa!’ ”

XVIII “Leme bati a kī etselamena a flee kame odi nye odi nye onukpē. Oti ɔtonyade bi osumune a kī, ‘Nnaya tite finyaa, foesū kene kī nnaadā te, make nɔ aduli nláapuli ĩya.’

XIX “Oti bebã leme le kī, ‘Īya banantsue ewua, kī kene kī nkpã be nnaaso be ndã nte baapuli bekena adzuma kakena wĩ. Make nɔ aduli, nláapuli ĩya.’

XX “Oti bebã leme le kī, ‘Wɔadzɔ nkɔã ɔtsɔ, foesū nláapuli ĩya.’

XXI “Osumune a muniki enabi ye ɔlate letsa a kī leya a flee. Awã naa ɔlate a na kalɔkpa paa ade

ebi ye osumune a kī, ‘We sowa kanaa toblonu mo fola fuyite ne omato a kame, kakkpā ahiāfo, lekpe banene, banekune mo bikī biveliveli a kayamena.’

XXII “Owi tábuna mo osumune a yabi ye kī, ‘Yi olate nkena ne no olado akū, leme fudzikō buki fute.’

XXIII “Ade ke olate a bi ye kī, ‘Naa toblonu mo fusikū akū ne tukula kame, kabi be kī beya ayekī kola a kame aayi.’

XXIV Mabi mi a flee kī, bikī be ñnya loto nve a kame odima leláata yī funitsā a onukpē!’ ”

Kode Ne Fotsa Okolene Lubokamo Akū.

XXV Luwi a, kī bati kodabu tomo Yesu a, edani ebi be kī,

XXVI “Nte odi ya ne yī sekē, mo yawe ye olaga, oma, otsō, babi, bawaēnyole mo bawaētsole, mo ye moawe akū kale kaba yī ni, eláapuli enya yī fotsa okolene.

XXVII Odi nye odi kī etáboe ye asendua elo etomo yī ni, eláapuli enya yī fotsa okolene.

XXVIII “Nte mi kame odi awe kī yake kola baū kudi ni, yaánya loto kadzi kabu kola a kake akū akunta kadā, kamo nte yaana sika epuli eke kola a ewūna?

XXIX Nte etákena foe lomo ni, eláapuli eyua kola a tito kī eke kayokayi futekū malo. Ade ke bati flee a kī bamo foe a aadi ye nsekuo bele kī,

XXX ‘Oti kīi yi kola kake kayo leme etápuli eke koe ewūna.’

XXXI “Nte legā lidi aaboe kawū ne legā bebā akū ni, yaanya loto edzi ekona foe akū edā nte

yaapuli ekɔa sodzafɔ mpim ewua enya legã bebã a kī lideĩ sodzafɔ mpim teya a akū.

XXXII Nte eláapuli ni, yaanya lotɔ edo batɔ ne legã kī a sekẽ ne lokɔ a kī betáfuã akū lokɔa ekpa lolɔ.”

XXXIII Yesu le ewūna kī, “Ade aye mi kame odima leláapuli enya yĩ fɔtsa okolene nte etáfone ye letsa nye letsa kī edeĩ awe a.

Fɔtsa Kī Fɔlá Nfasɔ Ni, Baata Foe Biwula.

XXXIV “Ledeme nene, leme nte leyela de omene ni, osi odima leláa kī aatsã ye akū obuki odo de omene.

XXXV Lenéne lekpa nde tite kanɔ, ñye lekpa fukluku kawulakɔ malo. Kata bata de kawula.

“Okĩ edeĩ ato ni, etse katse wĩ!”

XV

Bemó Kuveli a Kī Kɔyela a.

I Luwi a, togole batene mɔ tokpa bakenane bebã ya ne Yesu sekẽ beyaatse ye fɔletsã.

II Ne awã naa, Farisifɔ mɔ mbla batsane a kakena hūhūhūhū kale kī, “Oti kī atɛ tokpa bakenane ade yado awe kanya mɔ be malo a!”

III Foesū Yesu boã be legbã kī kī,

IV “Nte mi kame odi omɔa deĩ baveli oha mɔ kɔmɔa yela ne be kame a, litsa yaakena? Yaafone baveli aduekrɔũ-ewedi a ne kanyakɔ a enaatsã ewe kukĩ kɔyela a kenaawo kī emɔ koe.

V Nte emɔ koe a, yaamɔ kawole paa lokɔa ebɔe koe ete ne lobɔtee eyamena ne kɔla.

VI Ade yaave ye bakɔba mɔ banune ebi be kī, ‘Kawɔle de yī kī mmó yī kuveli a kī koyela a, foesū mifō bómó kawɔle!’

VII Mabi mi kī ade aye baamɔ kawɔle ne ode legākanyakō a ne oti mɔa kī edani ɔwɔle kame akū, keba bati aduekrɔū-evedi kī be akū kpale kī betásī ɔwɔle kame kadani.

Bemó Sika Ovoe a Kī Seyela a.

VIII “Nte otsole odi deī sika ovoe babi ewua mɔ eyela libi mɔa ni, litsa yaakena? Yaatena ɔsedza eyɔ kola kame edā kako nye kako yededeede kenawo kī emɔ sika libi a.

IX Nte emɔ de a, yaave ye bakɔba mɔ banune ekpɔta ebi be kī, ‘Kawɔle de yī paa kitonekī mmó yī sika libi a kī leyela a. Mifō bómó kawɔle!’

X Mabi mi kī ade aye Baguma ode foto banyane aamɔ kawɔle ne tɔkpa ɔkenane mɔa kī edani ɔwɔle kame akū a.”

Obinyole a Kī Eyela a Muniki Eya.

XI Yesu le enaa lɔto kī, “Onyole odi na babinyole nviã.

XII Ade obisēde a bi ɔlega kī, ‘Papa, kɔa adzapadiɛ a kī yaanya yī kanyakō a kakpa yī finyaa.’ Foesū onyole a sē ye adzapadiɛ kame ekpa ye babinyole nviã a.

XIII “Ne fuwi fudi liti ni, obisēde a no ye kanyakō fɔtsa a flee ade edzakū mɔ foe sika a. Enaa katide mɔ lugo enabula sika a kade ne nkpã basabasa kadzi kame.

XIV Ebula letsa nye letsa kī edeī a kade. Ke liti a kole kudi ne ne tite a na flee akū ade ohiã pi ye a.

XV Ne foesũ enaa onyole odi ne tite a akũ sekẽ kĩ yanaakena adzuma ekpa ye. Onyole a kpa ye baplakuo akũ kadãmena ne ye koba.

XVI Ne kɔle sũ ewe kĩ yanya funitsã a kĩ bekako baplakuo a fudi leme odima tákpa ye letsama.

XVII “Ne ke kawũna a, eyamɔ ye akũ eyi ɔsũ, ade ele kĩ, ‘Bati a kĩ nda bɔe bakena tudzuma a ana kanya kawĩ ɔtɔɔ fɔate malo. Amɔ yĩ dzi ne awĩ kɔle ayua yĩ kako.

XVIII Maayidza nnaa nda sekẽ nnaabi ye kĩ, “Papa, nkena tɔkpa ne Baguma mɔ nɔ akũ.

XIX Ntáfeta kĩ abuki ɔve yĩ kĩ nɔ obi, mbom kɔa yĩ kakena nde nɔ tudzuma bakenanɛ a kame ɔmɔa.” ’

XX Foesũ eyidza epi osi yanaa ɔlega sekẽ.

“ɔlega mɔ ye mɔ lugo kĩ yaya. Obi akũ kɔ ye kɔnya ade ewula atse enatu eboomu ye a.

XXI “Ade ke obi a bi ye kĩ, ‘Papa, nkena tɔkpa ne Baguma mɔ nɔ akũ. Ntáfeta kĩ abuki ɔve yĩ kĩ nɔ obi.’

XXII “Leme ɔlega a ve ye basumune a ebi be kĩ, ‘Miwe sɔwa mibɔe tetadie kĩ tenene paa mido ye. Mido ye lipetia ne lawobi mɔ mpabua ne abɔa.

XXIII Ke liti ni, minaanye ɔnantsue kĩ edoli paa miko, lɔkɔa bɔnya bɔmɔ kawɔle.

XXIV Kitonekĩ bɔbɔe foe kĩ yĩ obi kĩ ku leme finyaakĩ edzi nkpã. Eyela leme bemó ye.’ Foesũ biyi luwi a kanya kayɔ.

XXV “Ne lɔkɔ kĩ kame a, obinyolenɔkɔẽ a na ne koba. Kĩ eto yade, efuã tɔtɔ kame a, enu tɔnɔ mɔ kuto nkã.

XXVI Foesũ eve basumune a kame ɔmɔa evia ye kĩ, ‘Litsa lámɔ kaya ne tɔtɔ kame?’

XXVII “Osumune a kpa ye mbuaye kī, ‘Awaē muniki eya ne ɔto ade ke aga fō beko ɔnantsue doliwa a, kitonekī emuniki eya mo akū ɔsī.’

XXVIII “Tuwūna ba ɔnokōēde a, ade esī kī yaáwo ne toto kame, foesū ɔlega naa ye sekē enake ye aduli kī ewo eya ne toto kame.

XXIX Leme obi bi ɔlega kī, ‘Dā, nkena adzuma nde ɔsate ne futeli pii kī kame nkpa nɔ, kī ntáyidza ndza ne nɔ akū da. Ade ɔtákpá tō yī midi katukpabi malo kī nkɔ bɔmɔ yī bakɔba bɔmó kawɔle a.

XXX Leme nɔ obi kī nabula nɔ akū kana fɔtsa flee kade ne adɔpaafɔ akū ade kī emuniki eya ni, ɔko ɔnantsue doliwa akpa ye!’

XXXI “Awā naa, ɔlega bi ye kī, ‘Yī obi, odeī ne yī sekē luwi daa, ade letsa nye letsa kī ndeī a, nɔ lide lanɛ.

XXXII Leme kene kī bɔanya luwi bɔmó kawɔle, kitonekī bɔbɔe foe kī awaē kī ku leme finyaa edzi nkpā, eyela leme bɔmó ye.’ ”

XVI

Fɔtsa Katsa Ne Akū ɔdāmenane ɔnyansāni Odi Akū.

I Yesu bi ye fɔtsa bakɔlene a kī, “Osikani odi na adzuma ɔkenane kī edzi ne ye tudzuma onukpē. Bati yabi osikani a kī ye tudzuma onukpē ɔdzane a abula ye sika kade.

II Foesū osikani a ve tudzuma onukpē ɔdzane a evia ye kī, ‘Litsa fɔletsá manu kī bale ne nɔ akū a? Kena akunta yededeede ne ayekī ɔneɛ yī tudzuma akū, kitonekī ɔláapuli obuki ɔnya yī fɔtsa akū ɔdāmenane.’

III “Ade ke tudzuma akũ ɔdāmenanɛ a bi ye akũ kī, ‘Yī ɔlate aablomɛna yī nɛ adzuma kamɛ. Litsa maakɛna? Nlā kɔbɛ kī maatu tɔbɔnkam ade ke kɔnyɔã ako yī mɔ fɔtsa kawã lemɛ a.

IV Ahãã! Ìnyina letsa a kī maakɛna. Ntɛ adzuma né nɛ yī awɛ ni, maana bakɔba kī baate yī mɔ kawɔlɛ nɛ be awã!’

V “Foesũ evɛ bati a kī bidzimɔ ye ɔlate fɔtɔ a. Evia ɔtonyade a kī, ‘Ani odzimɔ yī ɔlate?’

VI “Ekī edzimɔ kɔtɔ a kpa mbuayɛ kī, ‘Bõ tekantsi oha.’

“Ade tudzuma akũ ɔdāmenanɛ a bi ye kī, ‘Amɔ nɔ akunta nɛ awĩ. Kɛna akũ kadzi katsɛlɛ aduenum.’

VII “Ade evia ɔbebã lemɛ kī, ‘Nɔ malo ani odzimɛna?’

“Kɔtɔ odzimɛnanɛ a lɛ kī, ‘Fugbanɔ fuvũ baũbaũ oha mɔa.’

“Oti a kī edzɛ nɛ tudzuma onukpɛ a bi ye kī, ‘Amɔ nɔ akunta nɛ awĩ. Tsɛlɛ aduesɔũ kayi.’

VIII “Nɛ fukĩ sũ ɔlate a mu ye tudzuma ɔdāmenanɛ a nɛ nyansã tɛdake tisi a kī ɛbɔɛ a sũ. Ɔnɔkɔali ni, katinya kamɛ bati deĩ nyansã tisi nɛ be fɔtsakɛlawa kamɛ bebɛ bikĩ batse Baguma kalɛ a.”

IX Ade Yesu lɛ ɛnaa lɔtɔ kī, “Mikɔa katinya kamɛ akũ kana fɔtsa mikɛna tɔkɔba, ayekĩ ntɛ fuwoli ni, baate mi nɛ daa nkpã ɔtɔ a kamɛ.

X “Odi nyɛ odi kī edi oni nɛ fɔtsa kabii akũ ni, yaadi fɔtsa baũ akũ oni. Ade ayea odi nyɛ odi kī ɛtádi oni nɛ fɔtsa kabii akũ ni, ɛládi fɔtsa baũ akũ oni lemɛ.

XI Ade nte mitádi katinya kame fotsa akū oni a, nde baapuli bekwa fotsa kī fote koya foba katinya kame fotsa bido ne mi awe?

XII Nte mitádi letsa a kī lenye oti bebā fude kī fote koya akū oni ni, owei aakwa litsedi kī laanya mi fude ekpa mi?

XIII “Osumune odima leláapuli esum balate nviã. Yaakesi omwa lokwa ewe oyade a kale. Iye yaakwa ye akū ekpa omwa lokwa ewele akū ne oyade a akū. Onokoali nye kī, oláapuli osum Baguma mo katinya kame fotsa.”

Yesu Tsa Fotsa Bebã.

XIV Kī Farisifo a nu foletsa a kī Yesu le a, benye ye ahīsem kitonekī sika bawene bane.

XV Yesu bi be kī, “Minye bati kī bakena be akū nde badã yedede ne bati bebã ane, leme Baguma nyina mi towole kame. Kitonekī fotsa a kī fote koya ne otidziwa ane a, fonye kowẽ fotsa ne Baguma ane.

XVI “Mose mbla mo Baguma onukpẽ banyene fotsa a kī betsele biyi a kena adzuma keyawo Yohanes Mui Owolane a loko. Kito ke a, bale Kale Wī a ne Baguma legākanyakõ a akū, ade odi nye odi lamena kapili kī yawo ne de kame.

XVII Leme foadã boxe kī tite mo ode aawo keba kī baafone foletsa kabiiwe awe ne mbla a kame.

XVIII “Onyole nye onyole kī esī otsõ, mo enakoã obebã ni, ebwa adopaa. Ade onyole kī ekõã otsole kī bisī ni, ye malo ebwa adopaa.

Yesu Le Kale Ne Osikani Odi Mo Lazaro Akū.

XIX “Osikani odi dzi nkpã. Ekahihie ye akũ ne tilima kĩ tete kɔya kame, ade ekanya nkpã menemenene luwi daa a.

XX Ohiãni odi lɛmɛ kĩ bavɛ Lazaro lɛmɛ dzi nkpã t̃õ. Fɔɔkpa né ne ye akũ flee ade bekabɔɛ ye kanaadzina ne osikani a kola onyukpẽ a.

XXI Ekakona kĩ yaana funitsã wuliwa a kĩ fɔato osikani opunu akũ kato ne tite a enya. Bakpete malo kayadzeme ye fɔɔkpa a kame.

XXII “Ohiãni a ku, ade ode fɔto banyane yabɔɛ ye benamena ode benadzina ne Abraham ɔwẽ a. Osikani a lɛmɛ yaku, ade ke bibila ye a.

XXIII Ne kanɔkpade awã kĩ ekamo lubo paa a, edzela ane emɔ Abraham mo lugo ne ode, mo Lazaro lɛmɛ kĩ edzi ne ye ɔwẽ.

XXIV Ade osikani a boa fɔwɔla evɛ ye kĩ, ‘Boe ɔlega Abraham! Mo yĩ konya kaf̃õ Lazaro edo lawobi ne mui kame eta ne yĩ semɛ akũ, ayekĩ fɔadɔla yĩ ɔmoado, kitonekĩ nlamena lubo kamɔ ne fi k̃ĩ kame!’

XXV “Lɛmɛ Abraham bi ye kĩ, ‘Yĩ obi, te ane kĩ bekpa nɔ fotsa wĩ flee ne nɔ nkpã kame, lɛmɛ Lazaro k̃õ ni, fotsa kpa nene ena. Lɛmɛ finyaak̃ĩ a, elamena kawɔle kamɔ, ade nɔ malo ɔlamena lubo kamɔ a.

XXVI Ade letsa kĩ lebẽ kolaa nye kĩ, lɛke dzu-nunuunu waa ne boe kayite, kĩ nte odi we kĩ yato awĩ enyina eya ne mi sekẽ ni, eláapuli. Ade ayea nte odi lɛmɛ we kĩ yato awã enyina eya ne boe sekẽ, eláapuli a.’

XXVII “Awã naa, osikani a bi ye kĩ, ‘Boe ɔlega Abraham, make nɔ aduli kĩ do Lazaro enaa nda toto kame,

XXVIII awã kī ndeĩ bawaeñnyole elo. Fõ enaaboa be kɔkɔ ayekĩ be malo beláayawo ne lubo kamɔ kīĩ kame.’

XXIX “Ade Abraham bi ye kī, ‘Awaẽ ame deĩ fɔletsã a kī Mose mɔ Baguma onukpẽ banyene a tsele biyi a. Kene kī bitse fɔletsã a kī bele a lokɔa bekena ne foe akũ.’

XXX “Osikani a kpa mbuaye kī, ‘Boe ɔlega Abraham, fɔláawĩ be! Leme nte odi aayidza eto kanɔkpa enaa be sekẽ ni, baadani be towɔle kame.’

XXXI “Leme Abraham bi ye kī, ‘Nte beláatse Mose mɔ Baguma onukpẽ banyene a fɔletsã ni, nte odi to kanɔkpa enaa be sekẽ malo a, beláate ye fɔletsã a bido.’ ”

XVII

Tafõ Odima Lekena Tɔkpa.

I Yesu bi ye fɔtsã bakɔlene a kī, “Fɔtsã a kī foe aafõ bati liwo ne tɔkpa kame a aaya kokooko, leme bɔbɔe makpa oti a kī ye akũ fɔatsã fɔya a!

II Fɔnene fɔkpa ye nte bekɔa kɔwɔle kpale bevela ye ne sɔmɔ beta bido ne mpo kame, keba kī yaafõ babisẽ kame ɔmɔa liwo ne tɔkpa kame.

III Foesũ midã kadã wĩ ne letsã a kī miakena a akũ.

“Nte awaẽ kena nɔ tɔkpa ni, kã ye ane. Nte etuno kī eku kɔto ni, kɔa kate ye.

IV Nte ekena tɔkpa ne nɔ akũ titi evũkono ne luwi mɔa kame mɔ lɔko nye lɔko eyabi nɔ kī eku kɔto ni, kene kī akɔa ote ye.”

Bivia Yesu Katekado Kɔbẽ.

V Fɔto banyane a bi Yesu kī, “Boe ɔlate, fɔ boe katekado kide ne ode kibu.”

VI Ade Yesu kpa mbuaye kī, “Nte odei katekado kī keponε lububu ndε kutse libi kabiiwe flee ni, aapuli obi kutse kī kī, ‘Bɔle mo tunu kanaadza ne mpo kame’ ade kɔatse no a.

Yesu Le Ayekī Osumune Wī Akena Adzuma.

VII “Mibɔe foe kī mi kame odi deī ɔpaani kī yadā no kɔba akū, iye ekī yadāmena no baveli akū, nte eto ede a, aabi ye kī ewe sɔwa eyadzi enya?

VIII Oowo! Mbom aabi ye kī, ‘Manε akū katɔ funitsā, kadza kasum yī, iɔnya, mmɔa iɔyua tɔ fomɔ no malo aanya.’

IX Osumune tāsī ekpa kɔlekanye nte ekena ne letsa a kī kene kī ekena akū. Mbɔee esī?

X Ade ayea fɔla fɔkpa mi a. Nte mikena letsa nye letsa a kī mbi mi kī mikena ni, mile kī, ‘Basumune odi bɔane, letsa a kī kene kī de bɔakena a, ade de bɔkena a.’ ”

Yesu Tsa Banyole Ewua Badi Fɔso Ngbā.

XI Kī Yesu anaa Yerusalem a, enatsā Samaria mo Galilea ɔbē akū.

XII Kī ekɔa yawo akula adi kame a, banyole ewua kī basɔ fɔso ngbā yatselamo ye.

XIII Bedza mo lugo ade bebɔa fɔwɔla kī, “Boe ɔlega Yesu, mo boe kɔnya!”

XIV Yesu dā be ade ebi be kī, “Minaa, minaakɔa mi akū mitsa basɔfo besela mi akū bedā.” Kī beyele banaa ne osi a, fɔso a wɔ ne be akū.

XV Kī be kame ɔmɔa mo kī fɔso a wɔ ne ye akū a, emuniki eya mo Baguma kamu mo fɔwɔla kɔɔba.

XVI Eyato ne Yesu aboa kame enye ye kole. Onyole kii nye Samariani.

XVII Yesu via ye ki, "Nne banyole ewua ntsa foso a? Nde be evedi nkae a?"

XVIII Nde su ononoe kii odi limuniki eyaanye Baguma kole?"

XIX Yesu bi ye ki, "Yidza kanaa. No katekado fo sae."

Yesu Le Ayekĩ Baguma Legākanyakō a Aana.

XX Farisifo badi via Yesu loko a ki de kame Baguma legākanya a aaya. Yesu kpa mbuaye ki, "Baguma legākanya a lelaaya ne osi a ki bati amo mo ane a."

XXI Odima lelale ki, 'Dã, amo foe ne awi' iye 'amo foe ne aki,' kitoneki Baguma legākanya a dei ne mi kame."

XXII Ke liti a ebi ye fotsa bakolene a ki, "Loko lidi aaya ki miawe ki miamo Yi Otidziwa Obi fuwi a kame lomoa leme milaamo de."

XXIII Bati badi aana, ade baabi mi ki, 'Midã ye ne aki!' iye 'Midã ye ne awi!' Leme mitatomo foe liti."

XXIV Kitoneki ayekĩ odetó kame amoane kato seke kii kanaa sikii a, ade aye Otidziwa Obi a kaya aana a."

XXV Leme kene ki enya loto emo lubo pii, ade nvia bati leme aasi ye a."

XXVI "Ayekĩ fona ne Noa loko a, ade aye fona ne Otidziwa Obi a kabuki kaya fuwi a kame a."

XXVII Bati flee kanya bekamoa, banyole mo batsole kakoã akũ, kenawo luwi a ki Noa de ewo ne okolo a kame, ade oni ko eyili foko ewola bati flee a."

XXVIII “Ade ayea fóna nde ayekĩ fóna ne Lot loko leme a. Bati kanya, bekamoa, bekanya koyaatō, kadu fotsa ade badi leme kake fola a.

XXIX Ade luwi a kĩ Lot né ne Sodom omato kame a, fi mo fukpokpo kĩ fudeĩ nfiã kpitii wula futo ode foyawola be a flee.

XXX “Ade aye fóna ne luwi a kĩ Otidziwa Obi a aane eta a.

XXXI Ne luwi a na, oti kĩ edeĩ ne kola ode etabuki eduma kĩ yanaafila ye akũ fotsa ne kola kame. Ade ayea odi kĩ edeĩ ne koba kame ni, etabuki emuniki enaa toto kame kĩ yanaaboe litsedi.

XXXII Mite ane ne letsa a kĩ leya ne Lot otsō akũ a!

XXXIII Odi nye odi kĩ ebōa mbodi kĩ yapili ye nkpã ni, yaayela ye, ade odi nye odi kĩ eyela ye nkpã ni yaana nkpã a bio.

XXXIV Luwi a lenye ni, mabi mi kĩ bati nviã aawa ne okena moa akũ, baaboe omoa bedzakumena loko befone oyade a biyi.

XXXV Batsole nviã aakawole onuvoe ne kowole akũ, baaboe omoa loko befone oyade a awe biyi.

XXXVI Banyole nviã aakakena adzuma ne koba. Baaboe omoa benamena, befone omoa biyi.”

XXXVII Ade fotsa bakolene a via ye kĩ, “Boe Olate, ne ndia?”

Yesu kpa mbuaye kĩ, “Awã kĩ fotsa kuwa waa ni, ade awã fopete akpota a.”

XVIII

Legbã Ne Okunawa Mo Foletsa Odzene Odi Akũ.

I Yesu boá ye fotsa bakolene a legbã lidi, ekóa yatsa be kĩ kene kĩ bekaaboa mpae loko nye loko, kĩ akpo etaveli be da.

II Ebi be kĩ, “Foletsa odzene odi na ne omato odi kame kĩ etávila Baguma iye ekóa obu ekpa odima leme.

III Okunawa odi leme na ne omato moape a kame, ade ekayake ye aduli kĩ, ‘Bumo yĩ kanye yĩ ne yĩ okesĩne awe kame.’

IV “Fote loko pii kĩ foletsa odzene a sĩ etákena letsama ne foe akũ. Leme ne ke kawũna kame a, ebi ye akũ kĩ, ‘Tito kĩ maávila Baguma ade maákóa obu kakpa otidziwa malo ni,

V ne ohau beblebee kĩ okunawa kĩ akpa yĩ sũ ni, maadã kĩ ena ye otobe. Nte ntákena lomo ni, yaakaya ne yĩ sekẽ loko eláfõ nna kaweya.’ ”

VI Ade boe Olate le ena loto kĩ, “Mitse letsa a kĩ foletsa odzene kĩ yaádi onokoli kĩ le.

VII Finyaakĩ a, miate kado kĩ Baguma leláadze ekpa ye bati a kĩ babe kave ye lenye mo suwa, kavia kabumena a otobe? Mbõee miate kado kĩ eláabumena be moatse?

VIII Mabi mi kĩ yaadze ekpa be otobe moatse. Leme nte Otidziwa Obi a ya ne katinya kame ni, yaamo kĩ bati deĩ katekado?”

Yesu Bõa Legbã Ne Farisini Mo Togole Otene Odi Akũ.

IX Yesu boá legbã kĩ ekpa bati a kĩ bete bido kĩ bekpale yedede ade basupa bati nkae a.

X Ebi be kĩ, “Luwi a, bati nviã badi naa Asoli Kola kame kĩ banaaboa mpae. Omõa nye Farisini, oyade a nye togole otene.

XI Farisini a kpě ye akũ enadza ebɔa mpae kī, ‘Baguma, manye no kɔle, kitonekī nlá anengbã. Maadi bati ablo ade maákɛna adɔpaa nde ayekī bati bebã akɛna a. Manye no kɔle lemɛ kī nlá nde togole ɔtene a kī edze ne akĩ a aye.

XII Masui onukpě fuwi nviã ne ekwansieda moa kame, ade makɔa letsa a kī mana a foe katsu kawuade a kakpa no a.’

XIII “Lemɛ togole ɔtene a dza mo lugo, ade etáwe kī yadzela ane edã ode malo a. Lemɛ ekɔa awe ebɔamo ɔwɔle ele kī, ‘Baguma, titikpa ɔkenane mane, mo yĩ kɔnya!’ ”

XIV Yesu bi be kī, “Mabi mi kī togole ɔtene a akũ lekpaɛ yedede ne Baguma ane kī emuniki enaa kɔla a, nné Farisini a. Kitonekī odi nye odi kī edela ye akũ ne ode ni, baakɛna ye ne kayɔ, ade odi nye odi kī edola ye akũ ni, baadela ye ne ode.”

Yesu Hila Babisě.

XV Bati badi kɔa be babi beyamena kī Yesu ete awe ne be akũ. Kī ye fɔtsa bakɔlene a mó fukĩ a, bekã be ane.

XVI Lemɛ Yesu ve babisě a eyamena ne ye sekě, ele kī, “Mifõ babisě beya ne yĩ sekě, mitasua be osi. Kitonekī bikĩ bame odu lá Baguma legãkanyakõ a.

XVII Mite fukĩ ane! Odi nye odi kī etáte Baguma legãkanyakõ a nde obisě aye ni eláapuli ewo ne de kame dadaada.”

Yesu Le Fɔletsɔ Ne Asikafo Mo Baguma Legãkanyakõ a Akũ.

XXIII Yudafɔ ɔnɔkɔẽ odi via Yesu kī, “Fɔtsa ɔtsane wī, litsa kene kī nkena fomɔ maana nkpa kī ela kawūna dadaada a?”

XXIV Ade Yesu via ye kī, “Nde sū ave yī oti wī? Odima lenyé oti wī, mbɔente Baguma mɔape.

XXV Onyina mbla a kī etsa kī, “Tabɔa adɔpaa, takɔ oti, taye, tama fɔvã ote ne odima akū, bu aga mɔ ama.”

XXVI Oti a kpa mbuaye kī, “Kito ane yī tibisẽ kame a, nkena ne tɛbla kī flee akū.”

XXVII Kī Yesu nu foe a, ebi ye kī, “Letsa mɔa te nɔ kakena. Naanɔ nɔ fɔtsa flee a kī odeĩ a kakɔa foe sika a kakpa ahiãfɔ, lokɔa aana akū kana fɔtsa ne ode. Ke liti muniki kayaatomɔ yī.”

XXVIII Leme kī onyole a nu fɔletsa a ewo ɔblo paa, kitonekī ena akū kana fɔtsa beblebee.

XXIX Yesu mɔ ayekī ewo ɔblo a, ade ele kī, “Fɔana ɔsĩ fɔkpa asikafɔ kī baapuli biwo ne Baguma legākanyakɔ a kame!

XXX Fɔadã bɔee kī ɔpɔnkɔ mɔ kapu aatsã ɔnɔbɔ ɔke kame ene, keba kī osikani aawo ne Baguma legākanyakɔ a kame.”

XXXI Ade bati a kī binu kale kī a via Yesu kī, “Kekɔ oweĩ koũ aana kate?”

XXXII Yesu kpa mbuaye kī, “Letsa a kī otidziwa leláapuli ekena dadaada ni, Baguma kɔ aapuli ekena.”

XXXIII Awã naa Petro bi Yesu kī, “Dã, bɔfɔne boe toto awe buyi boya butomɔ nɔ.”

XXXIV Yesu bi be kī, “Mafɔ minyi yededeede kī odi nye odi kī efɔne ye toto, ɔtsɔ ãye bawaẽ, ãye bamane ãye babi eyi ne Baguma legākanyakɔ a sū ni,

XXX baase ye fotsa kīi fublusu ne nviã katinya kīi kame mo nkpã kīi ela kawūna a ne kiki kaaya a kame.”

Yesu Buki Ele Kale Ne Ye Wuda Akū.

XXXI Yesu kpã ye fotsa bakolene ewua-nviã a enamena owẽ ade ebi be kīi, “Mitse! Banaa Yerusalem, awã kīi fotsa flee a kīi Baguma onukpẽ banyene tsele ne Otidziwa Obi akū biyi a, aaya ne foe kame.

XXXII Baakoa ye bido ne bikī benyẽ Yudafo awe, bidi ye nsekuo, bivūna ye, bitua tane biko ne ye akū.

XXXIII Baabo ye lokoa beko ye, leme ne luwi lelalede akū ni, yaabuki eyidza edzi nkpã.”

XXXIV Leme ye fotsa bakolene tanu foletsã kīi fudima kayo. Bekoa foe kayokanu bekola be, ade ke betanyi letsã a kīi de akū Yesu kale kodzela a.

Yesu Tsa Onekune Odi Kīi Ekawã Fotsa.

XXXV Kīi Yesu fuã Yeriko omato a, onekune odi dzi ne osi owẽ ekawã fotsa.

XXXVI Kīi enu bati kodabu nkã kīi batẽ a, evia kīi, “Litsã lamõ kaya?”

XXXVII Ade bibi ye kīi, “Yesu Nazaretni a leyaatẽ.”

XXXVIII Awã naa, ebõa fowõla koõba kīi, “Yesu, Legã Dawid Obi! Mo yī konya!”

XXXIX Bati a kīi benyaa loto a wūni ne ye akū kīi esua onukpẽ. Leme edane fowõla kabõa koõba kale kīi, “Legã Dawid Obi! Mo yī konya!”

XL Foesū Yesu fõ edza ade ele kīi bekpã onekune a bema ye a. Kīi ewo Yesu sekẽ a, evia ye kīi,

XLI “Litsã awe kīi nkena nkpa no?”

Ἐνεκυνε a akpa mbuaye kī, “Boe ɔlate, mawe kī mbuki mmó fòko.”

^{XLII} Ade Yesu bi ye kī, “Kekõ mɔ fòko. Nɔ katekado fõ ɔsae.”

^{XLIII} Deedimɔape epuli emɔ fòko ade ke etomɔ Yesu mɔ Baguma kɔle kanye a. Kī bati kɔdabu a mɔ fukī a, be flee bimu Baguma.

XIX

Yesu Nase Ne Zakeo Sekẽ.

^I Yesu nawo ne Yeriko ɔmato a kame, etsã ye kame etẽ.

^{II} Togole ɔtenenokõẽ osikani paa odi kī have Zakeo dzi ne awã.

^{III} Ekabɔa mbodi kī yamɔ Yesu enyi ye, lemẽ kī enye oti lukū sū, bati lidede fõ etápuli emɔ ye.

^{IV} Foesū ewula atse enya bati kɔdabu a lotɔ enade ne kutse gelele kudi kame ayekī yaamɔ Yesu kitonekī enyina kī yaatsã awã etẽ.

^V Kī Yesu wo kutse a kayɔ a, edzela ane emɔ Zakeo ade ene ye kī, “Zakeo, duma mɔatse, kene kī mase ne nɔ awã nviã.”

^{VI} Zakeo we sɔwa eduma ade eyate Yesu mɔ kawɔle a.

^{VII} Bati a flee kī bemó fukī a kena hūhūhūhū ne Yesu akū bele kī, “Oti kī nase ne titikpa ɔkenane toto kame.”

^{VIII} Zakeo yidza edza ebi boe ɔlate a kī, “Boe ɔlega, dā! Maakɔa yī akū fɔtsa seke mɔa nte ahiãfɔ, ade nte nsisi odi ni, maase ye foe titi ena kɔto.”

^{IX} Ade Yesu bi ye kī, “Nkpã kate ya ne toto kī kame nviã, kitonekī oti kī lemẽ nye Abraham kasinu a kame obi.

X Otidziwa Obi a ya kī yawε bikī beyela enye be lemε.”

Yesu Bɔa Legbā Ne Sika Akū.

XI Ade kī bati katse folets a kī Yesu kabi be a, εε enamena loto, εbɔa be legbā lidi. Loko kī a, efuā Yerusalem ade bati a kɔna kī Baguma legākanya a do kane kata awe a.

XII Foesū ebi be kī “Ne loko lidi kame ni, ɔnokɔε odi yidza kī yanaa tite tidi akū mɔlugo mɔlugo benaadzina ye legā. Ehihie eyi kī yaamuniki eya ne ɔto ne foe liti.

XIII Fɔmɔ yaapi osi a, εve ye basumune ewua ekpɔta ade ekpa be kame odi nye odi sika ngbā sɔmɔa sɔmɔa ebi be kī, ‘Mikɔa sika a minya kɔyaato mina kute ne yī liti.’

XIV “Lemε ye ɔto bati akesī ye foesū bido batɔ bitomɔ ye liti kī benaale kī, ‘Bɔáwe onyole kī kī enya boe legā.’

XV “Bidzina onyole a legā ade emuniki eya ne ɔto a. Kī eya a, εfɔ beve ye basumune a beyadzela ne ye anε kame kī yawε enyi kute a kī bena.

XVI “Osumune ɔtonyade a bi ye kī, ‘ɔnokɔε, nna sika a sɔmɔa sɔmɔa foe ewua nte ne sikī ɔkpa yī a akū.’

XVII “ɔnokɔε a kpa ye mbo εε kī, ‘ɔkena foe kakena wī! ɔnye osumune kī yadi ɔnokɔali! Ne ayekī odi ɔnokɔali ne fɔtsa kabii akū sū ni, maakena nɔ ɔnokɔε ne temato ewua akū.’

XVIII “Osumune ɔyade a lemε yale kī, ‘ɔnokɔε, nna sika sɔmɔa sɔmɔa foe elo nte ne sikī ɔkpa yī a akū!’

XIX “ɔnokɔε a bi ye kī, ‘Mbo, ɔkena foe kakena wī! Aanya ɔnokɔε ne temato elo akū!’

XX “Osumune olalede a yale kī, ‘Ɖnokōē, amo nɔ sika sɔmɔa kī ɔkɔa ɔkpa yī a. Nsui se ne limakū kame nkɔa nkɔla.

XXI Nvila nɔ kitonekī oti mɔ ɔsī odi ane. Abɔe fɔtsa a kī fɔnyé nɔ fude, ade ana fɔtsa a kī ɔtádu lɛmɛ a.’

XXII “Ade Ɖnokōē a bi ye kī, ‘Nɔ osumune kpa, maakɔa nɔ mɔawe onukpē kame kɔdzela kale nkɔ nɔ kɔtɔ. Onyina kī oti mɔ ɔsī mane kī mabɔe fɔtsa a kī fɔnyé yī fude, ade mana fɔtsa kī ntádu a.

XXIII Kī onyina lomɔ a, nde sū ɔtáɔa yī sika ɔnaado ne sika kakɔlakɔ kī nte mmuniki ĩya ni, maate se mɔ se akū kute?’

XXIV “Ade ebi bati a kī bedzē ne awā kī, ‘Mite sika sɔmɔa ne ye awe mikɔa mikpa osumune a kī ena sika sɔmɔa sɔmɔa ewua a.’

XXV “Lɛmɛ bati a bi ye kī, ‘Ɖnokōē, oti a na deĭ sika sɔmɔa sɔmɔa se ewua kɔkɔe!’

XXVI “Ade Ɖnokōē a kpa mbuaye kī, ‘Mabi mi kī odi nye odi kī edeĭ litsedi ni, ade ye baakɔa foe pii bibu a, lɛmɛ odi nye odi kī elá letsama a ni, foe kabii a kī edeĭ a malo baate foe ne ye awe.

XXVII Finyaa ni, mivele yī bakesīne a kī betáwe kī ĩnya be legā a miyamena ne awī, lɔkɔa mikɔ be ne yī ane kame.’ ”

Yesu Wo Ne Yerusalem Ɖmato Kame.

XXVIII Kī Yesu bi be fɔletsa kī eyua a, enya ye fɔtsa bakolene a lotɔ epi osi yanaa Yerusalem.

XXIX Kī efuā Betfage mɔ Betania temato a ne Kugua Futse Ɖtɔ ɔwē a, edo ye fɔtsa bakolene nviā enyamena lotɔ, ebi be kī,

XXX “Minaa ɔmato kabii a kī ewa ne mi lotɔ a kame. Nte miawo ne ye kame ni, míamɔ aflim

obi kī odima tādzi ne ye akū tō kī edeī ne ɔwē kame. Miwūnya ye lokoa mikoa miyamena ne awī.

XXXI Nte odi via mi kī litsa sū miawūnya ye ni, mibi ye kī, ‘Boe ɔlate sī ye.’ ”

XXXII Fɔtsa bakolene a naa ade bemó letsa nye letsa nde ayekī Yesu bi be a.

XXXIII Kī bekawūnya aflim obi a, ye balate via be kī, “Nde sū miawūnya ye?”

XXXIV Fɔtsa bakolene nviā a kpa mbuaye kī, “Boe ɔlate sī ye.”

XXXV Bekoa aflim obi a bema Yesu ade bedzele be tetadie wulaa biko ne ye akū bibumena Yesu ede edzi ne ye akū a.

XXXVI Kī edzi ne ye akū banaa a, bati dzele be tetadie biko ne tite.

XXXVII Kī Yesu fuā Yerusalem ne awā kī osi a ka eto Kugua Futse ɔto akū a, ye fɔtsa bakolene kodabu flee a yi kayo mo Baguma kole kanye, mo ye kahulu mo fowola kooa ne awāwā fɔtsa flee a kī bemó a sū.

XXXVIII Ade ke bele kī, “Baguma ehila Legā a kī laya ne Boe ɔlate dī akū! Lukudo lena ne ode, obu enya Baguma ne ode flefle fude!”

XXXIX Farisifo badi kī bideī ne bati kodabu a kame bi Yesu kī, “Fɔtsa ɔtsane, bi no fɔtsa bakolene a bisua onukpē!”

XL Yesu kpa be mbuaye kī, “Mabi mi kī nte bisua onukpē ni, boe ne osi ɔwē a moawe aayi fowola kaboa kayo.”

Yesu Be Ne Yerusalem Lolo.

XLI Kī Yesu fuā Yerusalem ekoa ane emo ɔmato kī a, ewula babe ne ye lolo.

XLII Ade ele kī, “Mawε kī nviã kīi malo ni, aanyi letsa a kī laakpa nɔ lukudo. Lemε finyaa kīi a, ɔláapuli ɔmó de!

XLIII Lɔkɔ lidi aya kī nɔ bakesīne aatsua bisinya nɔ ne seke nye seke.

XLIV Baawɔla nɔ mɔ bati a kī bideĩ ne nɔ kamε a, ade beláafone de lidima lewa ne de kawakɔ̃ malo a, kitonekī ɔtámɔ lɔkɔ a kī Baguma yate nɔ a oyi ɔsũ!”

Yesu Blɔmena Kɔyaatɔ Banyane Ne Asɔli Kɔla Kame.

XLV Kī Yesu nawo ne Asɔli Kɔla kame a, eyi kayɔ mɔ fɔtsa banone kablɔmena awe ne awã.

XLVI Ebi be kī, “Betsεle ne Katsεle Kpalεwa a kame kī Baguma le kī, ‘Baave yĩ asɔli kɔla kī mpae kabɔakɔ̃.’ Lemε mikɔa koe mikena bayekpane kabelakɔ̃!”

XLVII Luwi nye luwi ni, Yesu katsa fɔtsa ne Asɔli Kɔla a kame. Yudafɔ basɔfonokɔ̃, mbla batsane mɔ ɔmaĩ banokɔ̃ we kī bakɔ ye.

XLVIII Lemε betámɔ osi a kī ye akũ baatsã, kitonekī bati a flee dzemena ye fɔletsa kayaatse, ade betáwe kī ye kale kadima ketẽ ne be akũ a.

XX

Bati Vεle Fɔletsa Mɔ Yesu Ne Ye Otumi Akũ.

I Luwi a, kī Yesu na ne Asɔli Kɔla kame ekatsa fɔtsa, ekale Kale Wĩ a, Yudafɔ basɔfonokɔ̃, mbla batsane mɔ ɔmatɔ a banokɔ̃ ya ne awã.

II Ade bibi ye kī, “Bi boe osi a kī odeĩ fomɔ akena fɔtsa kīi bame a. Owei lekpa nɔ osi?”

III Yesu kpa mbuaye kī, “Mifõ ñnya loto nvia mi kale moa. Mibi yī,

IV Yohanes bati mui kawola amanie a ni, Baguma sekẽ futo mbøee kī bati sekẽ futo?”

V Ne awã a, biyi foletsa kavele mo be akũ kī, “Litsa bóale? Nte bóle kī futo Baguma sekẽ ni, yaavia kī, ‘Nde sũ mitáte Yohanes mido?’

VI Ade nte bóle kī bati sekẽ futo ni, bati kodabu a flee aano boe boe, kitonekī be flee bete bido kī Yohanes nye Baguma onukpẽ onyene.”

VII Ne foesũ bekpa mbuaye kī, “Bunyína awã kī futo.”

VIII Ade Yesu leme bi be kī, “Kekõ yī malo nláabi mi awã kī ntomena kobẽ nnee makena fotsa kī bamε.”

Yesu Bɔa Legbã Ne Apaafɔ Akũ.

IX Ade Yesu bɔa bati a legbã kī, “Loko lidi kame ni, onyole odi ne waĩ koba. Ekɔa koe edo ne apaafɔ awe enaa osi akũ, enadzi ne awã ebuna owi.

X Kī loko wo oto kī bana waĩ babi a, edo ye osumune odi kī enaate ye kanyakõ ne apaafɔ a sekẽ ema ye. Leme apaafɔ a bo osumune a, belola ye mo awe pupilidza.

XI Ne foesũ edo osumune bebã, leme apaafɔ a bo ye malo, bido ye konyɔã, ade benye ye osi mo awe pupilidza a.

XII Ade edo osumune olalɛde a. Apaafɔ a bo ye malo bipila ye ade beblomena ye a.

XIII “Koba olate a via ye akũ kī, ‘Litsa maakena? Maado yī obi kī maátuno kale ade mate kado kī baabu ye.’

XIV “Leme kī apaafɔ a mɔ obi a, bibi akū kī, ‘Ade kɔba ɔlate a obi ne awī a. Mifɔ bɔkɔ ye lɔkɔa ye adzapadiɛ ekɛna boe ade.’

XV Foesū bevele ye benemena ne kɔbā a kame ade beko ye a.”

Ade Yesu via be kī “Litsa mikɔna kī kɔba ɔlate a aakɛna apaafɔ a?

XVI Mabi mi kī yaayakɔ apaafɔ a na flee lɔkɔa ekɔa kɔba a edo ne apaafɔ bebā awe.”

Kī bati a nu fukī a, bele kī, “Kuse! Baguma lelāakpa osi fɔya ne foe kame lomɔ da!”

XVII Yesu ko anɛ edā be ade evia be kī, “Litsa Katsɛle Kpalewa a kame foletsatsa?

‘De a kī fola bakene sī a,

ade de ledani kɔla akū de titiliwu a!’

XVIII Odi nye odi kī yaatula etɔ ne de a na akū ni, yaaveliveli gblegblegble, ade ke odi nye odi kī de a na aatɔ ne ye akū ni, laanuna ye kpetekpetekpete.”

Yesu Le Kodzela Ne Ɖgole Kate Akū.

XIX Yudafɔ mbla batsanɛ a mɔ Yudafɔ basɔfɔnɔkɔɛ a bɔa mbodi kī bapi Yesu ne awā, kitonekī bemɔ biyi osū kī be sū mɔ ebɔa legbā a, leme bivila bati a.

XX Ne foesū bewɛ osi bebā kī ye akū baatsā bipi ye. Bekpa banyole badi sika kī bekɛna be akū ndɛ bati kī badi ɔnɔkɔali. Bido be kī benaanaī Yesu ne foletsatsa kavia katse kame, lɔkɔa bɛna osi bekɔa ye bido ne banɔkɔɛ, mɔ Roma abāā ɔnɔkɔɛ awe.

XXI Bikī banaī Yesu a ya ne ye sekɛ, bibi ye kī, “Fɔtsa Ɖtsanɛ, bunyina kī foletsatsa a kī ale mɔ fukī

atsa a nye ɔnɔkoali. Bunyina leme kī aádã oti ane, mbom atsa Baguma tisi a ne ɔnɔkoali kame.

XXII Finyaakī ni, bi boe nte boe mbla kpa osi kī buse ɔgɔle bɔkpa Romafɔ Legãnɔkɔẽ, mbɔɛ kī etákpa osi?”

XXIII Leme Yesu mó be tɛdake a eyi ɔsũ ade ebi be kī,

XXIV “Miyamena sika ovoe a sidi ndã. Owei lolɔ mo dī teĩ ne se akũ?”

XXV Bekpa mbuaye kī, “Legãnɔkɔẽ Kaisare fude fɔane.”

Yesu bi be kī, “Kekõ mikɔa fukī fɔnye Legãnɔkɔẽ fude a mikpa Legãnɔkɔẽ, ade mikɔa fukī fɔnye Baguma fude leme mikpa Baguma a.”

XXVI Ne bati kodabu a ane kame na a, betápuli bipi ye ne osi odima akũ, foesũ bisua be tunukpẽ ne Yesu mbuaye a kī ekena be wãwã sũ.

Yesu Le Kɔdzela Ne Banɔkpa Kabuki Kayidza Akũ.

XXVII Ade Zadukifɔ kī bale kī kayidza kato kanɔkpa lelãa a, ya ne Yesu sekẽ, bibi ye kī,

XXVIII “Fɔtsa ɔtsane, Mose tsele mbla ekpa boe kī, ‘Nte onyole odi ku efɔne ɔtsõ kī bemɔ ye betáma ni, onyole a ɔwaẽ ekɔã otsole a lokɔa bemɔ ye bema babi benya ekī eku a bade.’

XXIX Lokɔ lidi ni, bawaɛnyole evũkɔnɔ badi dzi nkpã. ɔnɔkɔẽde a kɔã ɔtsõ leme eku, kī betáma obi odima.

XXX ɔwaẽ ɔyade a mo ɔlaledede a leme kɔã okunawa, ade be malo biku kī betáma babi badima a.

XXXI Ade letsa moape a lekena bawaenyole evũkono a flee a. Be flee biku ne kĩ otsole a táma obi ekpa be kame odima.

XXXII Ne foe kawũna kame a, otsole a moawe yaku.

XXXIII Lokoa ne luwi a kĩ banokpa aabuki biyidza bidzi nkpã a ni, be kame owei otsõ yaanya, ne kĩ be evũkono a flee bekoã tõ ye a?"

XXXIV Yesu kpa be mbuaye kĩ, "Katinya kũ kame mó otsole mo onyole akoã akũ,

XXXV leme banyole mo batsole a kĩ bekpola kĩ baayidza bito kanokpa bidzi nkpã ne katinya kĩ kaaya a kame a ni, beláakoã batsõ iye bidzi fonyo.

XXXVI Baana nde ode foto banyane, ade beláabuki biku da a. Benye Baguma babi kitonekĩ biyidza bito kanokpa.

XXXVII Mose nye etsa yededeede ne Katsela Kpalawa a kame kĩ badzela banokpa babuki kadzi nkpã, kitonekĩ loko a kĩ edza ne kutse a kĩ kokatẽ ane kame a, eve Baguma kĩ Abraham Baguma Isak Baguma mo Yakob leme Baguma.

XXXVIII Fukĩ atsa kĩ enye bikĩ bidzi nkpã a Baguma, nné banokpa Baguma yane. Kitonekĩ ne Baguma sekẽ ni, be flee bidzi nkpã."

XXXIX Ne awã a Yudafo mbla batsane badi le kĩ. "Fotsa Otsane, okpa mbuaye kakpa wĩ paa!"

XL Ke liti odima tabuki edo owole evia ye kadima.

Owei Obi Nye Kristo a?

XLI Yesu via be kĩ, "Nde sũ bati ale kĩ Kristo a aanya Legã Dawid kasinu kame obi?"

XLII Ade Dawid moawe a le ne Tono Ovoli a kame ki,

'Boe Olate bi yi Olate ki,

"Dzi ne yi somona

XLIII kenaawo loko a ki nkoa no bakesine
nkena no aboa kateko."

XLIV Ade nte Dawid ve ye ki boe Olate a, nde foya mo Kristo a aanya Dawid kasinu kame obi?"

Yesu Bɔa Bati Kɔkɔ Ne Yudafo Mbla Batsane Akũ.

XLV Ki bati a flee dza bekatse Yesu foletsa a, edani ebi ye fotsa bakolene a ki,

XLVI "Midã kadã wĩ ne Yudafo mbla batsane a akũ. Bati kĩĩ ado tetadie wulaa katsã kamini, ade bawe ki bati bewõna be ne obu kame ne koya a. Bawe banokoẽ fudziko ne Yudafo fotsenako, mo fudziko wĩ ne fuwi kanyakõ.

XLVII Bakoa tedake kasisi bakunawa kate be toto ade baboa mpaẽ geleele kakoa kamu akũ a. Ne fukĩĩ sũ be soto kavele aaba bati flee fude!"

XXI

Okunawa Odi Fotsa Kate.

I Ne Yudafo Asoli Kola kame a, Yesu ko ane emo asikafõ ki bekõa be futetsa bekado ne ogõle adakã kame.

II Ade emo okunawa ohiãni odi ki eyakõa kaple nviã edo ne adakã a kame a.

III Ade ebi be ki, "Mabi mi ki okunawa ohiãni kĩĩ te fotsa eba bati bebã a flee.

IV Kitoneki bati bebã a kõ ni, be akũ kana fotsa a ki fublusu a kame fudi sukuloo bite, leme otsole ohiãni kĩĩ kõa letsa a ki de akũ yaadzi nkpã a flee eyate ne awĩ."

Yesu Le Loko a Ki Baabubuli Asoli Kola a.

V Fotsa bakolene a kame badi kale kodzela ne Asoli Kola a akũ, mo boe mo kale a ki bekwa bike koe, mo ayekĩ bekele kola foebi a, mo fotsatewa a ki bakpa Baguma a. Leme Yesu bi be ki,

VI "Letsa nye letsa ki miamo ne awi a, loko aaya ki de lidima lelábuki lite ne lokoba akũ. Baadzuli be flee biwula."

Lubokamo Mo Bati Liti Katomena Aaya.

VII Ade ke bivia ye ki, "Fotsa Otšane, loko lowodabe fukĩ aaya? Ade litsa bokwa buyi osũ ki loko a wo oto?"

VIII Yesu bi be ki, "Midã kadã wi, mitafõ beke mi. Bati pii aaya ne yi di akũ bele ki, 'Yi nye Otšene a,' mo 'Loko a wo oto.' Leme mitatomo be.

IX Mitafõ libe liwo mi nte minu kawũkano mo bati kayidza kadza ne bati akũ nkã. Kene ki fotsa kii bame flee fonya loto foya ne foe kame, leme foatsa ki katinya kawũna a fuã kiyua."

X Yesu le enamena loto ki, "Omaĩ mo omaĩ aano akũ, fogã mo fogã leme aano akũ.

XI Tite kakuna mo osĩ mo osĩ, kole mo foso kpa kumekume leme aaya ne kako nye kako, ade libe mo awãwã fotsa aane ne odetó kame a.

XII "Fomo fotsa kii bame flee aaya ni, baatomo mi liti, bipili mi benamena Yudafõ fotsenakõ bedzẽmo mi, bibo mi lokwa bido mi ne kola. Ade baakpa mi benaadzela ne fogã mo abãã banokõẽ ane ne yi sũ.

XIII Fukĩ aakpa mi osi ki mile Kale Wi a.

XIV Mipi miyi ki miláaha akũ ne letsa a ki míale minye mi akũ a akũ.

XV Kitonekĩ maakpa mi foletsa mo kadikanyi ayekĩ mi bakesĩne kame odima lelápuli esĩ ãye ele kale etia letsa a kĩ míale a.

XVI Mi bamanε, bawaǂ, akũ bati mo bakoba aanye mi bekpa ade baako mi kame badi a.

XVII Odi nye odi aakesĩ mi ne yĩ sũ.

XVIII Leme mi loló solo moape malo leláayela.

XIX Midza pintii lokoa míana kate.

Yesu Le Lokó a Kĩ Baabubuli Yerusalem Omato

a.

XX “Nte mimó kĩ sodzafó dza bisinya Yerusalem ni, minyi kĩ omato a kawola wo oto.

XXI Ne lokó a na kame ni, bati a kĩ bideĩ ne Yudea bilo benaa toto akũ. Bikĩ bideĩ ne Yerusalem omato a kame bilo benε, ade bikĩ beláa omato a kame betabuki bimuniki beya ne ye kame.

XXII Kitonekĩ lokó a na aanya soto Kavele fuwi fokpa bati, ayekĩ Katsela Kpalawa foletsa a aaya ne foe kame.

XXIII Fóana osĩ paa fokpa bamatsó mo babima a kĩ babi ameme be a. Lubokamo baũ aaya ne tite kĩ akũ, ade Baguma soto kavele aaya ne bati kĩ akũ a.

XXIV Bati badi aato ne lepame onukpě, ade baapili badi ndom benamena tite bebã akũ a. Ade bikĩ benyé Yudafó aade bidzi ne Yerusalem bati akũ kenaawo lokó a kĩ Baguma yi ekpa be a wũna.

Otidziwa Obi a Aabuki Eya.

XXV “Awãwã fotsa aane ne odetó kame fokatsa nsentseleni ne suwa, odeto mo fusibii anε.

Katinya kame temaĩ akũ aayela be, libe liwo be ne mpo kayili mo kavũ basabasa sũ.

XXVI Libe aafõ ane lisinya bati ne loko a kĩ baakadã ane kakpa letsa a kĩ de aaya ne katinya kame flee akũ a, kitonekĩ odetó kame kobẽ fotsa leláabuki fódza ne foe kádzakõ.

XXVII Ke liti a Otidziwa Obi a aane eta, eya ne luflututu kame mo kobẽ kpale mo ohaĩ.

XXVIII Nte fukĩĩ bame flee do kaya awe ni, midzela folo midã ode kitonekĩ mi kate loko wo oto.”

Mikole Fotsa Ne Ato Kutse Akũ.

XXIX Ade Yesu boa be legbã kĩ, “Midã ato kutse mo futse bebã a.

XXX Nte mimó kĩ konye toota võe ni, minyina kĩ kanode loko wo oto.

XXXI Ade ayea nte mimó fotsa kĩĩ bame kĩ folamena kaya ni, míanyi kĩ Baguma legākanya a fuã.

XXXII “Mabi mi pipiipi kĩ bati a kĩ bidzi finyaa leláaku biwoli fomó fotsa kĩĩ flee aaya ne foe kame.

XXXIII Tite mo ode flee onukpẽ aatẽ leme yĩ foletsa a kõ aana daa.

Kene Kĩ Miana Ne Kukũmane Kame.

XXXIV “Midã akũ kadã wĩ. Mitakoa mi akũ mikpa kanya mo kamoa potoo, mo katinya kame ohau. Nte nné aye ni, Luwi a aayafuta mi,

XXXV nde ayekĩ oyae ato kpeĩ, kitonekĩ Luwi a aaketimo odi nye odi kĩ edzi nkpã.

XXXVI Foesũ mina ne kukũmane kame, mikaaboa mpae luwi nye luwi ayekĩ míana kobẽ mitsã yedede ne fotsa a kĩ fóaya a flee

kame, lɔkɔa miyaadza ne Otidziwa Obi a ane kame.”

^{XXXVII} Yesu kanaatsa bati fɔtsa luwi nye luwi ne Yudafɔ Asɔli Kɔla a kame, ade nte olobe wo ɔto lɔkɔa yadzakū kanaa Kugua Futse Ɔto a akū kawa ne awā.

^{XXXVIII} Ɔnɔne nye ɔnɔne ni, bati kɔdabu atsena ne Asɔli Kɔla a kame katse ye fɔtsa katsa.

XXII

Basɔfɔnɔkɔɛ Tsa Fɔlɔ Kī Bakɔ Yesu.

^I Yudafɔ Abodoo Kī Ɖtáyila Luwi a kī bave Wuda Katɛ Luwi a kanya wo ɔto.

^{II} Yudafɔ basɔfɔnɔkɔɛ mɔ mbla batsane a kavila bati a, foesū bekabɔa mbɔdi kawɛ osi kī baatsā bena Yesu beko ne kabela kame.

Yuda Tunɔ Kī Yaanye Yesu Ɖkpa.

^{III} Ade Abonsam wo ne Yuda kī bave Iskariot, kī enye fɔtsa bakɔlene ewua-nviā a kame ɔmɔa kame a.

^{IV} Foesū Yuda naa Yudafɔ basɔfɔnɔkɔɛ mɔ Yudafɔ mɔ banɔkɔɛ a kī badāmena Asɔli Kɔla akū a sekɛ, ade bipi adzuni ne osi wī a kī ye akū yaatsā enye Yesu Ɖkpa a.

^V Kawɔle de be ade bike otse kī baakpa ye sika.

^{VI} Yuda tunɔ ne foe akū, foesū Ɖkawɛ lɔkɔ wī kī yaanye Yesu Ɖkpa ne bati kɔdabu a katanyi kame.

Yesu Mane Akū Ɖkpa Wuda Katɛ Luwi Funitsā a Kanya.

^{VII} Luwi a kī bakɔ Wuda Katɛ kavelibi ne Abodoo Kī Ɖtáyila Luwi Kanya kame a wo ɔto.

VIII Ade ke Yesu do Petro mo Yohanes kī, “Minaa lokoa minaamane Wuda Katē funitsā a miyi mikpa boe kanya.”

IX Ne awā a bivia ye kī, “Ne ndia awe kī bōnaamane foe buyi?”

X Yesu kpa mbuaye kī, “Nte miawo ne Yerusalem omato a kame ni, onyole odi kī enone kugumi mo mui aatselamo mi. Mitomo ye miwo ne toto a kī te kame yaawo a.

XI Mibi toto olate a kī, ‘Fotsa Otsane bo buvia no kī, “Nde kola kī koe kame bomo yī fotsa bakolene a bóanya Wuda Katē funitsā a?” ’

XII Yaatsa mi kola kpale kudi ne abansulu ode kī bike opunu mo fukpo ne koe kame. Mifō bemanē letsa nye letsa biyi ne awā.”

XIII Bipi osi ade benamo letsa nye letsa pēpēpēpē nde ayekī Yesu bi be a, ade beto Wuda Katē funitsā a ne awā a.

Benya Boe Olate Funitsā a.

XIV Yesu mo ye foto banyane a nadzi ne opunu akū kī banya.

XV Ade ebi be kī, “Fonye yī kawē kokōe kī bomo mi bonya Wuda Katē Funitsā kī fomo maamo lubo.

XVI Mabi mi kī nláabuki ñnya funitsā kī kēnaawo loko a kī foe kayokanu flee a ya ne Baguma legākanya a kame.”

XVII Ke liti a, Yesu bōe kōpu, enye Baguma kolē ade ele kī, “Mite fukī misē mikpa akū.

XVIII Mabi mi kī kito finyaa kanaa ni, nláabuki mmoa waī kēnaawo kī Baguma legākanyakō a ya.”

XIX Ade ebɔe abodoo, enye Baguma kole, ebulibuli ye ekpa be ele kī, “Ade yī sukena kī bekɔa bakpa ne mi lolɔ a. Mikena fukī mikɔa mikai yī.”

XX Ade ayea kī benya biyua a, ebɔe kɔɔpu mɔ waī ele kī, “Kɔɔpu kī nye Baguma nhihie vɔɛ kī esipi ne foe akū mɔ yī babɔane a kī maako ne tite ne mi lolɔ.

XXI Lemε midā, oti a kī yaanye yī ekpa a, bɔmɔ ye budzi ne kanyakɔ ne awī.

XXII Otidziwa Obi a kɔ, aaku nde ayekī Baguma hihie eyi a. Lemε bɔbɔe bakpa owula a kī yaanye ye ekpa a.”

XXIII Ne awā a biyi akū kavia kayɔ kī be kame owei aakena fukī odu.

Owei Bē Flee Ne Fɔtɔ Banyane a Kame?

XXIV Fɔletsɔ kavɛle fudi yawo ne fɔtsa bakɔlene a kame kī be kame owei baabu kī ebē flee.

XXV Ade ke Yesu bi be kī, “Bati a kī benyε Yudafɔ a, be fɔgā deī otumi mɔ ɔsī ne be akū, ade fɔgā kī te be akū buī kī, Bati Bakɔba.

XXVI Lemε fɔtana lɔmɔ ne mi kame. Mbom oti a kī ebē flee ne mi kame ni, ekena ye akū nde obisε kɔlaa. Ade kene kī lɔtɔ onyane ne mi kame ena nde osumune ayea.

XXVII Owei bē ɔkɔba, ekī edzi yanya mbɔee ekī yasum ye a? Fɔwaa yededeede kī ekī edzi yanya a bē. Lemε ndeī ne mi kame nde osumune aye.

XXVIII Mina ne yī akū ne yī sɔhɛe flee kame.

XXIX Nde ayekī Nda kpa yī kɔbē kī ĩnya bati akū a, ade ayea maakpa mi kɔbē a na odu a.

XXX Míanya mimɔa mɔ yĩ ne opunu akū ne yĩ legākanyakō a kame, ade míadzi ne fɔgākpo akū minya Israel futete ewua-nviã a akū a.”

Yesu Le Eyi Kĩ Petro Aasĩ Ye.

XXXI Yesu ve Simon Petro ele kī, “Simon, Simon! Tse katse wĩ! Bekpa Abonsam osi kī eso mi edã lokɔa esa bati wĩ a ne bakpa kame, nde ayekĩ okuani awe afafa kanye ne kamone kame a.

XXXII Leme Simon, mbɔa mpaɛ nkpa nɔ kī nɔ katekado ketadi. Ade nte oyamuniki oya ne yĩ sekẽ ni, do awaẽ ame kobẽ.”

XXXIII Awã naa Petro kpa mbuaye kī, “Boe olate, mmane akū nkpa kī bomo nɔ aawa kola iye kī bomo nɔ aaku!”

XXXIV Ade Yesu bi ye kī, “Petro, mabi nɔ kī fomo okoko aanye onukpẽ nviã lenye kī ni, aale titi elale kī onyina yĩ.”

Sika Kuvũ Mɔ Kuvũ Kĩ Babela Mɔ Lepame Gelele.

XXXV Yesu via ye fotsa bakolene a kī, “Loko a kī ndo mi foto kī ntáfõ mibɔɛ sika kuvũ, iye kuvũ kī babelã iye mpabua a ni, litsedi nasĩ mi?”

Bekpa mbuaye kī, “Letsama tásĩ boe.”

XXXVI Ade Yesu bi be kī, “Finyaakĩ kō ni, odi nye odi kī edeĩ sika kuvũ iye osi akū kanaa kuvũ ni, ebɔɛ ele, ade oti kī elã lepame gelele ni, kene kī eno ye atadie wulaa lokɔa eya lomɔa.

XXXVII Mabi mi kī Katsɛle Kpalɛwa a kame folɛtsa a kī folɛ kī, ‘Bibu ye bido ne tokpa bakenane kame,’ a kene kī foya ne yĩ akū. Kitonekĩ fotsa a kī betɛle ne yĩ akū a lamena kaya ne foe kame pɛpɛpɛ.”

XXXVIII Fɔtsa bakolene a bi ye kī, “Boe ɔlate, amo, fɔpame geleele nviã ne awĩ!”

Ade Yesu bi be kī, “Fɔle!”

Yesu Bɔa Mpaε Ne Kugua Futse Ɖto Akū.

XXXIX Yesu dzakū ene ne ɔmato a kame enaa Kugua Futse Ɖto akū nde ayekī yawε kakena a, ade ye fɔtsa bakolene leme to mo ye a.

XL Kī ewo awã a, ebi be kī, “Mibɔa mpaε ayekī sohuiε lelãanya ne mi akū.”

XLI Ewele akū ne be sekē enaa loto sukuloo, ade enake aduli ebɔa mpaε a.

XLII Eɛ kī, “Nda, nte fɔnye no kawε ni, tinya lubo kamɔ kɔɔpu kī ne yī akū. Leme takena ne yī kawε akū, mbom kena ne no kawε akū.”

XLIII Ne awã naa, ode fɔto ɔnyane odi to ode enye ye akū etsa ye, edo ye kobē.

XLIV Ena ne ayɔlɔho mo kɔneyɔole kame, ebɔa mpaε mo ɔsĩ mo ɔsĩ ebu ade ye olulu na nde babɔane fɔbo, kako ne tite a.

XLV Kī Yesu yidza ne mpaεbo kame a, emuniki enaa ye fɔtsa bakolene a sekē, enamɔ be kī bewaa tida ne ayɔlɔho a kī epi be a sū.

XLVI Ebi be kī, “Nde sū miawa tida? Miyidza mibɔa mpaε ayekī milãawo ne sohuiε kame.”

Yesu Kapi.

XLVII Lokɔ a kī Yesu lamena kɔdzela kale a, bati kɔdabu kudi de kɔne. Yuda kī enye fɔto banyane ewua-nviã a kame ɔmoa nyaa be loto. Efuã Yesu, etu eboomu ye.

XLVIII Leme Yesu bi ye kī, “Yuda, okɔa onukpē kadzeme anyε Otidziwa Obi a okpa bati?”

XLIX Kĩ fotsa bakolene a kĩ bena ne ye akũ a mó letsa a kĩ laya ne Yesu akũ a, bivia ye kĩ, “Boe ɔlate, bokena boe fopame geleele a akũ adzuma?”

^L Letaleta be kame ɔmɔa tsua ɔsɔfɔnɔkɔẽ Flee a osumune sɔmɔna sɔto emuni.

^{LI} Leme Yesu le kĩ, “Oowo! Fukpula ne awã!” Ade ke eta awã kĩ bitsua sɔto a etsa ye a.

^{LII} Ke liti a, Yesu bi basɔfɔnɔkɔẽ mɔ banɔkɔẽ a kĩ badãmena Asɔli Kɔla akũ a mɔ ɔmaĩ banɔkɔẽ a kĩ beyaapi ye a kĩ, “Nde sũ minee futsekpa mɔ fopame miyaapi yĩ nde tɔkpa ɔkenane aye?”

^{LIII} Nna ne mi kame ne Yudafɔ Asɔli Kɔla a kame luwi nye luwi, ade ke mitádo ɔwɔle mipi yĩ a. Leme mi lɔko liwo ɔto kĩ mikena mi adzuma a, ne lɔko kĩ Abonsam ɔtũ kɔbẽ a anya akũ finyaa.”

Petro Sĩ Yesu.

^{LIV} Foesũ bipi Yesu ade bekpã ye benamena Yudafɔ ɔsɔfɔnɔkɔẽ Flee a awã a. Petro leme tomɔ be ena ne liti flee.

^{LV} Bekpɔta fi ne toto a lowabe ade Petro leme nadzi ne bati a kame a.

^{LVI} Kĩ bikĩ banya abawa kame adi yamɔ Petro kĩ edzi yawa fi a, eke ane ne ye akũ ade ele kĩ, “Obi kĩĩ malo tomɔ Yesu.”

^{LVII} Leme Petro sĩ ade ele kĩ, “Otsole dã, ñnyina ye kolaa!”

^{LVIII} Owi tábuna mɔ onyole odi mó Petro eyi ɔsũ a ade ele kĩ, “Nɔ malo ɔnye be kame ɔmɔa!”

Leme Petro kpa mbuaye kĩ, “Onyole dã, nné yĩ mane!”

^{LIX} Nde ndoũhuile mɔa liti a, onyole bebã yale pipipi kĩ, “Atsindze kate leláa ne foe kame kĩ oti kũ tomɔ Yesu, kitonekĩ enye Galileani!”

LX Leme Petro kpa mbuaye kī “Onyole dā, ñnyína letsa a kī de olamena kale!” Mō Petro onukpē kato pe, okoko nye onukpē.

LXI Boe Olate dani edā Petro, ade Petro te ane kī boe Olate bi ye kī, “Fomo okoko aanye onukpē lenye kī ni, aale titi elale kī onyína yī.”

LXII Ade ke Petro ne enaa kanya enabe blobbloblo a.

Bidi Yesu Nsekuo.

LXIII Bati a kī bedāmena Yesu akū a di ye nsekuo bibo ye leme.

LXIV Bisui ye ane ade bivia ye kī, “Bi boe owula a kī eboa nō.”

LXV Ade bibi ye fuvūnatsa pii leme a.

Yesu Dza Ne Omaĩ Banokoẽ Foletsa Badzene Anē.

LXVI Kī kade nyina a, omaĩ banokoẽ, basofonokoẽ mō mbla batsane a yakpota ade bekpā Yesu beyadzela ne be ane kame a.

LXVII Ne awā a, bivia Yesu kī, “Bi boe nte nō nye Kristo a.”

Ade Yesu kpa mbuaye kī, “Nte nle kadi malo miláate yī mido.

LXVIII Ade nte nvia mi kadi malo ni, miláakpa mbuaye.

LXIX Leme kito nviā kī kanaa ni, baadzina Otidziwa Obi a ne Baguma Kpale Ne Ode a somona.”

LXX Ade ke be a flee bivia ye kī, “Foesū Baguma obi ane?”

Yesu kpa be mbuaye kī, “Mi lamena kale kī ye mane.”

LXXI Ade beɛ kī, “Botásĩ adansifo badima. Boe mɔawe a bunu letsa a kī ɛɛ a.”

XXIII

Pilato Dzemo Yesu.

I Ade bati kɔdabu a flee yidza bekpā Yesu benamena Pilato sekē a.

II Ade bido ye onukpē katsua awe kale kī, “Bupi obi kī kī ɛlamɔ boe kade bati adzuni kadani. Yabi be kī betate ɔɔɔɛ bekpā Romafɔ Legānɔkɔɛ. Ɛbɔɛ ye akū kī ye nye Kristo, legā a.”

III Pilato via ye kī, “Nɔ nye Yudafɔ Legā a?”

Yesu kpa mbuaye kī, “Oo, fɔla nde aye kī ɔɛ a.”

IV Ade Pilato bi Yudafɔ basɔfɔnɔkɔɛ mɔ bati kɔdabu a kī, “Ntámɔ letsama ne ye akū kī madza ne foe akū nkɔ oti kī kɔɔ.”

V Lemɛ bedzemenɔ kale kabuli kī, “Ɛneɛ ye fɔtsa katsa yado ɔtutū ne bati kame ne Yudea tite flee akū. Eyi fukī kayɔ ne Galilea ade finyaa ɛkɔa foe eyamena ne awī lemɛ a.”

Herodes Dzemo Yesu.

VI Kī Pilato nu fukī a, evia be kī, “Galileani yanɛ?”

VII Foesū kī enyi kī Yesu to Galilea ne awā kī Legā Herodes anya akū a, ɛkɔa ye ema Herodes, kī ena ne Yerusalem ne lɔkɔ a na kame.

VIII Kawɔɛ de Herodes paa kī emɔ Yesu, ki-tonɛkī enu ye nkā ade ɛkawɛ kī yamɔ ye anɛ kɔkɔkɔɛ a. Ɛkadā anɛ kī Yesu aakena awāwā fɔtsa fudi etsa ye.

IX Foesū Herodes via Yesu fɔletsɔ pii lemɛ Yesu tábinya onukpē.

X Awã naa Yudafo basofonokõẽ mɔ mbla bat-sane a ne beyadza ne loto bitsua foletsã mɔ osĩ mɔ osĩ bite ne Yesu akũ.

XI Legã Herodes mɔ ye sodzafɔ a di Yesu nsekuo bisupa ye. Bido ye atadie wulaa mɔ kale nde legã aye, bimuniki mɔ ye bema Pilato.

XII Luwi a na, Herodes mɔ Pilato dani bekena bakoba, kufe kɔkɔe a bakesĩ akũ.

Pilato Kó Yesu Kɔto Ekpa Wuda.

XIII Pilato ve Yudafo basofonokõẽ, omaĩ banokõẽ mɔ bati a ekpota.

XIV Ade ebi be kĩ, “Mikpã oti kĩ mima yĩ ade mile kĩ elamɔ bati adzuni kadani a. Finyaa ne mi ane kame ne awĩ a, nvia ye onukpẽ kame tuwuli, ade foletsã a kĩ mibɔe ne ye akũ a, ntámɔ tokpa tidima ne foe kame kĩ mako ye kɔto.

XV Legã Herodes lemɛ támɔ tokpa tidima ne ye akũ foesũ emunikimɔ ye ema boe. Oti kĩ tákena tokpa tidima kĩ efeta ekpa wuda.

XVI Foesũ maafõ bibo ye nfone ye awe edzakũ enaa.”

XVII Ne Wuda Katẽ Luwi kanya kame ni, kene kĩ Pilato efone bati a kĩ bewaa kola a kame omɔa awe ekpa be.

XVIII Bati kodabu a flee boã fowɔla kɔɔba kĩ, “Kɔ ye! Fone Baraba awe kakpa boe!”

XIX Bido Baraba ne kola kĩ edo otutũ ne omato kpale kame, eko bati lemɛ.

XX Pilato we kĩ yafone Yesu awe foesũ ebuki enye foletsã kame etsa bati kodabu a.

XXI Lemɛ bebɔa fowɔla biko ne ye akũ kĩ, “Boã ye ne asendua akũ! Boã ye ne asendua akũ!”

XXII Pilato buki ebi be lalalade kī, “Mò litsa tokpa oti kī kēna? Ntámò letsa kī ekēna kī yana foe akū wuda! Maafõ bibo ye lokoa nfone ye awe.”

XXIII Lemε bati a dzemena fowola kaboa kooba kī bebōa Yesu nε asendua akū. Nε foe kawūna kame a, bati a fowola kaboa nya Pilato akū.

XXIV Foesū Pilato ko Yesu kotō ndε ayekī bati a wε a.

XXV Ade εfone oti a kī bawε a awe ekpa be a, oti kī bido nε kola nε otutū mò bati kako sū, ade ekōa Yesu edo nε be awe kī bekēna ye ndε ayekī bewε a.

Sodzafō Bōa Yesu Nε Otse Akū.

XXVI Sodzafō a kpā Yesu benamena. Ade kī banaa nε osi a, betselamena Kireneni onyole odi kī bawε Simon, kī eto akula adi kame yanna Yerusalem. Bipi ye behe ye kī elō asendua a etomō Yesu nε liti.

XXVII Bati kodabu baū a tomō Yesu nε liti, ade batsole nε be kame kabe kakpa ye a.

XXVIII Yesu dani etselamō be ebi be kī, “Yerusalem batsole, mitabe mikpa yī mbom mibe mikpa mi babi mò mi akū.

XXIX Kitonekī loko aaya kī bati aale kī, ‘Be a kī benye baduko, be a kī betátsāmō koma bema tō, mò be a kī betámeme be teme tō a na lolō wī!’

XXX Ade loko a na mò bati aabi toto kī, ‘Midzuli miko nε boe akū!’ Ade baabi kotobii kī, ‘Mikola boe!’

XXXI Kitonekī nte bekēna fukī nε kutse gō akū ni, nde foána fokpa kutse wolewa?”

XXXII Bekpā banyole bebā nviã kī benye tokpa bakenane bibumō Yesu kī benaako be.

XXXIII Kĩ biwo awã kĩ bave kĩ Oti Lolo Fotsõ a, bebõa Yesu ne asendua akũ. Bebõa banyole nviã a leme ne asendua akũ, omõa ne ye somõna, oyade a ne ye sebã.

XXXIV Ade Yesu le kĩ, “Nda, kõa kate be, kitonekĩ binyĩna letsa a kĩ belamena kakena.” Ke liti a sodzafõ a wole ade besẽ Yesu tetadie bekpa be akũ a.

XXXV Bati a flee dza ne awã bekadã foe. Ade Yudafõ banokõẽ a di Yesu nsekuo bele kĩ, “Ete bati bebã nkpã foesũ nte ye nye Kristo a kĩ Baguma pau a ni, enye ye akũ!”

XXXVI Ade ayea sodzafõ a leme di Yesu nsekuo a. Bifuã ye bekõa waĩ mo onye mo onye bekpa ye kĩ emõa.

XXXVII Ade bibi ye kĩ, “Nte nõ nye Yudafõ legã a ni, te nõ akũ!”

XXXVIII Betselẽ foletsa kĩĩ ne ye lolo nyange kĩ, “Ade Yudafõ Legã ne awĩ a.”

XXXIX Tokpa bakenane a kĩ bebõa ne asendua akũ a kame omõa vũna Yesu kĩ, “Nné nõ nye Kristo a? Te nõ akũ kate boe malo!”

XL Leme oyade a wũni ne ye akũ kĩ, “Aávila Baguma mbõee? Ote soto kavele moape a kĩ ete a.

XLI Leme boe soto kavele a feta boe, kitonekĩ letsa a kĩ bokena a, ade de soto kavele bote a. Leme etãkena tokpa tidima.”

XLII Ade ebi Yesu kĩ, “Yesu, te ane ne yĩ akũ nte owo nõ legãkanyakõ a kame.”

XLIII Awã naa Yesu bi ye kĩ, “Mabi nõ ne onokõali kame kĩ nviã kĩĩ aana ne yĩ sekẽ ne Paradiso kame.”

Beko Yesu.

XLIV Kĩ kite sukuloo suwa tɔdɔũ ewua-nviã aboa a, suwa fɔ̃ kata, ade ɔtũ ke ne katinya flee kame kenawo tɔdɔũ elale kame a.

XLV Ade lima a kĩ levane ne Asoli Kola kame a bẽ ne kayite a.

XLVI Yesu boã fowola kɔɔba kĩ, “Nda, nkɔa yĩ kaweya ndo ne nɔ awe.” Kĩ ele fukĩ a, eku.

XLVII Sodzafo ɔnokɔẽ a mɔ letsa a kĩ leya, ade emu Baguma ele kĩ, “Fɔnye ɔnokɔali kĩ oti wĩ yanɛ.”

XLVIII Kĩ bati a kĩ bekpota ne awã bekadã foe flee a mɔ letsa a kĩ leya a, bedzakũ benaa kola mɔ ayɔlɔhɔ mɔ akpɔ kako ne lolɔ mɔ ɔwɔle.

XLIX Bati a kĩ binyina Yesu kanyina wĩ a, mɔ batsole a kĩ bitomɔ ye bito Galilea a, dza mɔ lugo bekadã fɔtsa kĩ.

Yosef Kĩ Eto Arimatia a Bila Yesu.

L Onyole odi kĩ bave Yosef kĩ edzi ne Arimatia ɔmato a kame ne Yudea tite akũ na ne awã. Enya oti wĩ kĩ ye akũ deĩ obu, ade ekadã anɛ kakpa lokɔ a kĩ Baguma legākanyakɔ a aaya.

LI Tito kĩ ena ne Yudafɔ omaĩ banokɔẽ foletsa badzene katsena a kame malo ni, etátunɔ ne letsa a kĩ de akũ bike otse, mɔ letsa a kĩ bekena a akũ.

LII Enaa Pilato anɛ kame ade enawã Yesu ɔnokpa a.

LIII Ade ke evenya ɔnokpa a ekɔa lima owoe esuli ye a. Ekɔa ye ewɔla ne linike kĩ benye ne de kame, kĩ betábila odima ne de kame tɔ a kame.

LIV Luwi a nya Efieda ade Kaweya Luwi a lamo ɔto kawo a.

LV Batsole a kī bitómɔ Yesu bito Galilea tomo Yosef benadā linike a, mɔ ayekī bekɔa Yesu ɔnokpa bewɔla ne de kame.

LVI Ke liti a, bimuniki benaa kɔla benamane tutsonu mɔ fugua mɔ ɔlɛ mɔ ɔlɛ kī baakɔa betsela ɔnokpa a biyi. Ne Kaweya Luwi akū a, bidzi beweya ne be mbla a onukpɛ.

XXIV

Yesu Yidza Eto Kanɔkpa

I Ekwansieda ɔɔne tutuutu a, batsole a naa linike a ɔwɛ, benɛ letsa nye letsa a kī bemanɛ biyi a.

II Awā naa bemó kī bimininya de kpale a kī bekɔa bisua linike onukpɛ a biyi ne ɔwɛ.

III Foesū biwo ne de kame lemɛ betámɔ boe ɔlate Yesu ɔnokpa a.

IV Bekena saa bedzɛ bakɔna foe akū, ade letaleta bati nviā kī bena ne tetadie kī tata muamua kame ne beta ne be akū a.

V Libe wo be paa foesū bekena akū ne kayɔ bekpa be, ade banyole a bi be kī, “Nde sū miawe oti kī edzi nkpā ne banɔkpa kame?”

VI Eláa awī. Eyidza eto kanɔkpa! Mite anɛ ne letsa a kī ebi mi ne lɔkɔ a kī ena ne Galilea kī,

VII kenɛ kī bekɔa Otidziwa Obi a bido ne bati kpa awɛ, baabɔa ye ne asendua akū, lɔkɔa ne fuwi elale liti a, eyidza edzi nkpā.”

VIII Ade batsole a te anɛ ne ye fɔletsa a akū a.

IX Bimuniki bito linike a ɔwɛ benabi fɔtsa bakɔlene ewua-odi a mɔ bati bebā fɔletsa a flee.

X Batsole a nye Maria Magdalani, Yohana mɔ Maria kī enye Yakobo ɔma. Bemɔ batsole bebā a benabi foto banyane a fɔletsa a flee.

XI Leme foto banyane a kɔna kī letsa a kī bibi be a nye fɔkoasiatsa, foesū betáte be bido.

XII Leme Petro ta eyidza ewula atse enaa linike a ɔwě. Ekena akū edā de kame ade emo ɔnokpa tilima odi a. Ekena saa emuniki enaa kɔla ne letsa a kī leya a sū.

Yesu Nye Akū Etsa Bati Badi Ne Emaus Osi.

XIII Ne luwi mɔape a akū a, bikī bitómo Yesu a be kame bati nviã tsě osi banaa akula adi kī bave Emaus kame. Osi a lugo aana nde fusikū evũkono kito awã kenaa Yerusalem.

XIV Bati a kalomena ne fɔletsa a kī fɔya a flee akū.

XV Kī bekalomena kanye fɔletsa kame a, Yesu yapi be ade betsã benaa a. XVI Bemó ye leme betáyi ɔsū kī ye yane.

XVII Yesu via be kī, “Litsa akū milamena kalomena ne osi a?”

Befõ bedza dīi mɔ ane kame mɔ kɔnya.

XVIII Ade be kame ɔmɔa kī bave Kleopa via ye kī, “Nɔ odi nye ɔnoɔě ne Yerusalem kī ɔtánu letsa a kī de leya ne fuwi lukū kīi kame a mbɔee?”

XIX Yesu via be kī, “Litsa fɔletsa leya?”

Bekpa ye mbuaye kī, “Fɔletsa a kī fɔya ne Yesu Nazaretni akū a. Oti kīi nye Baguma onukpě ɔnyene kī edeĩ kɔbě yakena awāwā fɔtsa pii, enye fɔtsa ɔtsane kpale kī Baguma mɔ bati flee akpa ye obu.

XX Leme Yudafɔ basɔfɔnokɔě mɔ omaĩ banokɔě pi ye bekɔa ye bido ne Roma abãã awe, kī beko ye koto bekpa wuda, bebɔa ye ne asendua akū.

XXI Bona konete ne ye akū kī ye aanya oti a kī yaanye Israel. Ade nviā nye fuwi elale kī fukī flee ya ne foe kame a.

XXII Boe katsu a kī kitomō ye a kame batsole badi fō akū nyene boe, kitonekī onone tutuutu kī benaa ye linike owē,

XXIII leme betámō onokpa a. Bimuniki beyabi boe kī Baguma ode foto banyane nye be akū betsa be, bibi be kī Yesu dzi nkpā.

XXIV Boe katsu a kame banyole badi naa linike a owē benamō foe pēpēpē nde ayekī batsole a le a, leme betámō Yesu.”

XXV Ade Yesu bi be kī, “Mitene kadzimbi! Mi adzuni lēlá sowa kī miate Baguma onukpē banyene a fōletsa a flee mido!

XXVI Mitanyi tō kī kene kī Kristo a emō lubo kī bame flee fōmō yaaawo ne ye legākanya kukūkpale a kame?”

XXVII Ade ke Yesu kpale fōletsa kame etsa be ne letsa a kī Katsēle Kpalēwa a tsēle ne ye akū, kito Mose tuvoli akū keyake ne Baguma onukpē banyene flee katsēle a akū a.

XXVIII Kī bifuā akula a kī ye kame banaa biyua a, Yesu kena nde yatē enaa lotō.

XXIX Leme biwūnya ye ade bibi ye kī, “Dzi ne boe sekē. Kade dō kiyua ade otū do kake awe a.” Foesū enase ne be sekē.

XXX Kī bemō be bidzi kī banya a, ebōe abodoo enye Baguma kolē, esē ekpa be.

XXXI Ne awā naa, be ane binya ade bemó ye biyi osū a, leme eyela ne be ane kame.

XXXII Ade ke bibi be akū kī, “Fotákena nde fi fudi lekatẽ ne boe towole kame, kī ekanye Katsese Kpalewa foletsá a kame katsa boe ne osi a?”

XXXIII Ade biyidza bimuniki moatse benaa Yerusalem, benamo foto banyane ewua-odi a mo bati bebã a kī bekpota a.

XXXIV Benabi be kī, “Nuwĩ boe Olate yidza eto kanokpa ade enye ye akū etsa Simon a.”

XXXV Bati nviã a bi be letsa a kī leya ne osi akū a, mo ayekĩ bemó boe Olate a biyi osũ ne loko a kī eyele abodoo ekpa be a.

Yesu Nye Ye Akū Etsa Ye Fotsa Bakolene a.

XXXVI Kī bati nviã kī kabi be foletsá kī a, deedimopare Yesu moawe ne edza ne be kayite, ade ebi be kī, “Lukudo litomo mi.”

XXXVII Libe wo be paa ade bekakona kī onokpa bemo.

XXXVIII Leme Yesu bi be kī, “Nde sũ miboa obili lomo? Nde sũ miate atsindze ne mi kame?”

XXXIX Midã yĩ awe mo yĩ foneta. Mita yĩ midã mimo kī nné onokpa mane, kitonekĩ hũhũ lelá sukena mo fotsõ nde ayekĩ miamo kī ndeĩ a.”

XL Kī ele foe a, ekoa ye awe mo foneta etsa be.

XLI Kawole de be paa, leme fokena be wãwã, foesũ biti betáte bido. Ade ke Yesu via be kī, “Mideĩ funitsã fudi ne awĩ?”

XLII Bekpa ye kafabi tolewa kadi,

XLIII ete ke eba ne be ane kame.

XLIV Ke liti a ebi be kī, “Ade foletsá kī bame mbi mi ne loko a kī nna ne mi kame a. Kene kī letsá nye letsá a kī betsele biyi ne Mose mbla, Baguma onukpẽ banyene tuvoli mo Tono Ovoli a kame foya ne foe kame lomo.”

XLV Ebinya be adzuni ayekĩ baanu Katselɛ Kpalɛwa a kamɛ fɔletsɛ a kayɔ.

XLVI Ebi be kĩ, “Betselɛ biyi kĩ Kristo a aamɔ lubo, lɔkɔa eyidza eto kanɔkpa nɛ luwi lɛlalɛde a akũ.

XLVII Nɛ ye dĩ akũ ni, bikĩ bitomɔ ye a aade letsã nɛ ɔwɔle kamɛ kadani mɔ tɔkpa kakɔakate akũ bekpa katinya kamɛ bati flee. Baayi letsã kĩĩ kade kayɔ bitomɛna Yerusalem.

XLVIII Mi nyɛ fukĩĩ bamɛ flee adansifo.

XLIX Yĩ mɔawɛ a maakɔa Hũhũ Kpalɛwa mma mi ndɛ ayekĩ Nda ɛ eyi a. Lɛmɛ midzi nɛ Yerusalem nɛ awĩ kɛnaawo lɔkɔ a kĩ kɔbɛ a aato ode kɔyaatɛ mi kamɛ.”

Baguma Bɔɛ Yesu Enamɛna Ode.

L Ade ɛkpã be bɛnɛ nɛ Yerusalem ɔmatɔ a kamɛ bɛnaa Betania, awã kĩ ɛdzɛla awɛ nɛ ode ehila be a.

LI Kĩ ɛkahila be a, ɛdzakũ ɛfɔnɛ be ade bɛbɔɛ ye bɛnamɛna ode a.

LII Ade ke bisum ye bimuniki bɛnaa Yerusalem nɛ kawɔle kpale kamɛ a.

LIII Bidzi nɛ Asoli Kɔla a kamɛ daa, bekamu Baguma.

Baguma Apam Vɔɛ a Tɔwuli
Tɔwuli: Baguma Apam Vɔɛ a Tɔwuli New Testament
copyright © 2008 Wycliffe Bible Translators, Inc.

Language: (Tɔwuli)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 28 Dec 2024 from source
files dated 29 Jan 2022

68df0193-2981-5275-8994-8f743fe01e5e